


იოსებ ირემეუვილი

1932 გვლდინი



სტალინი და  
საქართველოს  
ტრაგედია

უცნობი  
ირემეუვილი

2006  
თბილისი



977.8621  
K298.476  
3

რედაქტორი: დარეჯან კუხიანიძე

თარგმანი მაია ბადრიძის და რუსუდან ზექალაშვილისა

ISBN 99928-69-19-4

ასოციაცია „ქართული კულტურა საქართველოში  
და მის საზღვრებს გარეთ“



საქართველოს პარლამენტის  
ეროვნული ბიბლიოთეკა

დაიბეჭდა  
შპს „ფავორიტი“



# Stalin

und die Tragödie  
Georgiens



*Erinnerungen  
von seinem  
langjährigen  
Freund  
Dr. J. Jremaschwili*

Berlin 1932



„სტალინი და საქართველოს ტრაგედია“ 1932 წელს გერმანულ ენაზე გამოიცა ბერლინში, პოლიტიემიგრანტის, სტალინის ბავშვობის მეგობრის, შემდეგ კი მისი პოლიტიკური მონინალმდების, დოქტორ იოსებ (სოსო) ირემაშვილის მიერ.

1918-21 წლებში, დამოუკიდებელ საქართველოში, იოსებ ირემაშვილი სხვადასხვა დროს პარლამენტის დეპუტატი, მინისტრის „ამხანაგი“ (მოადგილე) და დუშეთის კომისარი იყო.

საგულისხმოა, რომ მას ახლო ურთიერთობა ჰქონდა აკაკი წერეთელთან და იაკობ გოგებაშვილთან.

თავის მოგონებებში ირემაშვილი იხსენებს იოსებ ჯულაშვილის ბავშვობისა და ჭაბუკობის ხანას, მისი პოლიტიკური მოღვაწეობის დასაწყისს და ბრალს სდებს მას 1921 წლის ტრაგიკულ მოვლენებში – ბოლშევიკური რუსეთის მიერ საქართველოს ოკუპაციასა და ანექსიაში.

50-იან წლებში, რეპრესიების ახალი ტალღა რომ დაიწყო, ი. ირემაშვილის ოჯახი გააფრთხილეს: დაჭერებია მოსალოდნელი, თუ რაიმე გაქვთ სოსოსაგან უცხოეთიდან გამოგზავნილი ან აქ დატოვებული, გაანადგურეთო. ამიტომ არ შემორჩა საქართველოში მისი ყოფნისა და საქმიანობის ამსახველი დოკუმენტები, პირადი თუ ოფიციალური მიმოწერა, სხვა ნაწერები. გადარჩა მხოლოდ ბერლინიდან გამოგზავნილი რამდენიმე წერილი და ერთი წერილის ფრაგმენტები.

„სტალინი და საქართველოს ტრაგედია“-ს, როგორც სანდო წყაროს, ეყრდნობა სტალინის ბიოგრაფიით დაინტერესებული ყველა უცხოელი ავტორი, ქართველ მკითხველს კი პირველად ეძლევა შესაძლებლობა, გაეცნოს წიგნის სრულ ვარიანტს.

წიგნს ახლავს მეორე ნაწილი – „უცნობი ირემაშვილი“, სადაც მოთხრობილია ი. ირემაშვილისა და მისი ოჯახის ცხოვრებაზე. აქვე გამოქვეყნებულია ი. ირემაშვილის შვილიშვილების მიერ მოძიებული მცირე საარქივო მასალა და ფოტოალბომი.

ჩვენს საზოგადოებრიობას სულ ახლახან დაუბრუნდა კიდევ ერთი, თითქმის მივიწყებული პიროვნების, სახელი. ეს გახლავთ წარსულში ცნობილი პოლიტიკური მოღვაწე იოსებ (სოსო) ვიორგის ძე ირემაშვილი (1879-1944). იგი სტალინის ყმაწვილობისდროინდელი მეგობარი იყო, შემდგომში კი მისი მოწინააღმდეგე და ოპონენტი გახდა.

სოსოები ერთად სწავლობდნენ გორის სასულიერო სასწავლებელსა და თბილისის სასულიერო სემინარიაში, ერთადვე დაეწაფნენ სოციალ-დემოკრატიულ იდეებს. კარგა ხანს გრძელდებოდა ასე, ვიდრე მომავალი სტალინი, იმჟამად კობა ჯუღაშვილად ცნობილი, საბოლოოდ ბოლშევიკების ბანაკში არ აღმოჩნდა, ვითარცა მათი ერთ-ერთი თაყვანი.

იმთავითვე იოსებ ირემაშვილი – მენშევიკი, ბოლშევიკების იდეური მტერი გახდა. საერთოდ მას მთელი სიცოცხლე აწუნებდა ის, რომ სწორედ სოციალ-დემოკრატია, სადაც თავიდანვე ქართველი ახალგაზრდები სამშობლოს განთავისუფლების იდეებს ეძებდნენ, შემდგომში, ბოლშევიზმის წყალობით, საზარელ სერვილად აღიშართა ამ თავისუფლების გზაზე, კობა-სტალინი კი ბოლშევიზმის ერთ-ერთი ლიდერი და ინსპირატორი გახდა.

1921 წლის თებერვლისათვის, XI წითელმა არმიამ დემოკრატიული საქართველოს საზღვრები რომ გადმოლახა, ი. ირემაშვილი წერდა:

**„ზოგი ჭირი მარგებელიათ, უთქვამთ ძველებს.**

ჩვენ კი შეგვიძლია თამამად ვაღიაროთ, რომ ჩვენი ერის მუდმივი გასაჭირი და მისი არსებობისათვის განუწყვეტელი ისტორიული განსაცდელი ყოფილა სამჭედლოს ის დაუნელებელი ქურა, სადაც მტკიცედ იჭედებოდა მისი ერთგული სიბრძნე, მდიდარი კულტურა, გაფოლადებული ნებისყოფა.

აბა, გადახედეთ თუგინდ ამ ჩვენს ახალს, მოკლე, მაგრამ უმდიდრეს ისტორიას. განა განვლილის საბედისწერო მომენტები არ წარმოადგენენ იმ უროს ცემას, რომელიც რბილ რკინას აფოლადებს და აყალიბებს?!

განა ამ გასაჭირის მომენტებმა არ გამოაფხიზლეს ქართველი ერი.



განა მათ კვლავ სწრაფად არ გაათვითცნობიერეს ის და ერთ ცოცხალ არსებად ქცეული თავის შესაფერ დემოკრატიულ სახელმწიფოში არ ჩამოაყალიბეს?!

და, აი, ეს დიდი ჭირიც, უსინდისო, ვერაგი მტრისაგან კარზე მომდგარი, ახლავე დიდ სამშვილდიშვილო ნაყოფს იძლევა, რომლის უტყუარი ნიშნები უკვე ჩანს...

მუხანათი მტერი ვერაგულად დაგვესხა თავს, - და ისიც იმ დროს, როდესაც საქართველო თავის საერთაშორისო ოჯახში დაბადებას დღესასწაულობდა, ზეიმობდა.

დიდს განსაცდელში ჩავარდა მისი თავისუფალი არსებობა, მაგრამ ამ დიდმა განსაცდელმა დიდი სასწაულიც მოახდინა; მან აღაჭვნო, აღაფრთოვანა მთელი ერი; მან გამოამჟღავნა დაფარული მისი ფოლადისებური ნებისყოფა და აი, ეს პატარა საქართველო ჭეშმარიტად რომ ჯარასაგით დატრიალდა.

მთელი ერი ერთი კაცით ფეხზე დადგა. მრისხანედ წელში აღიშართა და ბრძოლის ველზე კვლავ რაინდულად გამოდის. ის დღეს იბრძვის მხოლოდ თავისუფალი არსებობისათვის და ამიტომაც ზღაპრულად ლომკაცდება.

ნაადრევი რომ არის მის მტერთა გველური სისინი, რომელიც ნეტარობს და ელის მის დამარცხება-განადგურებას, ამაში ის ჩქარა დარწმუნდება. რომ გამარჯვების მოყვარული და გამარჯვებასვე ჩვეული საქართველო კვლავ დიდი, სამაგალითო გამარჯვების დაფნის გვირგვინს დაიდგამს, ამისი თავდებია ის ცეცხლის მფრქვევი, გვირული ბრძოლის ყიჟინა, რომელიც საქართველოს ყველა კუთხიდან მრისხანედ მოისმის და ეს ყიჟინა გაპიროვნებული ქართველი ერისა, ომანთანად გაისმის ძველ აზიასა და ახალ ევროპის გზაჯვარედინზე...

როგორც პარმონიული მრავალეჟამიერის დიადი სიმღერით, რომელშიც ჩაქსოვილია ქართველი ერის საერთაშორისო სიყვარულით აღჭვნებული ვული და სული, თავის სიცოცხლესთან ერთად შეხნატრის ყველა ერების სიცოცხლესაც, - ისე ამ თავისებური ბრძოლის ყიჟინით ის კვლავ უყივის ყველა ერებს:

„მოსვენებით, თავისუფლად მაცოცხლეთ და მაცხოვრეთ ჩემს ცის



ნაჭერის ჭერქვეშ, ჩემს მიწა-წყალზე, რომელიც სისხლით და ოფლით არის გაბოხიერებული; მაცხოვრეთ ჩემებურათ, დემოკრატიულათ, და თქვენც იცხოვრეთ, იხარეთ, ინეტარეთ. მე არ მინდა ვისიმე დამონება, მაგრამ ნურც მე დამიმონებენ, მომსპობენ, გადაამაშენებენ... თორემ ბევრი მტერი მომიგერებია, მომინელებია და კვლავაც მოვიგერიებო“.

და ვინ იტყვის, რომ ამ ახალი დროის და ქვეყნის გარიჟრაჟზე, ქართველი ერის ასეთი ისტორიული ყიფინა საკაცობრიო, საერთაშორისო, კეთილშობილური ყიფინა არ არის?!

და აი ამიტომაც დღეს მთელ საქართველოს სწამს, რომ მისი ასეთი სამართლიანი ბრძოლის ყიფინა მთელ მსოფლიოს მოეფინება, ყველგან გამოიწვევს ის სათანადო გამონმაურებას და სამაგალითო გამარჯვებითაც დაგვირგვინდება“.

(ი. ირემაშვილი. „ბრძოლის ყიფინა“, გაზ. „ერთობა“, 23.II.21).

1922 წელს ბოლშევიკთა საბჭოთა ხელისუფლებამ სხვა „არასაიმედო ელემენტებთან“ ერთად ირემაშვილი საზღვარგარეთ, გერმანიაში, გადაასახლა. დაიწყო პოლიტიკური ანტიპროპაგანდის მძიმე ცხოვრება, რომელსაც წერტილი დაესვა 1944 წელს. ოჯახის წევრებისადმი გამოგზავნილი და შემთხვევით გადარჩენილი წერილებიდან კარგად ჩანს ირემაშვილის მძიმე, ნოსტალგიური განწყობილება. დროდადრო გერმანიაში ჩასული საბჭოთა საქართველოს მესვეურები მას ჰპირდებიან დააბრუნონ სამშობლოში, თუ იგი საჯაროდ დაგმობს ემიგრაციაში მყოფი ქართველი მენშევიკების პოლიტიკურ საქმიანობას, მაგრამ ირემაშვილი უარობს. იგი იმ აზრისაა, რომ იქნება მას ბევრი რამეც ჰქონდეს სადავო მენშევიკი სოციალ-დემოკრატების პოლიტიკასთან, მაგრამ არა სხვისი დავალებით, და იმ კუთხით, როგორც მას ბოლშევიკები სთავაზობენ.

1932 წელს მოწმენდილ ცაზე მენის ვაგარდნას დაემსგავსება და შემდგომში დიდად ვახშიანდება ბერლინში გერმანულ ენაზე ი. ირემაშვილის წიგნის გამოცემა. წიგნს ჰქვია „სტალინი და საქართველოს ტრაგედია (მისი ძველი მეგობრის, დოქტორ ი. ირემაშვილის მოგონებები)“.

ი. ირემაშვილი ცდილობს ევროპულ, კერძოდ კი გერმანულ საზოგადოებრიობას, განუმარტოს სტალინის ფენომენი. არ დაგვავიწყდეს, ეს



ის დროა, როცა ვაიძარის რესპუბლიკის უკანასკნელ წლებში გერმანიის აშიც საკმაოდ დიდ გავლენას აღწევენ კომუნისტები, რომლებსაც მოსკოვიდან სტალინი და, საერთოდ, ბოლშევიკები წარმართავენ.

ი. ირემაშვილი ევროპულ საზოგადოებას აფრთხილებს, რომ ბოლშევიზმის ლიდერი, სტალინი, ჰუმანიზმისა და დემოკრატიის მესვეური კი არაა, როგორც ამას კომუნისტური პროპაგანდა ირწმუნება, არამედ მეთაური იმ სისტემისა, რომელსაც საერთო არაფერი აქვს დემოკრატიათან.

ამ მიზნით ი. ირემაშვილი ცდილობს, მისთვის უმთავრესად პირადად განცდილი ფაქტებით აჩვენოს სტალინის დესპოტური ხასიათის ფორმირება, ხასიათისა, რომელმაც, მისი აზრით, დიდი როლი შეასრულა ბოლშევიზმის ისედაც ტირანული პოლიტიკური სისტემის შექმნაში, იმ უკიდვებანო პოლიტიკური ჯოჯოხეთის აგებაში, რომელშიც, სხვა ხალხებთან ერთად, ქართველებიც იქნენ გამომწვევდუენი.

მეითხველებს უნდა შევახსენოთ, რომ ი. ირემაშვილის ნაწერი არა მარტო მემუარული ნარკვევია, რაც, ცხადია, ავტორის ჭარბ სუბიექტივიზმსაც გულისხმობს (ასეთია საერთოდ თითქმის ყველა მემუარული წყარო), არამედ მაკრი პოლიტიკური პაძფლექტიც, რის გამოც ზოგიერთი ფაქტი ან გაზვიადებულია, ავტორის პირადი თვალთახედვითაა დანახული, ან, რიგ შემთხვევაში, პრობლემატურია.

ერთ-ერთი ასეთი დეტალია, მაგალითად, ი. ირემაშვილის კატეგორიული განცხადება, რომ 1907 წელს კობა-სტალინი არაპირდაპირ იდგა ი. ჭავჭავაძის მკვლელობის უკან. ჩვენს ნარკვევში („წიწამურის ტრაგედიის გამოცანები“ იხ.: ვაზ. „სახალხო განათლება“, 30.VIII.90). ჩვენ ვრცლად ვაგარჩიეთ ი. ირემაშვილის ეს ცნობა და დაგასკვნით, რომ ავტორის მიერ ლიტონად გადმოცემული ეს ცნობა საკმარისი არაა სტალინის დასადანაშაულებლად წიწამურის აქციაში, თუმცა სოციალ-დემოკრატების, კერძოდ, ბოლშევიკების მონაწილეობა ილია ჭავჭავაძის მკვლელობაში უეჭველია და ეს სხვა ფაქტებით დგინდება. ჩვენ ისიც შევნიშნეთ, რომ ი. ირემაშვილისეული ბრალდების ერთ-ერთი წყარო შესაძლებელია ის ფაქტია, რომ 1906-1908 წლებში კობა-სტალინი ამიერკავკასიის ბოლშევიკი ტერორისტების ექსებს ხელმძღვანელობდა, რაც კარგად არის ცნობილი.

ი. ირემაშვილის მონათხრობიდან არარეალურია მისი ჩვენება სტალინის მამის, ბესო (ბესარიონ) ჯუღაშვილის, არაქართული წარმოშობის შესახებ, - ოსი იყოთ ეროვნებით. ეს აღნიშვნა უნდა მომდინარეობდეს სტალინის მოწინააღმდეგეთა წრიდან, რაც შემდგომში ატაცებულ იქნა ქართველი პოლიტემიგრანტების მიერაც, რომლებიც ცდილობდნენ სტალინის ვითომცდა არაქართული გენეალოგიით ეჩვენებინათ მისი ტირანობისა და პირადი სისასტიკის ერთ-ერთი წყარო და ამნაირად უცხოელები დაერწმუნებინათ, რომ ბოლშევიზმის ცოდვებში დამნაშავეა ამ შემთხვევაში სტალინის არაქართული გენი და, მამასადაძე, ქართველ ერს სტალინის ცოდვებში წილი არა აქვს. სტალინის ფენომენის ამგვარი ახსნა ერთობ მარტივია, ვინაიდან სტალინიზმი ბოლშევიკთა გენსეკის წარმოშობით და ხასიათით კი არ იხსნება, არამედ გრანდიოზული მასშტაბის სოციალური და პოლიტიკური ფაქტორების ერთობლიობით, მაგრამ თუ რამდენად პოლიტიკური უღერადობა ჰქონდა მაინც სტალინის გენეალოგიის საკითხს, კარგად ჩანს, თუნდაც, იქიდანაც, რომ თავის დროს ბორის სუვარინი ფრანგულ ენაზე გამოცემულ სტალინის ბიოგრაფიაში აღნიშნავდა, რომ არაქართველი, კერძოდ, ოსი იყო სტალინის დედა ეკატერინე (კეკე) გელაძე, რაც, ცხადია, აბსურდია. ეს ცნობაც სუვარინისთვის, ცხადია, მიცემული აქვთ სტალინის მტრებს. სტალინის ოსური გენეალოგიის „ვერსიას“ იმთავითვე ხალისით ავრცელებდნენ (და ეს ახლაც გრძელდება) არა მარტო ქართველი პოლიტემიგრანტები, არამედ ბაყათარული იდეოლოგიის ადუპტებიც - ოსი ნაციონალისტები და ექსტრემისტებიც, რომლებიც ამ მეთოდით ქართველებზე ოსი ხალხის პოლიტიკური უპირატესობის დემონსტრირებას ისახავენ მიზნად. აქვე აღნიშნავთ, რომ ივ. ჯავახიშვილს თავის დროზე დაწერილი აქვს ნარკვევი ჯუღაშვილთა გენეალოგიაზე, მათ ქართულ წარმოშავლობაზეც.

ასეთი სადავო დეტალების მიუხედავად, ი. ირემაშვილის ნაშრომს მაინც საერთოდ მაღალი წყაროთმცოდნეობითი ღირებულება აქვს სტალინის თავგადასავლის აღსადგენად. აი, რას წერს ამის შესახებ ლევ (ლეობა) ტროცკი, რომელსაც ი. ირემაშვილის პიროვნების მიმართ არც რაიმე სიმპათია აქვს მისი მენშევიკობისა (აღბათ, პირველ ყოვლისა,





იმით, რომ იგი ქართველი მენშევიკი იყო) და მით უმეტეს, როგორც ტროცკი ამბობს, ი. ირემაშვილის ნაციონალისტ-სოციალისტობის გამო.

ლ. ტროცკი შენიშნავს: „განსაკუთრებული დეტალურობით გამო-  
ირჩევა... ი. ირემაშვილის მოვონებები სათაურით „Stalin und die Tragoedie  
Georgiens“.

ავტორის, ყოფილი მენშევიკის, პოლიტიკური ფიგურა, შემდეგში რა-  
ღაც ნაციონალ-სოციალისტი რომ განდა, თავის თავად დიდ ნდობას არ  
იმსახურებს. მიუხედავად ამისა, ამ ნარკვევისათვის გვერდის ავლა შე-  
უძლებელია. მისი ზოგიერთი გვერდი უეჭველი შინაგანი დამაჯერე-  
ბლობით გამოირჩევა. ერთი შეხედვით საეჭვო ემჩოდებიც კი პირდაპირ  
ან ირიბად დასტურდება რამდენიმე წლის შემდეგ გამოქვეყნებული  
ოფიციალური მოვონებებით. ეგების იმაზე მითითებაც საქნრო იყოს,  
რომ ცალკეულმა მიხვედრებმა, რომლებამდეც წინამდებარე ნაშრომის  
ავტორი მივიდა საბჭოთა ლიტერატურის დუმილისა, ან თავის არიდე-  
ბათა გათვალისწინებით, თავისი დადასტურება პპოვოს ირემაშვილის  
ნაშრომზე, რომელსაც ჩვენ სულ უკანასკნელ მომენტში გავეცანით.  
შეცდომა იქნებოდა ვარაუდი, რომ ირემაშვილი, ვითარცა განდევნილი  
და პოლიტიკური მტერი, ცდილობს დაამცნოს სტალინის ფიგურა, ან  
ზედმეტად ვაამავოს. პირიქით, იგი თითქმის აღტაცებით და აშკარა  
გადაჭარბებით ხატავს მის ნიჭს, აღიარებს მის მზადყოფნას, საკუთარი  
იდეალებისათვის პირადი მსხვერპლიც კი გაიღოს, არაერთხელ აღნი-  
შნავს მის სიახლოვეს დედასთან და თითქმის გულის ამაჩუყებლად  
ხატავს მის პირველ ქორწინებას. ტფილისის ვიმპანხის ამ ყოფილი  
მასწავლებლის მოვონებათა უფრო დაკვირვებული განხილვა ისეთი დო-  
კუმენტის შთაბეჭდილებას ახდენს, რომელიც სხვადასხვა დანაშრვისა-  
გან შედგება. ძირითადი, უეჭველია, შორეული ბავშვობის მოვონებებია,  
მაგრამ ამ ძირითადმა სტალინის გვიანდელი ბედისა და თვითონ ავტო-  
რის პოლიტიკური შეხედულებების გავლენით მენსიერებისა და ფანტა-  
ზიის რეტროსპექტული ცვლილება განიცადა. ამას უნდა დაემატოს  
მოვონებებში საეჭვო, თუმცა კი არსებითად წვრილმანი დეტალები,  
რაც უნდა მიეწეროს გარკვეული კატეგორიის შემუარისტების ეჭვომ  
გავრცელებულ იმ სწრაფვას, რომ თავის ნარკვევებს მიანიჭონ „შნა-

ტვრული“ სისრულე და სისავსე. ამ გაფრთხილებების შემდეგ ხვდებით საკვებით შესაძლებლად მიგვანია შემდგომისათვის ირემამვილის მოგონებებს დაეფუძნოთ“ (Л. Троицкий, Сталин, I Chelidze Publications 1985. გვ. 23-24).

ზემოთ აღნიშნული შეფასება ი. ირემამვილის ნაშრომისა იმის ერთ-ერთი მიზეზია, რომ მას საერთოდ ფართოდ იყენებენ სტალინის ცხოვრებისა და მოღვაწეობის უცხოელი მკვლევარები. ი. ირემამვილის ხშირად იმოწმებენ არა მარტო ლ. ტროცკი, არამედ რობერტ პეინი (,სტალინი), ტაკერი (,სტალინი. ჭა ხელისუფლებისაკენ“, ახლახან გამოქვეყნდა) „პროგრესმა“ ამ წიგნის სრული რუსული თარგმანიც გამოაქვეყნა), ა. ანტონოვ-ოვსეენკო და სხვები.

ი. ირემამვილის წიგნი საინტერესოა არა მხოლოდ სტალინის ბიოგრაფიულ წყაროდ, არამედ როგორც ქართული დემოკრატიული ინტელიგენციის წრიდან გამოსული საბოლემიო ნაშრომიც, რომელშიც ავტორი ცდილობს პასუხი გასცეს მანც ერთ მთავარ კითხვას: რა მოუტანა სოციალისტური იდეებით გატაცებამ ქართველებს – ჭეშმარიტი თავისუფლება, რაზედაც ისინი ასე ოცნებობდნენ უკვე XIX-XX საუკუნეების მიჯნაზე, თუ ეროვნული იდეალების მსხვრევა. ი. ირემამვილის აზრით, შედეგი მსხვრევა იყო და ამაში ყველაზე მეტად სტალინია დამნაშავე.

ჩვენი თაობისათვის, რომლის წინაშეც ზემოხსენებული კითხვა ახლაც მთელი სიმწვავეთ დადგა, ი. ირემამვილის ნაშრომი უთუოდ თავისებურად მძაფრ ყურადღებას დაიმსახურებს, როგორც ბოლემიური და ისტორიოგრაფიული ძეგლი...

გფიქრობთ, ი. ირემამვილის ნაშრომის გაცნობა ქართულ საზოგადოებას კიდევ ერთხელ ჩააფიქრებს საქართველოს უახლესი ისტორიის ტრაგიკულ ფურცლებზე და საშუალებას მისცემს ზოგჯერ ეჭვითაც შეხედოს სტალინიზმის კრიტიკოსთა ამა თუ იმ დებულებას, თუ საამისოდ მეცნიერული არგუმენტები გამოიძებნება.

შოთა ბაღრიძე  
1991 წელი



# სტალინი და საქართველოს ტრაგედია

თბილისი  
2006

მე წარვუდგენ მოგონებებს სტალინზე საზოგადოებას. სტალინი სიყრმიდანვე ჩემი მეგობარი იყო, შემდეგ — დაუძინებელი მტერი, მას ედო ბრალი ჩემი სამშობლოს, საქართველოს, ტრაგედიაში.

როგორ უყურებდა მსოფლიო თვეობითა და წლობით იმ საშინელ მოვლენებს რუსეთსა და საქართველოში, როცა ბოლშევიკი უზურპატორების სისხლით გიჟური თრობა ბატონობდა უზარმაზარ ქვეყანაში?!

ჩემი ბედი მხოლოდ ერთ-ერთია მრავალი მილიონი ადამიანის, - ძმისა და დის, ბედს შორის.

ყველაფერი ეს ვატარე, რათა ვყოფილიყავი ბოლშევიზმის უტოპიისა და არაადამიანობის ცოცხალი მონწე და მამხილებელი.

ნებისმიერ ადამიანზე უკეთ ვიცნობ სტალინის ბიოგრაფიასა და მისი ხასიათის თვისებებს და ამიტომ უფლება მაქვს გავბედო და დავუხატო მისი ჭეშმარიტი სურათი ყველას, ვინც სტალინს აღმერთებს, კაცობრიობის მხსნელად და კაცობრიობის ბედნიერებისაკენ გზის გამკვალავად თვლის. სტალინი ასეთი სულაც არ არის — ის მოძალადე დესპოტია.

სტალინთან ჩემი ურთიერთობების გახსენებით და საქართველოს უახლესი ისტორიის მიმოხილვით მინდა დაგიმტკიცოთ, რომ ბოლშევიზმსა და თანამედროვე დემოკრატიის სისტემებს შორის გადაულახავი უფსკრულია, მათ შორის დამაკავშირებელი ბილიკიც კი არ არსებობს. ადამიანური ცხოვრების ღირებულებათა შეფასებით ისინი ისე მკვეთრად განსხვავდებიან და შორდებიან ერთმანეთს, როგორც შუა საუკუნეები — თანამედროვეობას.

ადრე თუ გვიან ბოლშევიკების ძალმომრეობის ეს სისტემა დაინგრევა.

ფოტოგრაფიული სიზუსტით გიამბუთ მხოლოდ მცირე ნაწილი სტალინისადმი ჩემი დამოკიდებულებისა და საქართველოს ტრაგედიის შესახებ. სიმაღლით აღვწერე თავდადებული, მემამბოხე ხალხის ტრაგიკული ბედი, რომელიც თავისი მამულისა და კაცობრიობის თავისუფლებისათვის იბრძოდა, ეწამებოდა და ახლაც ენით გამოუთქმელად იტანჯება...

ბერლინი, 1931 წლის 1 ივლისი  
სოსო ირემაშვილი

ეს ნაშრომი უდიდესი ინტერესით ნავიკითხე.

ორი ადამიანი — შემადრწუნებლად ტრაგიკული ორი ბედი. სიყრმის მეგობრები, თანამებრძოლები, შემდეგ მტრები.

სტალინი — ტრიუმფატორი! მასთან ერთად გამარჯვებას ზეიმობს არა სოციალიზმი, არამედ მისი დაუძინებელი მტერი: დესპოტიზმი!

ირემაშვილი — მეცნიერი, არც დამარცხებული და არც რწმენა-შერყეული ადამიანი.

სტალინი — ასოციალური, საზოგადოების მიმართ მტრულად განწყობილი; მონა, რომელმაც ბორკილი დაამსხვრია; სიძულვილითა და შურისძიების წყურვილით აღსავსე პიროვნება, ფეხქვეშ გათელილ, ღირსებაშელახულ, მსხვერპლად შეწირულ ადამიანთა შორის ძალაუფლებით მთვრალი!

ირემაშვილი — თავისუფალი ადამიანი, რომელსაც საკუთარი თავისთვის კი არ სურს რამე, არამედ ყველასათვის იღვწის. სოციალისტი, რომელმაც იცის, რომ სოციალიზმი ვერ გაიმარჯვებს ძალმომრეობითა და ტერორით, რადგან მისი სული უკვე დაუძლეველია.

ეს ნაშრომი საშუალებას გვაძლევს ღრმად ჩავიხედოთ ისტორიული მნიშვნელობის ორი ადამიანის იღუმალ სამყაროში.

ამ ორ ადამიანს თავიდან ერთნაირი პოზიცია ჰქონდა, შემდეგ კი იდეური მონინაღმდეგენი გახდნენ და ურთიერთსაპირიპირო მხარეზე დადგნენ.

ჩვენ ვხედავთ, როგორ აყალიბებს საზოგადოებრივი ყოფა ადამიანის ხასიათს, როგორ განსაზღვრავს მის ქცევას, როგორ ზემოქმედებას ახდენენ ადამიანები ისტორიაზე.

ჩვენთვის სარწმუნო ხდება, რომ ჩვენი ანმყოდან გამომდინარე, არსებობს სხვადასხვა გზა: გზა სიკეთისა და გზა ბოროტებისა! სადაც გზა ბოროტებისკენ მიდის, იქვეა მოსახვევი სიკეთისკენ, რომელსაც ის ადამიანები მიუყვებიან, რომლებიც შეგნებულად და მტკიცედ იბრძვიან და თავს დებენ კეთილი იდეისათვის.

ასე რომ, ეს ნაშრომი არის ერთდროულად მხილებაც, აღსარებაც, გაფრთხილებაც, ფიციც, ვალდებულებაც და პასუხიმგებლობაც!

სოციალისტურ სოლიდარობაში ჩვენ ყველასთან დავავშირებული ვართ, ვინც ძალმომრეობისა და ჩაგვრის წინააღმდეგ იბრძვის.

და შენც, საქართველოვ, უბედურებით ტანჯულო და სისხლით გაჟღენთილო, მიუხედავად ყველაფრისა, თავისუფლებაში ამაყად აღდგები!

ბერლინი, 1932წ. კრისპიენი

## 1. სოსო - სკოლის მონაწილე

სასკოლო რვეულებში 1890 წელი ჩაწერეთ. უცბად გორის სასულიერო სემინარიის ეზოში უცნობი სახე შევნიშნეთ. ჩვენს პატარა ქალაქში უცხო ადამიანის გამოჩენა 10 წლის ყმანვილებში ნამდვილ სენსაციად იქცეოდა ხოლმე.

მასწავლებელმა მისი სახელი დაფაზე დაწერა: „სოსო ჯულა-შვილი“. ის ჩვენ გვგავდა და ქართულსაც ჩვენსავით ლაპარაკობდა. მისმა თავხედურმა გამომეტყველებამ და საუბრის ძუნწმა, ყველაფრის უარყოფელმა მანერამ თავიდანვე ანთიპათიურად განგვანყო მისდამი. ფიზიკურად ყველას გვჯობნიდა. თავიდან გვეშინოდა მისი და ვერიდებოდით კიდევ, ისე კი, ძალიან გვანტიურესებდა.

ერთ დილას სკოლის ეზოში კავკასიურ ჭიდაობაში ვვარჯიშობდით. „ჯულაშვილი მოერევა“ — ყვიროდნენ წრეში ჩამდგარი ბავშვები და კამათობდნენ, როდესაც მე და სოსო ერთმანეთს ვეძიძგილავებოდით. აქამდე მე დაუმარცხებელ ფალანად ვითვლებოდი. ასე იოლად ხომ ვერ დავანებებდი ვილაც ახალმოსულს ჩემს შესაშურ (ფალანის) სახელს? დაკაპინებული სახელოებითა და გაოფლილი სახეებით ისევ ერთმანეთს დავეძგერეთ. ორივენი დავილაღეთ. გულშემატკივრებმა ბრძოლა ყაიმიად გამოაცხადეს. ტანსაცმლის სწორებით ამხანაგებისკენ შევტრიალდი. უეცრად მეტოქე ყელში მწვდა, ჰაერში გადამატრიალა და ბალახზე ისე დამცა ზურგით, რომ თავდაცვაც კი ვერ მოვახერხე, მერე კი გამარჯვებულის სახით ხელი ჩამომართვა. სოსოს ახლად შეძენილმა თაყვანისმცემლებმა ტაში დასცხეს და ყიჟინით ულოცავდნენ გამარჯვებას, ჩემები კი ილანძლებოდნენ და აპროტესტებდნენ. ჩემი დაუმარცხებლობის მითი გაჰქრა. სოსო ახალ ფალანად იქცა. ჩვენი ტრადიცია კი მოითხოვდა, რომ ერთმანეთისთვის ხელი ჩამოგვეერთმია და გადაგვეკოცნა. ჭიდაობა სკოლის ეზოში ჩვენი ხანგრძლივი მეგობრობის დასაბამად იქცა.

სოსოს მოგრძო, ჭორფლიან სახეზე ბევრი ნაიარვევი ემჩნეოდა.



გამხდარი იყო, მაგრამ ძლიერი აღნაგობისა. სიცოცხლით მუქ თაფლისფერ თვალეში შეუდრეკელ ხასიათს ამოიკითხვდით. ეს თვალეები მნახველს ნდობას არ უღვიძებდა. მოძრაობები ნაკლებად ბავშვური ჰქონდა. სიარულისას გამხდარ, არნივივით გაშლილ მკლავებს იქნევდა და უცნაურ შთაბეჭდილებას სტოვებდა.

ჩემს მეგობრებთან ერთად ხელიხელჩაკიდებული ხშირად ავდიოდი ხოლმე „გორიჯვარზე“. ზემოთ ასულებს თვალნინ ზღაპრული სამყარო გადაგვეშლებოდა ხოლმე. მთის კონუსისებრ მწვერვალზე ძველი ციხე-სიმაგრე იდგა. პატარა ეკლესიას მაღალი, სიძველისაგან გაყვითლებული გალავანი ერტყა. ზურმუხტისფერ ზეცაზე გაბრწყინებული სამხრეთული მცხუნვარე მზე ხშირი ტყით შემოსილ მთებს თვალისმომჭრელი სილამაზით ანათებდა. ჩვენ თვალნინ დაკიდებული ციცაბო კლდეები და მთიდან მორაკრავე რუ თავისი მშვენიერებით გვატყვევებდა.

ოდესღაც „გორიჯვარი“ ჩვენი სეირნობის მიზანი იყო. შორს მოჩანდა კავკასიონის მარად თოვლიანი მწვერვალები, საიდანაც ლიახვი იღებს სათავეს და საქართველოს ყველაზე დიდ მდინარეში „მტკვარში“ ჩაედინება. ორივე მდინარე ისე შფოთავდა და ბობოქრობდა, გეგონებათ ერთმანეთს ეჯიბრებიანო. შემდეგ ისინი დაბლობს აღწევდნენ, მშვიდდებოდნენ და გორის ხის ხიდის ქვეშ ერთმანეთს საბოლოოდ უერთდებოდნენ. სოსო ძალიან უყვარდა ბუნება და შეეძლო მისი ცქერით დიდხანს დამტკბარიყო.

კლდეებზე ფორთხვა ძალიან გვიზიდავდა, რადგან ის გარკვეულ რისკთან იყო დაკავშირებული. სოსო სკოლის ბავშვებში გამოირჩეოდა. ჯერ კიდევ მაშინ იმგვარი აზრები ებადებოდა, რაც ჩვენი ბავშვური უზრუნველობისაგან ძალიან შორს იდგა. თუკი ის რაიმე მიზანს დაისახავდა, ან კიდევ რაიმეს გაკეთებას მოისურვებდა, მაშინ იგი უსაზღვროდ ჯიუტ, უნიან ბუნებას ავლენდა ხოლმე. მაღალ მწვერვალებზე ასვლა, გამოქვაბულებსა და ხეობებში ძრომიალი იმ ნლებში მას ყველაზე დიდ სიამოვნე-

9748524



ბას ანიჭებდა. თუკი თავის წადილს ვერ აისრულებდა, მართო მიდიოდა ხოლმე და იმდენს ვარჯიშობდა, სანამ მიზანს არ მიაღწევდა. მთელი დღეები საათობით მდინარის პირას იდგა და ქვებით მიზანში სროლაში ვარჯიშობდა. ხშირად მის ვარჯიშს ცაში მონავარდე ჩიტებიც ენირებოდნენ. ამ დროს შეეძლო არ დაენდო არავინ და არაფერი. ცხოველთა და ადამიანთა შებრალება-თანაგრძნობა მისთვის უცხო იყო. თანასკოლელების სიხარული და ტანჯვა მასში მხოლოდ სარკასტულ ღიმილს იწვევდა. მტირალი სოსო არასოდეს მინახავს. გამარჯვება და სხვების დაშინება მას ტრიუმფალურ სიხარულს განაცდევინებდა.

ერთადერთს, ვისაც აღიარებდა და თაყვანს სცემდა — ეს დედამისი იყო. თუკი მის მბრძანებლურ, ძალაუფლებისმოყვარე ნებას დაემორჩილებოდი, მაშინ იგი საუკეთესო მეგობარი ხდებოდა.

## 2. სოსო - პატარა მემზონა

იმავე 1890 წელს ჩვენი სკოლის ქართველი მასწავლებლები და ზედამხედველები რუსებმა შეცვალეს. საქართველოში დაწყებულმა რუსიფიკაციამ სკოლას ბევრი რამ დაატყო. პირველი და ჩვენთვის ყველაზე უსიამოვნო ღონისძიება ქართული ენის რუსულით შეცვლა იყო. უცხო ენის ათვისება ჩემთვის ადვილი იქნებოდა, მშობლიურ ენაზე რომ აეხსნათ, მაგრამ უცბად ქართულ ენას სალაპარაკო ფუნქციაც წაართვეს და მშობლიურ ენაზე ლაპარაკის შემთხვევაში მკაცრი სასჯელი გველოდა.

თავდაპირველად ბავშვები უმწეოდ და დამუწეებულებიც კი ვიდექით მასწავლებლებთან. პირის გაღებაც კი გვიჭირდა, რადგან რუსულად ვერც ერთ სიტყვას ვერ ვამბობდით. მაგრამ ლაპარაკის სურვილს ხშირად ახალი ბრძანებაც ვერ გვიზღუდავდა და თავს უამრავი სასჯელი გვატყდებოდა, რისგანაც არც საუკეთესო, ბეჯითი მოწაფეები იყვნენ დაზღვეულნი. სახანავით, ჯოხითა და მუშტით ცემას ძველი მასწავლებლისგან მიჩვეულები

ვიყავით და წინათ ამგვარ სასჯელს ვაჟკაცურად ვუძლებდით. რუსი მასწავლებლები კი განსაკუთრებული სიმკაცრით გვსწავლიდნენ. ქართველებს ისინი დაბალი კულტურის ადამიანებად მიიჩნევდნენ და რუსული განათლების სიკეთეს ცემა-ტყუებით ამკვიდრებდნენ. რა უსულოდ უნდა მოჰყიდებოდნენ ხალხის ეს აღმზრდელები ჩვენს ძეგლებს, ისტორიასა და ლიტერატურას! ყველაზე შეურაცხმყოფელი შიშველი ფეხებით ორი საათი წვრილ კენჭებზე, ანდა კუთხეში დგომა იყო. დასჯილს ხელში ხის ოთხკუთხედი ფირფიტა იმდენ ხანს ეკავა, სანამ სხვას არ შეაჩჩებდა. და ვისაც ბოლოს ერგებოდა, კარცერში ამწყვდევდნენ. განსაკუთრებული სიმკაცრით ვისჯებოდით მშობლიურ ენაზე ლაპარაკის შემთხვევაში. ყველაზე საშინელი კი იყო კარცერი, სადაც გვიან ღამემდე უსმელ-უჭმელებს წყვდიადში გვეკეტავდნენ.

1890 წლიდან სკოლა კატორღად გვექცა. მისგან თავის დაღწევა კი ჩვენი ერთადერთი სურვილი გახდა. სკოლის გარეთაც ზედამხედველობის, მუდმივი მეთვალყურეობის ქვეშ ვიყავით. ბინაზე გვამონმებდნენ, ვმეცადინებოდით თუ არა რუსულ მართლწერაში, მშობლების თანდასწრებით კარცერითა და ცუდი ნიშნებით გვემუქრებოდნენ.

ჩვენ და ჩვენს მშობლებს სამშობლო და ქართული ენა ძალიან გვიყვარდა. მშობლების მხარდაჭერას ყოველთვის ვგრძნობდით. რუსი მასწავლებლებისადმი ზიზღი კი იმდენად დიდი იყო, რომ მათზე შურისძიება ერთადერთ მოთხოვნილებად გვექცა.

სოსო ჯულაშვილი საუკეთესო, მაგრამ უწესო მოწაფედ ითვლებოდა. ის ჩვენი შურისძიების ნამქეზებელი და მოთავე იყო. განსაკუთრებით გვძულდა სკოლის ინსპექტორი. ერთ დილას სკოლის დერეფანში გაემწვრივდით და ინსპექტორის გამოჩენაზე სტვენა და ღრინაცელი მოვრთეთ. ის აქეთ-იქით გაცხარებით იქნევდა მუშტებს. მასწავლებლებმა ძლივს შეძლეს ჩვენი დამშვიდება. ეს სოსოს მიერ მოწყობილი პირველი აჯანყება იყო. მასწავლებლებმა სოსო ამბოხების მოთავედ ცნეს და, მიუხედავად მისი მაღალი



აკადემიური მოსწრებისა, მათი რისხვა სკოლის დამთავრებამდე მუდამ თან სდევდა. სოსოს ხშირად, თითქმის ყოველდღე, მისი მხრიდან დასმული კითხვები დასმული იქნებოდა. მეც, როგორც მის ამფსონს, ასეთივე რისხვა მატყუებოდა ხოლმე თავს.

ზაფხულის არდადეგებზე სოსო ხშირად ისვენებდა ჩემს სოფელში, გორთან ახლოს. მამაჩემის ვენახში ბევრი მხიარული დღეები მახსოვს. ეკლესიაში ჩემთან და კიდევ ერთ ბიჭთან სიმღერა დიდად ეამაყებოდა. რელიგიას არც მაშინ მოუხდენია მასზე რაიმე გავლენა. სოსოს ისეთი იდეები ჰქონდა, რომელიც ჩვენ ან აზრადაც არ მოგვდიოდა, ან უბრალოდ გაუგებარი იყო ჩვენთვის.

### 3. სოსო ჯულაშვილის მშობლები

გომბორის ქუჩაზე პატარა, ძველი ქუჩიანი სახლი იდგა. ხის ღობე და უსწორმასწორო ქვები მფლობელის სილატაკზე მიუთითებდნენ. ბედის ანაბარა მიტოვებული სილის ბანი ქარსა და წვიმას იოლად ატარებდა. პატარა ოთხჯუთხა ეზოს ხის ღობე ერტყა. ფარღალა კარებით, გაღებისას რომ ჭრიალებდა, ბნელ სახლში, უფრო სწორად, პატარა ოთახში მოხვედებოდა. ოთახში აგურის იატაკი ეგო, კარების ორივე მხარეს პატარა ფანჯრები იყო დატანებული. ოთახში მუდმივად ბნელოდა. წვიმით, ნესტიანი ტანსაცმლითა და საჭმლის სუნით დამძიმებული ოთახი ვერასოდეს ნიავდებოდა.

ოთახის მორთულობას ოთხჯურიანი ძველი კომოდი და რამდენიმე ძველი ავეჯი შეადგენდა. კომოდის თავზე, ხელით მოქსოვილ გადასაფარებელზე, მრგვალი სარკე იდგა. უბრალო მაგიდასთან სამფეხა მერხი და სვამის მაგიჯრობას სწევდა. მაგიდის ცისფერი გადასაფარებელი დიასახლისის სისუფთავეზე მეტყველებდა. კედელთან კარადა იდგა, მის პირდაპირ კი უზარმაზარი ტახტი, რომელიც ოთახის ნახევარს იკავებდა და მთელი ოჯახისათვის იყო განკუთვნილი. დღისით ზედ თხელ, ძველ სპარსულ ხალიჩას აფარებდნენ. ერთი კუთხე იმდროისთვისაც კი ძველმო-

დურ საკერავ მანქანას ეკავა, მეორე კუთხეში კი მუცელგამოხეული რილი თიხის ჭურჭელი იდგა სასმელი წყლის შესანახად. წინ ჯამში ჭერიდან ჩამოსულ წვიმის წყალს აგროვებდნენ. „ეკატერინე“ – მოფერებით „კეკე“ – როდესაც ჩემს მეგობართან მივდიოდი, თავის „მეორე სოსოს“ მეძახდა. სოსო მისი ერთადერთი შვილი იყო. ჩემდამიც დედობრივ სითბოს იჩენდა. მას ძალიან უყვარდა თავისი შვილი და ყველა, ვისაც სოსო უყვარდა. ასე რომ, ამ ღარიბულმა, უღიმღამო სახლმა მშობლიურად მიმიღო.

კეკე დღესაც ცოცხალია და პატარა პირქუში ქოხიდან თბილისში დიდ სასახლეში გადავიდა საცხოვრებლად.

კეკეს შვილივით ჭორფლიანი სახე ჰქონდა. ის ყოველთვის სიღარიბეში ცხოვრობდა. მთელი დღეები ხმაურიან საკერავ მანქანასთან იჯდა და აღებული კაპიკებით ცდილობდა შვილისათვის მენაღის ხელობა შეესწავლებინა. ოთახის სიბნელემ და საკერავ მანქანასთან ჯდომამ მხედველობა დაუქვეითა და ახლომხედველობის გამო ადრიდანვე სათვალეს ატარებდა. ყველა ქართველი ქალის მსგავსად, ისიც ღრმადმორწმუნე იყო. მენაღის შრომისმოყვარე, კეთილ და ღვთისმომიშ ცოლს გორელები დიდად აფასებდნენ. კეკე სხვებზე ღარიბულად იყო ჩაცმული, ის ქართულ ეროვნულ ტანსაცმელს ატარებდა. ჩიხტიკოპი და ცისფერი კაბა ქართული ცისფერი ზეცის, ღრუბლებისა და მოკაშაშე მზის სიმბოლო იყო. კაბის მოფარფატე სახელოები, ქამარზე წინ მიმაგრებული ცისფერი, წითელი, მწვანე და ყვითელი ბაფთები ანგელოზის ფრთებს და ცისარტყელას ფერებს ჰგავს. ქართველი ქალის ეროვნულ ჩაცმულობას ევროპელისათვის სადღესასწაულო იერი აქვს. გარეგნული სილამაზე შინაგან სისპეტაკეს ესადაგება. ქართველი ქალი ტრადიციების მკაცრი დამცველია. ადათ-წესების უპატივცემლობა, აზრისა და გრძნობის ფლანგვა ქართველი ქალისთვის ყოველთვის უცხო იყო. არც ისაა შემთხვევითი, რომ ქრისტიანული მოძღვრება IV საუკუნეში საქართველოში წმინდა ნინომ იქადაგა.



დედობა ქართველი ქალისათვის ბუნებრივი, შინაგანი მეტყველების ნიშნულია იყო, უფრო სწორად, რელიგიური დანიშნულება, რომლის აღსრულებაც უმაღლეს ნეტარებად ითვლებოდა. ქალი და დედა საქართველოში უმაღლეს იდეალად გაიზრებოდა. ქალისადმი მონივნება ქართულ ადათ-წესებშიც ჩანს. ხმლით, ან სხვა იარაღით შებმული მტრები ბრძოლას წყვეტდნენ, თუკი მათ შორის ქალი მანდილს ჩააგდებდა. ქალისა და დედის მშვენება ქართველ კლასიკოსთა შთაგონების წყარო ყოფილა ყოველთვის.

სოსოს დედაც ტიპური ქართველი ქალი იყო. შვილის დაუნდობელი ხასიათი მას ძალზე აწუხებდა. ის უმწეოდ შეჰყურებდა, თუ როგორ თესავდა მამა შვილის გულში ღვარძლსა და ბოროტებას.

მამისაგან სოსომ ადამიანებისადმი ზიზღი ისწავლა. იგი ადრე ასაკში მომწიფდა და დამოუკიდებელ აზროვნებას მიეჩვია. ყველაზე მეტად სოსოს საკუთარი მამა სძულდა. მას დედის იძულებით მონურ შრომაში ადანაშაულებდა. მამამისის დაუმსახურებელმა და სასტიკმა ცემამ სოსო მასავით უხეში და უგულო გახადა. ადამიანები, რომლებიც სხვებზე ასაკის ან ძალის უპირატესობის გამო ბატონობდნენ, მამამისს აგონებდნენ და შურისძიების გრძნობას აღუძრავდნენ. ადრეული ასაკიდანვე შურისძიების წყურვილი არ ასვენებდა და უმაღლეს მიზნად ექცა.

ბესო — ბესარიონი, შავი, ხშირი წარბებითა და მუქი უხეში წვერით, დიდი ტანის წარმოსადეგი კაცი იყო. ის ქართულ ჩოხასა და ჩექმებში ჩატანებულ განიერ ლურჯ შარვალს ატარებდა. ეროვნებით ოსი იყო. თავზე რუსული ქუდი ეხურა და, კავკასიაში მცხოვრები ყველა ოსივით, მძიმე, მოუქნელი ბუნებისა იყო. ოსები საქართველოში ჩამოსახლებული მცირერიცხოვანი ხალხია, რომლებიც თანდათანობით შეეთვისნენ ქართულ კულტურას.

სოსო მამამისს ყოველთვის გაურბოდა. მის ნაადრევ სიკვდილს ბავშვზე არავითარი შთაბეჭდილება არ მოუხდენია.

#### 4. თბილისის სასულიერო სემინარიაში



1894 წელს ჩვენი უზრუნველი ბავშვობა დამთავრდა. მე და სოსო თბილისის სასულიერო სემინარიაში შევედით. სასულიერო განათლების მიღება ჩემი მშობლებისა და სოსოს დედის სურვილი იყო. მშობლების ნების წინააღმდეგ რომ წავსულიყავით, ძალზე პატარებიც ვიყავით და საკუთარი მომავალიც დიდად არ გვანუხებდა. როგორც ყველა ქართველს, დედაქალაქი ჩვენც გვიზიდავდა. თბილისის მჩქეფარე ცხოვრება, ულამაზესი ქუჩები და შენობები გვანცვიფრებდა და გვატყვევებდა. ჩვენ ღვთის რჩეულებად ვთვლიდით თავს, აღთქმულ წმინდა მინაზე რომ დააბიჯებენ. სამწუხაროდ, რამდენიმე კვირაში სემინარიამ იმედები და მოლოდინი გაგვიცრუა.

თბილისი საქართველოს ბერლინია. ის ქვეყნის სული და გულია. თბილისი არა მარტო საქართველოს, არამედ მთელი კავკასიის კულტურულ-პოლიტიკური და სამრეწველო ცენტრია. სამასიათასიანი ქალაქი მდინარე მტკვრის ნაპირებზეა გაშენებული და ზომიერად მაღალი მთებითაა შემოსაზღვრული. ქალაქის სამხრეთით მოჩანს მთაწმინდა, ცოტა ქვემოთ კი მზის სხივებით განათებული თეთრი ეკლესია. მთაწმინდა ქართველთა მრავალსაუკუნოვანი, სისხლიანი ბრძოლების მოწმეა. ის ქალაქისა და მისი კულტურის სიმბოლოა და ისტორიის მარადიულ ჯაჭვს ქვრეტს. იმის მოწმეც ყოფილა, თუ რამდენი თაობა შესწირვია თავისუფლებათაზე ოცნებას და სამშობლოს სიყვარულს. მთაწმინდა ჩვენი უკვდავი ეროვნული სიამაყის წმინდა სიმბოლოა. ქართველი ხალხის ბოლშევიზმზე გამარჯვების რწმენა ამ ხალხივით უდრეკია. ქალაქის მნახველთა ყურადღებას იპყრობს პირქუში ქართული ბასტილია — მეტეხის ციხე. მეტეხის სქელი კედლების მიღმა საქართველოს თავისუფლებისა და ადამიანთა უფლებებისათვის მებრძოლნი იტანჯებოდნენ. მის კედლებს ათასობით იდეური და მამაცი პატრიოტის სისხლი დღესაც ატყვია. მეფის რუსეთის დროს მეტეხი შიშსა და ძრწოლას იწვევდა და, როცა გვერდის



ავლას ვერ ახერხებდნენ, ადამიანები დათრგუნული ჩაუვლიდნენ ხოლმე მას.

მაგრამ ფრთხილი და გონიერი საქციელით შეიძლებოდა, რომ მთავრობის კლანჭებს დასძვრომოდით. მოგვიანებით კი, როდესაც ბოლშევიკების „სახალხო“ ხელისუფლებამ გაიმარჯვა და „თავისუფლებას, თანასწორობასა და ძმობას“ ქადაგებდნენ, მეტეხის ციხემ შეინირა სიცოცხლე უამრავი მამაცი, ერთგული ქართველისა, რომლებმაც გაბედეს და სამშობლოსადმი სიყვარული სიტყვით ან საქმით გამოხატვა.

პრომეთე ზევსის ბრძანებით კავკასიის მთებზეა მიჯაჭვული. მას ღვიძლს უკორტნის არწივი. მეტეხის ციხემაც საქართველოს ისტორიაში, დიალაც, ამ არწივის როლი შეასრულა.

ქართველები პრომეთეს შთამომავლებად უნდა ვიქცეთ. იმ პრომეთესი, კავკასიის მთებზე სამარადისოდ რომაა მიჯაჭვული და ყოველდღე თავიდან კლავენ. ჩვენი თავისუფლების დღეც დადგება. საქართველოს ისტორია და თავისუფლებისათვის ბრძოლა ჯერ არ დამთავრებულა.

მეტეხსა და მთაწმინდას შორის იდგა სემინარიის თეთრი, სამსართულიანი მოგრძო შენობა, რომელიც ყზარმას უფრო ჰგავდა, ვიდრე სკოლას. სული, რომელიც ახალგაზრდობას სიყვარულით და თანაგრძნობით აღზრდიდა, იქ ვერ იბატონებდა. ასეთი იყო ამ შენობით გამოწვეული პირველი შთაბეჭდილება. მას სამხედრო დისციპლინა და მკაცრი სქემატური აღზრდა უფრო მიესადაგებოდა, ახალგაზრდობის ცნობისმოყვარე ლალ სულს წინასწარ გამზადებული არტახებით რომ თრგუნავს. ამ ინსტიტუტის მიზანი რუსეთის ერთგული ქვეშევრდომების აღზრდა იყო. მიზეზი იმისა, რომ ბევრი მოწაფე სემინარიის დამთავრების შემდეგ მიღებულ ცოდნას არსებული სისტემის წინააღმდეგ ბრძოლას ახმარდა, იმ ცალმხრივ მოძრაობაშიც მდგომარეობდა, რუსეთისადმი მორჩილება და მსახურებას რომ გვინერგავდა, ეს კი ახალგაზრდობაში მრავალ წინააღმდეგობასა და პროტესტს ჰბადებდა. სემინარიის



კედლებმა ბევრი თავისუფლებისათვის მებრძოლი აღზარდა. სწორედ ამ სემინარიაში სწავლის პერიოდში გაუჩნდა ჟორდანის სოციალ-დემოკრატიული პარტიის დაარსების შინაგანი მოთხოვნილება. ჩვენამდე ბევრად უფრო ადრე მოუსვენარი სულის მოსწავლეები ეურჩებოდნენ მასწავლებლების დოგმატურ პრინციპებს და შესტრფოდნენ სოციალური თანასწორობისა და პიროვნული თავისუფლების იდეებს. მინდა გავიხსენო ს. ჯიბლაძე, ერთ-ერთი უმნიშვნელოვანესი ფიგურა, რომელიც ბოლშევიკებმა 1922 წელს ციმბირში გადაასახლეს.

სოსო ჯულაშვილი დაწყებითი სკოლის წარჩინებით დამთავრების გამო, სემინარიაში უფასოდ მიიღეს. იგი უფასოდ იღებდა სამჯერად კვებას, თეთრეულს, ფეხსაცმელსა და სასწავლო ნივთებს. სასწავლებლის რექტორი რუსი ბერი იყო, ინსპექტორი კი — ქართველი ბერი, გვარად აბაშიძე, რომელიც განსაკუთრებული სისასტიკითა და სიმკაცრით გამოირჩეოდა. სემინარიაში ცხოვრება მოსაწყენი და ერთფეროვანი იყო. დღე და ღამე სემინარიის კედლებში გამომწყვდეულები იმ ტუსალებსა ვგავდით, წლების მანძილზე უდანაშაულოდ რომ იხდიან სასჯელს. განწყობილება პირქუში და სევდიანი იყო. გარე სამყაროსგან მოწყვეტილ დერეფნებსა და ოთახებს ახალგაზრდული მხიარულება იშვიათად თუ შეეხებოდა. თუკი ხანდახან ახალგაზრდული ტემპერამენტი იჩენდა თავს, მაშინვე ზედამხედველობის მიერ ითრგუნებოდა ხოლმე. ცარისტული სკოლა ქართული ლიტერატურის კითხვას გვიკრძალავდა. მას აფრთხობდა და აშინებდა ჩვენი აღფრთოვანება ქართველი კლასიკოსების იდეებით. საერო ლიტერატურის კითხვა ჩვენ, როგორც მომავალ სასულიერო პირებს, გვეკრძალებოდა. სკოლაში დღე დილის წირვით იწყებოდა. დღესასწაულებზე კიდევ უფრო ხანგრძლივი და მოსაწყენი რიტუალები იმართებოდა. 3-4 საათი ვიდექით ფეხზე და ეკლესიის იატაკის ფილანქნებს დაყურებდით, დალლილობისაგან ხან ერთ ფეხს მოვინაცვლებდით და ხან მეორეს. ყველაზე ღვთისმოშიშსაც კი დაავი-



წყებდა ასეთი გრძელი წირვები ლოცვას. ჩვენი მოწყენილი სახე-  
ები ბობოქარ აზრებს მალავდნენ. ეკლესიის ფერადი ფანჯრები-  
დან შემოსული მზის შუქი გარეთ გვიმობდა. სემინარიის კე-  
დლების დატოვება მხოლოდ 3-დან 5 საათამდე შეგვეძლო. რა  
თქმა უნდა, სემინარიაში ბნელი კარცერიც იყო, რომელსაც ზედა-  
მხედველები სულ უმნიშვნელო დანაშაულისთვისაც კი იყენე-  
ბდნენ. ნესტიანი კედლები კი ავადმყოფობას იწვევდა, რამაც  
ბევრი ჩვენი ამხანაგის სიცოცხლე შეინირა.

**5. პირველი სოციალისტური ორგანიზაცია**

1894 წელს საქართველოში დაარსდა სოციალ-დემოკრატიული  
პარტია. სოციალიზმის იდეები, რომლებიც კარლ მარქსის მო-  
ძღვრებას ეყრდნობოდა, საქართველოში რამდენიმე წლით ადრე  
გავრცელდა და ახალგაზრდებსა და ცალკეულ მწერლებზე დიდ  
გავლენას ახდენდა. თანამოაზრეთა გაერთიანება კი მხოლოდ მაშინ  
მოხერხდა, როცა რუს სოციალისტთა და მათი ორგანიზაციის  
იდეები მთელს იმპერიაში გავრცელდა. რაც უფრო დიდი იყო  
მეფის მთავრობის დანოლა, მით უფრო ძლიერდებოდა და ღონი-  
ერდებოდა პარტიის საქმიანობა. უკიდურეს სილატაკეში მცხო-  
ვრები რუსეთის ქვეშევრდომთათვის ახალი მოძღვრება სახარებად  
იქცა. განსაკუთრებულ ლტოლვას სოციალიზმის მოძღვრებისაკენ  
ქართველი ხალხი იჩენდა, რადგან ის მას ეროვნული დამოუკიდე-  
ბლობის გზად ესახებოდა.

თბილისის სასულიერო სემინარიაში გაბატონებულმა ატმოსფე-  
რომ ახალი იდეებისაკენ გვიბიძგა. ბუნებრივია, რომ პირველი  
სოციალისტური ახალგაზრდული ორგანიზაცია სწორედ სემინარი-  
აში ჩამოყალიბდა.

სემინარიის ათი მოწაფე, მათ შორის სოსო ჯულაშვილი და მე,  
საიდუმლოდ შევიკრიბეთ და პირველი სოციალისტური ახალგა-  
ზრდული ორგანიზაცია დავაარსეთ. ორგანიზაციის ხელმძღვანე-  
ლად ასაკით ჩვენზე უფროსი მოწაფე დევდარიანი ავირჩიეთ,

რომელიც თავის საქმეს დიდი სერიოზულობით ეკიდებოდა, მან შეიმუშავა პროგრამა, რომლის მიხედვითაც თითოეული ჩვენგანი ნამდვილ სოციალ-დემოკრატად უნდა აღვზრდილიყავით. გვირჩევდა ქართულ, რუსულ და ევროპულ ლიტერატურას, რომელიც უნდა დაგვემუშავენინა და შეგვესწავლა ბუნებისმეტყველებაში, სოციოლოგიაში. საიდუმლო შეკრებებზე რეფერატებს ვკითხულობდით და სხვადასხვა საკითხზე საინტერესო კამათებს ვმართავდით. ჩვენი ორგანიზაციის არალეგალური მდგომარეობა კარგად გვეჩონდა შეგნებული და ვიცოდით, რომ თუკი ჩვენი მისწრაფებები და იდეები გამოქულავნდებოდა, დაუნდობელი სისასტიკით დავისჯებოდით. სემინარიიდან გარიცხვასა და სასამართლოს წინაშე პასუხისგებაზე უფრო მეტად ის გვაშინებდა, რომ მშობლები ჩვენი საქმიანობით გამონევეულ საჯარო შერცხვენას ძალზე მძიმედ გადაიტანდნენ. ვიცოდით, რომ მშობლები საზოგადოებრივ აზრს უფრო დიდ ანგარიშს გაუწევდნენ. გვებრალებოდნენ იმ ტანჯვისათვის, ჩვენი ციხეში ჩაგდების, ან გაციმბირების შემთხვევაში რომ შეემთხვეოდათ.

ავრძალულმა ლიტერატურამ ჩვენზე დიდი შთაბეჭდილება მოახდინა. მე და სოსო საქართველოს თავისუფლებისათვის ბრძოლის იდეებით ვიყავით გამსჭვალული.

მე და სოსო ხშირად ვსაუბრობდით საქართველოს ტრაგიკულ ბედზე, აღფრთოვანებული ვიყავით „ვეფხისტყაოსნით“.

სოსოს იდეალი იყო ალ. ყაზბეგის ნაწარმოების „ნუნუს“ გმირი კობა. კობა დამონებული მთის ხალხის მეთაური იყო, იგი თავისუფლებისათვის მებრძოლი რუსებმა შეიპყრეს და დაატყვევეს.

კობა სოსოს ცხოვრების არსად და იდეალად იქცა. მას უნდოდა მეორე „კობად“ ქცულიყო. „კობას“ სახე მასში უნდა გაცოცხლებულიყო. იგი თავის თავს „კობად“ მოიხსენიებდა და სხვებისაგანაც იმავეს მოითხოვდა. სახე სიამაყით და სიხარულით უბრწყინავდა, როდესაც „კობათი“ მივმართავდით. „კობა“ მისი პირველი ფსევდონიმი იყო, რომელსაც იგი წლების განმავლობაში ატარე-

ბდა. საქართველოში მას დღესაც „კობას“, ანდა „კობა-სტალინს“ ეძახიან.

სოსოს პატივმოყვარეობას ისიც აღრმავებდა, რომ სასწავლებელში ყველას გვეჯობნიდა. არაბუნებრივად ეჩვენებოდა, რომ ახალგაზრდა მარქსისტული ჯგუფის ორგანიზატორი ან ხელმძღვანელი სხვა ყოფილიყო. რეფერატებს შეკრებებზე თითქმის სულ თვითონ კითხულობდა. იცოდა, რომ მასავით ცხარე კამათი არც ერთ ჩვენგანს არ შეეძლო. კობას მოძღვრება სოციალიზმზე გაბატონებული კლასებისადმი ფანატიკურ ზიზლს ეფუძნებოდა.

ერთ საღამოს მე და კობა სემინარიიდან ერთ მუშასთან გავიპარეთ, რომელიც მთანმინდაზე ცხოვრობდა.

მალე სემინარიელი თანამოაზრეებიც მოგროვდნენ. მთანმინდის პატარა ბინაზე მუშათა სოციალ-დემოკრატიული ორგანიზაციის წევრები იკრიბებოდნენ. ციმბირიდან გამოქცეულმა პოლიტიკურმა პატიმარმა წაიკითხა მოხსენება ცარისტული პოლიციისა და რეაქციონერთა მიერ რევოლუციონერთა ადამიანური ღირსების შემლახავ დევნაზე, ციმბირის საპყრობილეებში პოლიტიკურ პატიმართა შემზარავ ყოფაზე. გვიყვებოდა, თუ რა საზარელი ტანჯვანამება გადაიტანა თვითონ. მას დაკარგული ჰქონდა სამშობლოს ნახვის იმედი. ეს ნამება მას ბარბაროსული რეჟიმისადმი სიძულვილმა გადაატანინა.

ჩვენ წინაშე იდგა თვალებჩაცვნილი, ფერმკრთალი, გამხდარი კაცი, რომელიც უიშვიათესი ენაწყლიანობითა და დამაჯერებლობით გვესაუბრებოდა. ახალგაზრდებზე ამ მოხსენებამ დაუფინყარი შთაბეჭდილება მოახდინა. სულთ ხორცამდე შეგვძრა მისმა მოხსენებამ. მისი მოწოდება, გვებრძოლა თავისუფლებისათვის, ძმობისა და სამართლიანობისათვის, უმაღლეს იდეალად გვექცა, ხოლო ამ იდეალებისთვის ბრძოლა კი — ცხოვრების აზრად.

დროთა განმავლობაში ნაკლებ სიფრთხილეს ვიჩენდით. სემინარიის ხელმძღვანელობამ ჩვენზე ეჭვი მოიტანა და ათივე სემინარისტი მკაცრი მეთვალყურეობის ქვეშ აგვიყვანა. ინკვიზიტორი



აბაშიძე სისტემატურად ჩხრეკდა და ეძებდა ჩვენი საცვლები უფრო უფრო უფრო იზრდებოდა. კობა მათ სარკასტული, გამანადგურებელი სიცილით პასუხობდა.

„ჩვენ“ წიგნებს გაკვეთილებზე, ღვთისმსახურებაზე და ლოცვების დროს ვკითხულობდით. მერხზე ბიბლია გვექონდა გადაშლილი, მუხლებზე კი ერთს დარვინი ედო, მეორეს – მარქსი, მესამეს კი პლენანოვი ან ლენინი. შესვენებაზე ეზოში, საქვაბეში ვიმალებოდით და იქ ვკითხულობდით. ერთ დღეს იეზუიტმა აბაშიძემ, რომელიც კობას გამო გვდევენდა, საქვაბის კიბეზე წაგვასწრო. წიგნები ვერ გვინახა, რადგანაც მათი გადამალვა მოვასწარით. კარცერში მაინც ჩაგვამწყვდიეს. გვიან ღამემდე ვისხედით სიბნელეში უჭმელები. შიმშილმა ისე გაგვამწარა, რომ კარებს ხელ-ფეხს ვურტყამდით. ბერმა საჭმელი მოგვიტანა, მაგრამ იქიდან მხოლოდ მაშინ გაგვათავისუფლეს, როცა ძილის დრო მოვიდა. როცა ზედამხედველი საძილე ოთახებში ჩამოივლიდა, შუქს გამოგვრთავდა ხოლმე, ჩვენ კი სანთლებს ვანთებდით და კითხვას განვაგრძობდით. კობა ყველას გვაჭარბებდა და თითქმის მთელი ღამე არ ეძინა. ის ავადმყოფურად გამოიყურებოდა და ყოველთვის ეტყობოდა, რომ ღამენათევი იყო. ახალგაზრდა მარქსისტებსა და დანარჩენ სემინარისტთა შორის შუილი გაჩნდა, რომელიც ხშირად სერიოზული ჩხუბით მთავრდებოდა.

## 6. კობას ბოლშევიზმი

ახალგაზრდა სოციალისტურ ორგანიზაციაში მუშაობამ გვასწავლა ის აუცილებელი რამ, რითაც სოციალიზმის არსის წვდომას შევძლებდით. სოციალიზმის თეორიამ თვალი აგვიხილა. დაგვანახა რუსი და განსაკუთრებით დამონებული ქართველი ხალხის ყოფა, რომელიც თავის არსებობას საღათას ძილში ატარებდა.



სოციალური პრობლემები კვლავ უამრავ კითხვას ბადებდა: შეკრებებზე ბევრს ვკამათობდით, ვცდილობდით ამ კითხვებზე პასუხის გაცემას. სოსოს კრიტიკულ გამოსვლებს უფრო მწვავე კრიტიკით ვუპირისპირდებოდით. ეს კი ცხარე კამათს იწვევდა.

კობა რომ არა, ჩვენს მეგობრობას ბზარი არ გაუჩნდებოდა. მას მიაჩნდა, რომ ყოველთვის ნამყვანი უნდა ყოფილიყო, თავისი შეხედულებების კრიტიკას არასდროს უშვებდა და სხვათა აზრებს ქედმაღლური ცინიზმით ეკიდებოდა. თუკი ვინმე შეკამათებას ანდა რაიმეს ახსნას გაუბედავდა, დაუნდობელ მტრად მოეკიდებოდა. მისი იდეები სოციალიზმის პრინციპებს თანდათანობით სცილდებოდა. იგი უარყოფდა სოციალისტური სახელმწიფოებრივი სისტემის წინაპირობას, კერძოდ კი, არჩევნების პრინციპებზე დამყარებულ ხალხის ძალაუფლებას და აღიარებდა ერთპიროვნულ ძალაუფლებას, რომლის დამყარების გზასაც მხოლოდ სისხლიან გადატრიალებაში ხედავდა, რაც მისი პიროვნული ძალაუფლებისმოყვარე ბუნების შედეგი იყო.

კობა ყველაფერში მხოლოდ უარყოფით მხარეს ხედავდა. ადამიანში იდეალურ თვისებებსა და იდეებს საერთოდ არ ცნობდა, მუშების დასაცავად კი მხოლოდ იმიტომ გამოდიოდა, რომ მათ შედარებით უკეთ იცნობდა და მათსავით სილატაკესა და ჩაგკრას თვითონაც განიცდიდა; პროლეტარიატს უყურებდა, როგორც ცოცხალ, ბრმა იარაღს, რომელიც მას ემსახურებოდა და რომელსაც იგი თავად წარუძღვებოდა. მისი აზრით, ცარიზმის დროს შექმნილი კულტურა მთლიანად უნდა განადგურებულყო, რასაც შეიძლება მილიონობით ადამიანის სიცოცხლე შესწირვოდა.

ჩემი ჯგუფი კი ძალაუფლებისა და განადგურების ნაცვლად განმანათლებლობასა და პროგრესულ, შეძლებისდაგვარად უმსხვერპლო რევოლუციურ გარდაქმნას უჭერდა მხარს. ჩვენი უზენაესი კანონი ადამიანებისადმი სიყვარული იყო.

კობას საქციელით ჩვენი თავყრილობების ჰარმონია უფრო და უფრო ირღვეოდა. სასწავლებლის ზოგიერთი მოსწავლე დააბნია



კობას შეხედულებებმა და სოციალისტური თეზისების ქვემოთ-  
ტებაში დააეჭვა. იგი თვლიდა, რომ მეფის მმართველობა რამდენ-  
ნიმე ადამიანის ძალაუფლებას უნდა შეეცვალა. ბევრს კობასთან  
ფრთხილი და თავშეკავებული ურთიერთობა ჰქონდა, ერიდებო-  
დნენ მასთან კამათს. იცოდნენ, რომ კობას დაყოლიება ანდა  
რაიმეში დარწმუნება უშედეგო იყო.

წლების განმავლობაში ორი პარტია ჩამოყალიბდა, ერთი კობას  
უჭერდა მხარს, მეორე კი მას უპირისპირდებოდა. საქმიანი,  
პრინციპული ბრძოლა უღირს, პიროვნულ კინკლაობაში გადაიზა-  
რდა. კობა შეუზღუდავი ძალაუფლებისათვის იბრძოდა, სხვები  
კი პარტიის წევრების თანასწორუფლებიანობისათვის.

კობას ყველაზე დიდი მოწინააღმდეგეები იყვნენ: დევდარიანი,  
ნატროშვილი და მე.

კობა სულიერ ნათესაობას ავლენდა ლენინთან, ბაკუნინთან და  
ბლანკთან, ჩვენ კი პლესხანოვს ვალიარებდით. განსაკუთრებულ  
პატივს ვცემდით ჟორდანიას, რომელიც მაშინ ახალი დაბრუნე-  
ბული იყო გერმანიიდან, სადაც მარქსიზმის თეორიას სწავლობდა.  
თბილისში მან პირველი სოციალ-დემოკრატიული ჟურნალი გამო-  
სცა. რედაქციაში ხშირად ჩუმად დავდიოდით. რამდენჯერმე კო-  
ბაც წამოგვყვა და ჟურნალის თანამშრომლებისათვის მერე ხში-  
რად დაუცინია.

კობა არავის უყვარდა. ყველას აშინებდა მისი დაუნდობელი  
რისხვა და გესლიანი დაცინვა. მის მიმდევრებს პირველობის  
პრეტენზია არასდროს გასჩენიათ, რადგან მისი მფარველობის  
ქვეშ თავს უფრო დაცულად გრძნობდნენ, პატარა დიქტატორის  
ნათქვამს თუთიყუშებივით იმეორებდნენ. მასთან მეგობრობა მხო-  
ლოდ იმ გონებაშეზღუდულ ადამიანებს შეეძლოთ, რომლებიც  
უკრიტიკოდ იღებდნენ ყოველივეს, რასაც იგი ქადაგებდა.

ახალგაზრდა მარქსისტებში კობამ ჯერ კიდევ მაშინ შეიტანა  
განხეთქილება, როდესაც არ არსებობდნენ ბოლშევიკები და მე-  
ნშევიკები.



საქართველოს ევროპული ღირსეულობის ცენტრი

ქრისტიანულ რელიგიას, რომელიც, მისი აზრით, მხოლოდ სასულიერო პირებსა და თავადებს ემსახურებოდა, ისევე ფდა, როგორც მორალის ცნებას საერთოდ. იგი ათეისტი იყო. ჰქონდა მხოლოდ ძალაუფლების სიყვარული. აღმერთებდა საკუთარ თავს და ეგოცენტრულ „მეს“.

მისი დამოკიდებულება რელიგიასთან აიხსნება მისივე უსაზღვრო პატივმოყვარეობითა და სურვილით, ქვეულიყო მასების კერპად. ეშინოდა, რომ რელიგია საეჭვოდ გახდიდა მისი ქვეშევრდომების მიერ მის მლიქვნელურ აღიარებასა და განდიდებას.

თავის მიმდევრებში რელიგიის ნაცვლად მეტაფიზიკურ მსოფლმხედველობას თესავდა. ამისათვის კი ისეთივე ჯიუტი შეუპოვრობით იბრძოდა, როგორც იეზუიტი ბერი იბრძოლებდა საკუთარი მოძღვრებისათვის. ჭეშმარიტების შეცნობა და აღიარება არაფრად უღირდა. შეეძლო გაეკრიტიკებინა, ანდა დაეცვა ის, რასაც მანამდე თავად ამტკიცებდა ან სდევნიდა. გამარჯვება და ტრიუმფი მისთვის ყველაფერზე ძვირად ფასობდა.

კობას გარშემო თავი მოიყარა ახალგაზრდა სემინარისტთა პატარა ჯგუფმა, რომლებმაც მარქსიზმს სხვაგვარი იდეები მიანერეს და საკუთარი ეგოცენტრული სურვილების შესაბამისად მის გადასხვაფერებას ცდილობდნენ.

მიუხედავად იმისა, რომ მე მის შეხედულებებსა და ძალაუფლებისმოყვარე ამორალურ იდეებს განსაკუთრებული დაუნდობლობით ვაკრიტიკებდი, ჩემთან მაინც ამხანაგური დამოკიდებულება ჰქონდა. ერთმანეთთან შეხვედრისას, თუკი პოლიტიკაზე არ ვსაუბრობდით, გორში ერთად გატარებულ ბავშვობას ვიხსენებდით ხოლმე. ვმღეროდით ქართულ ხალხურ სიმღერებს. ამ წუთებში ის ისევ ძველებური სოსო იყო.

დახასიათება, რომელიც სემინარიის ხელმძღვანელობამ სოსოს ბოლო, მეექვსე კლასში გადასასვლელად მისცა, იმდენად ცუდი იყო, რომ მან სემინარიის მიტოვება გადაწყვიტა. კობამ იცოდა, რომ ბერების სიძულვილი მისდამი ისეთი დიდი იყო, რომ რაც



არ უნდა ესწავლა, შესაბამის ნიშნებს მაინც აღარ დაუწერდნენ. ამიტომ გადანყვიტა პროლეტარიატისათვის, ცარიზმის წინააღმდეგ ბრძოლისა და პარტიულ-პოლიტიკური საქმიანობისათვის მიეძღვნა თავი. თვლიდა, რომ ამისათვის საკმარისი განათლებაც ჰქონდა. ვცდილობდი დამერწმუნებინა, რომ აუცილებელი იყო სემინარიის დამთავრება და მერე რუსეთში ერთად გავმგზავრებულიყავით უნივერსიტეტში სასწავლებლად.

ქართული უნივერსიტეტი მაშინ, მრავალი მიზეზის გამო, ჯერ კიდევ არ არსებობდა.

1899 წელს კობამ მიატოვა სემინარია და თან სასწავლებლისა და ბურჟუაზიის სიძულვილი წაიყოლია, რაც ცარიზმს განასახიერებდა — ეს იყო სიძულვილი გაბატონებული კლასების მიმართ.

## 7. რევოლუციის მაცნა

1899 წელს, სემინარიიდან გამოსვლის შემდეგ, კობა თბილისის ობსერვატორიაში მუშაობდა და მცირე გასამრჯელოს იღებდა. აგიტატორული საქმიანობისათვის თავისუფალი დრო ბევრი ჰქონდა და ამიტომ იქ მუშაობა ძალზე მოსწონდა.

ფული ნაკლებად აინტერესებდა. პირადი კეთილდღეობისათვის ზრუნვას სოციალისტურ პრინციპებთან შეუთავსებლად მიიჩნევდა. ის საკმაოდ პატიოსანი იყო იმისათვის, რომ თავისი იდეებისათვის მსხვერპლი გაეღო. კარგად ესმოდა, რომ ღარიბ, მშვიერ ხალხს მხოლოდ ლაპარაკით ვერ მოხიბლავდა, და რომ გარეგნულად თვითონაც პროლეტარიატს უნდა დამსგავსებოდა.

მე ხშირი სტუმარი ვიყავი მის ღარიბულ სახლში. მაშინ კობა მიხაილოვის ქუჩაზე ცხოვრობდა.

კობას უბრალო, შავი რუსული პერანგი ეცვა და ყველა სოციალ-დემოკრატიისათვის დამახასიათებელ წითელ ჰალსტუხს ატარებდა. ზამთარში ძველ ყავისფერ პალტოს იცვამდა. თავზე კი მხოლოდ რუსულ ქუდს იხურავდა. თუმცა კობას სემინარიის ახალგაზრდა მარქსისტთა შორის ბევრი მეგობარი არ ჰყოლია,

გაჭირვებაში ისინი ხანდახან მაინც ეხმარებოდნენ ხოლმე. მართალია, შემოსავალი კარგი ჩაცმის შესაძლებლობას არ აძლევდა, მაგრამ ისიც მართალია, რომ ლამაზად და სუფთად ჩაცმის სურვილი არ ჰქონია. ყოველთვის ქუჩყიანი პერანგი და ფეხსაცმელები ეცვა. სულით სიღრმემდე სძულდა ყველაფერი, რაც „ბურჟუაზიულს“ მოაგონებდა. თეთრ საყელოსა და ევრო-პულ კოსტუმს მაძლარი ბურჟუის უნიფორმად მიიჩნევდა.

ბურჟუად მივიჩნევდით არა მათ, ვინც სოციალისტურ მსოფლმხედველობას არ იზიარებდა, არამედ იმ მდიდარ და გავლენიან ადამიანებს, რომლებიც ფეოდალურ არისტოკრატიასა და მეფის აბსოლუტიზმს პირადი კეთილდღეობიდან გამომდინარე ემსახურებოდნენ.

ყველას, ვინც თეთრ საყელოს ატარებდა, ეკლესიაში ან მთავრობაში მსახურობდა, კობა „ბურჟუად“ თვლიდა და მათთან კომპრომისს არ ცნობდა.

პატარა მაგიდაზე ყოველთვის პლეხანოვის, ლენინის, ანდა სხვა მარქსისტების წიგნები ეწყო. განსაკუთრებით ლენინის სტატიებსა და წიგნებს კითხულობდა. ლენინის მოსაზრებები და თეზისები სოციალიზმის შესახებ მის იდეებთან ყველაზე უფრო ახლოს იდგა. კობა ხანდახან სემინარიაში მოდიოდა ხოლმე და ჩვენთვის აკრძალული ლიტერატურა მოჰქონდა.

თავისუფალ დროს დაუღალავი ენერგიით იბრძოდა სოციალისტური მოძღვრების გასავრცელებლად. ცდილობდა თანამოაზრეების შემოკრებას. კობას პროპაგანდისტულ-ორატორულმა ნიჭმა პარტიას დიდი სამსახური გაუწია.

საქართველოს ყველა ქალაქში მრავალი მიმდევარი გამოუჩნდა და სოციალ-დემოკრატიული პარტია ერთიან ორგანიზაციად იქცა. საქართველოში ამ ორგანიზაციის პირველი და შეიძლება საუკეთესო ხელმძღვანელი იყო ჯიბლაძე. ამ ნიჭიერ და უანგარო ორგანიზატორს მე და კობა ჯერ კიდევ სემინარიიდან ვიცნობდით. მისგან ბევრი რამ ვისწავლეთ. მან გაამყარა და განამტკიცა

ჩვენი შეხედულებები. ჯიბლაძეს მჭიდრო მეგობრული კავშირი ჰქონდა ჟორდანიასთან.

1900 წელს „კვალში“ ჩემი პირველი მოთხრობა გამოვაქვეყნე. რამდენიმე დღის შემდეგ კობა შემხვდა და სახეგაბრწყინებულმა გამომცდელად მკითხა: „რისი თქმა გინდოდა ამ მოთხრობით?“ მე ვუპასუხე: „გლეხების უკიდურესმა სილატაკემ და სოფლური ყოფის უსასოობამ დამანახა, რომ რევოლუცია სწორედ სოფლიდან უნდა დაიწყოს, რადგან გლეხები მოსახლეობის უმრავლესობას შეადგენენ და სრულ უუფლებობაში ცხოვრობენ. მე მინდოდა ჩემი მოთხრობით გამომეფხიზლებინა სოფლის მოსახლეობა და ჩვენი აგიტაციური საქმიანობისათვის ნიადაგი შემემზადებინა“.

ერთმანეთს ძველი, კეთილი მეგობრებივით დავცილდით. 1900 წელს ქართული სოციალ-დემოკრატიული პარტია პირველად ზეიმობდა პირველ მაისს, მუშები ოცდაოთხსაათიანი დასვენების უფლებას მოითხოვდნენ. ისინი ქალაქგარეთ შეიკრიბნენ. დაუვინყარია ის დღე. გახარებულები ვუსმენდით, თუ როგორ დადეს მათ ფიცი, ებრძოლათ თავისუფლებისა, ძმობისა და თანასწორუფლებიანობისათვის. კობამ მგზნებარე სიტყვა წარმოთქვა და ჩვენი გულწრფელი აღფრთოვანება დაიმსახურა. ჩვენ მივხვდით, რომ მეოცე საუკუნის დამდეგი რევოლუციური ეპოქის დასაწყისიც იყო და რომ ცარისტული ფეოდალური სისტემის დამსხვრევა და ხალხის ძალაუფლების დამყარება გარდაუვალი ხდებოდა.

## **8. პირველი მაისის დღესასწაული თბილისში**

1901 წლის პირველ მაისს საქართველოში სოციალ-დემოკრატიული მოძრაობის საჯარო გამოსვლა მოეწყო. მშრომელი მოსახლეობა საყოველთაო უკმაყოფილების გამომხატველ დემონსტრაციას უშიშრად შეუერთდა. ცარისტული ხელისუფლების სისასტიკემ, რომლითაც იგი სოციალ-დემოკრატებს სდევნიდა და უსწორდებოდა, გააძლიერა ხალხის ლტოლვა ამ მოძრაობისაკენ და

დაარწმუნა გაბატონებული სისტემის წინააღმდეგ ბრძოლის  
ლებლობაში.

1901 წლის პირველ მაისს ქალაქის მთავარ მოედანზე პარტიის ხელმძღვანელებმა მოიყარეს თავი. ეს იყო იმპერატორის წინააღმდეგ მიმართული პირველი საჯარო გამოსვლა. სოციალისტებმა წინასწარ იცოდნენ, რომ პოლიცია ყველაფერს იღონებდა დემონსტრაციის გასარეკად. ყველამ იცოდა, რომ ამით საკუთარ სიცოცხლეს საფრთხეში აგდებდა, მაგრამ ხალხის მასები უწყვეტ ნაკადად მოედინებოდნენ, რათა ხელისუფლებისათვის შეეგნებინებინათ, რომ სახელმწიფო ხალხია და რომ ისინი აღარ მოითმენდნენ ხელისუფლების ხელში ბრმა იარაღად დარჩენას.

როგორც კი დემონსტრანტები მოედანზე წითელი დროშის ირგვლივ შეიკრიბნენ, მაშინვე ყოველი მხრიდან ცხენებზე ამხედრებული კაზაკები გამოჩნდნენ ხმლების ქნევით. კანიბალებივით სისხმონყურებულნი დაუნდობლად ურტყამდნენ მათრახს ხალხს და მოედნიდან ერეკებოდნენ. ხალხი წითელი დროშის ირგვლივ შემჭიდროვდა. ამ დროს რევოლუციონერის ხმა გაისმა, რომელიც პოლიციასთან შეტაკებისკენ მოუწოდებდა. მუშები ჯოხების ქნევით მიეჭრნენ კაზაკებს და ცხენებიდან გადმოათრიეს. კაზაკებმა უკან დაიხიეს. ხელისუფლებამ დაინახა ხალხის ძალა, რომელსაც სამხედრო წინააღმდეგობის დაძლევაც შეეძლო.

ერთხანს მოედანზე სიჩუმე ჩამონვა. დაჭრილი მუშები გაიყვანეს, ორატორებმა სადღესასწაულო სიტყვის წარმოთქმა დაიწყეს. უეცრად მოედანს შეიარაღებულმა ჟანდარმერიამ და პოლიციამ შემოარტყა ალყა. „ცეცხლი!“ – გაისმა ბრძანების ხმა და დემონსტრანტებს ტყვია დაუშინეს. სამარისებური სიჩუმე; შემდეგ კი დაჭრილების კვნესა გაისმა. მსხვერპლი დიდი იყო. სოციალ-დემოკრატიული პარტიის ლიდერები დაიჭირეს, ხოლო ცოცხლად გადარჩენილი დემონსტრანტები დაჭრილებსა და მკვდრებს დასტრიალებდნენ თავს.

სამხედრო გამარჯვებას ზეიმობდა თბილისი და მთელი საქა-

რთველო კი გლოვას მოეცვა. გლოვამ რევოლუციის აქტიური მამალული ჩირაღდანი გამოაჩინა. ძალიან დიდი იყო ხალხის აღშფოთება. დემოკრატიული სახალხო სახელმწიფოს შექმნის იდეა, თავისუფლებისა და თანასწორუფლებიანობისათვის ბრძოლის სურვილი ჩაგრულთა და ღატაკთა დაუცხრომელ მისწრაფებად იქცა. რევოლუციონერების პროპაგანდამ ქვეყნის ყველა კუთხეში დიდი გამომხაურება ჰპოვა.

პირველი მაისის შემდეგ დაპატიმრებები დიდხანს გრძელდებოდა და ციხეებში ათასობით ადამიანს ერეკებოდნენ.

კობამ, რომელიც ასევე იდევნებოდა, თავს გაქცევით უშველა. პოლიცია მას კვირების განმავლობაში ამაოდ ეძებდა. კობამ თავი მშობლიურ გორს შეაფარა. დედამისთან ვერ გაჩერდებოდა, რადგან პოლიცია პირველ რიგში იქ მოიძიებდა. გვიან, ღამე, ჩუმად მესტუმრებოდა ხოლმე სახლში, სადაც სემინარიის დამთავრების შემდეგ გადავსახლდი და გორის სემინარიაში მასწავლებლის ადგილი მივიღე. თბილისის პირველი მაისის დღესასწაულმა კობაზე დაუფინყარი შთაბეჭდილება მოახდინა. ანთებული თვალებით ლაპარაკობდა მასების საერთო აღშფოთებაზე და რევოლუციონერთა ჰეროიკულ ბრძოლას აქებდა. მე სწორედ იმან შემაშფოთა, რომ კობას დემონსტრაციის სისხლიანი დასაწყისი აღაფრთოვანებდა. კობას აზრით, სისხლიანი ბრძოლა ბევრ რამეს სწრაფად გადამწყვეტდა.

1902 წელს თბილისში მაისის დღესასწაული არ ჩატარებულა. პარტიის ხელმძღვანელობამ ის ბათუმში გადაიტანა, რასაც სისხლიანი შეტაკება მოჰყვა.

1902 წლის პირველი მაისიდან რამდენიმე დღის შემდეგ, გორში, გვიან ღამით, ვილაც ორმა უცნობმა კაცმა ჩემი სახლის კარებზე დააკაკუნა. მათ პატარა ბარათი გადმომცეს. ბარათი გავხსენი და წავიკითხე:

„ჩვენ ბათუმის მანთაშოვის ნავთობის ქარხნის მუშები ვართ. ეს ბარათი თქვენთან კობამ გამოგვატანა. პოლიცია ბათუმის სი-



სხლიან შეტაკებაში კობას სდებს ბრალს. თქვენ უნდა თქვათ რომ კობა პირველ მაისს თქვენთან იყო გორში. თუ კობა დანიშნის, ის მონმედ თქვენ დაგასახელებთ“.

შემდეგ კი მოყვნენ:

კობა დემონსტრანტების ბრძოლას ხელმძღვანელობდა პოლიციის წინააღმდეგ, პოლიცია მათ ესროდა, დემონსტრანტები კი ქვებს უშენდნენ. მსხვერპლი ორივე მხრიდან დიდია, ბათუმის ციხეები გადატენილი. ბათუმის ნავთობის ქარხანა მუშები დაითხოვეს, დაკეტეს, რადგანაც ის რევოლუციური იდეების კერად ითვლებოდა.

სრულიად მოულოდნელად, საქართველოს კუთხეში, გურიაში, იფეთქა გლეხების აჯანყებამ. აჯანყებულებმა ხელისუფლებას მთელი რიგი პოლიტიკურ-ეკონომიკური მოთხოვნები წაუყენეს: გადასახადებისა და ბეგარის შემცირება; ტყეებისა და მიწების სახალხო საკუთრებად გამოცხადება; მემამულეთა მიწების გლეხებისათვის გადაცემა; მოთხოვნები ხდებოდა სოციალ-დემოკრატების ლოზუნგით – „ძმობა, ერთობა, თავისუფლება“. ეს იყო აშკარა ომის გამოცხადება მმართველი წრეების მიმართ. სოფლის მცხოვრებთა აჯანყება მთავრობის წინააღმდეგ პირველად მოხდა – სოფლის მცხოვრებნი მთავრობის წინააღმდეგ პირველად აჯანყდნენ.

გურიის გლეხების მოთხოვნებს ერთი წლის შემდეგ მთელი საქართველოს გლეხთა მოთხოვნებიც შეუერთდა. იმპერიამ, მართალია, შეძლო აჯანყების ჩახშობა, მაგრამ ხალხის თავისუფლებისაკენ სწრაფვის სურვილი უფრო და უფრო იზრდებოდა. ერთხელ გაჩაღებული ცეცხლი კიდევ უფრო მეტად ღვივდებოდა. ხელისუფლებას მონარქისტულ პრინციპებზე თავად რომ ეთქვა უარი და დემოკრატიული რეფორმები გაეტარებინა, ალბათ თავიდან აიცილებდა იმ ტრაგედიას, რომელიც მას დაატყდა თავს.

მთავრობა ლოკალურ აჯანყებებს დიდ მნიშვნელობას არ აძლევდა და თვლიდა, რომ ამ პრობლემებს რევოლუციონერთა ციმბირში გასახლებით გადაწყვეტდა.





კობა ისეთივე თავდადებით განაგრძობდა სოციალ-დემოკრატიულ მოღვაწეობას.

1903 წელს კობამ ცოლი შეირთო. თვითონ ამას ბედნიერ ქორწინებად მიიჩნევდა. რასაკვირველია, ეს არ იყო ის, რასაც იგი ახალ სახელმწიფოში ქორწინების საფუძვლად მიიჩნევდა. ვინმესთან თანასწორუფლებიანი ურთიერთობა მის ბუნებას არ შეესაბამებოდა. თავის ქორწინებას კი ბედნიერად იმიტომ თვლიდა, რომ მისი ცოლი აღზრდილი იყო ქართულ ტრადიციებზე, რაც ქმრისადმი ერთგულებას და მსახურებას გულისხმობს.

### 9. ფრაქციული ბრძოლა

ლენინის იდეებს სახელმწიფოსა და რევოლუციაზე სოციალ-დემოკრატთა შორის უამრავი მიმდევარი გაუჩნდა. ლენინი თვლიდა, რომ სახალხო ხელისუფლება მხოლოდ სისხლიანი გზით შეიძლება დამყარებულიყო, იმ დროს, როცა სხვებს რევოლუციური გარდაქმნებისა სჯეროდათ და მიაჩნდათ, რომ გაბატონებული კლასები გამოღვიძებული ხალხის ნებას წინააღმდეგობას ვეღარ გაუწევდნენ და თვითონვე გადადგებოდნენ.

პარტიის შიგნით ტაქტიკურ და ორგანიზაციულ საკითხებზე ამ ორი მიმართულების ბრძოლამ 1903 წელს უკიდურესი ხასიათი მიიღო. ლონდონის პარტიული ყრილობის ძირითადი საკითხი იყო, თუ როგორ ტაქტიკას აირჩევდა რევოლუცია ცარისტული სისტემის წინააღმდეგ საბრძოლველად.

ლენინს მიაჩნდა, რომ საჭირო იყო საყოველთაო შეიარაღებული აჯანყება, პლესხანოვი კი ორგანიზაციული და პროპაგანდისტული საქმიანობის გაძლიერებას და ხალხის პოლიტიკური დონის ამაღლებას მიიჩნევდა უმნიშვნელოვანესად.

ბრუსელში მუშათა მომდევნო საერთაშორისო კონგრესზე, ლენინის ხელმძღვანელობით რადიკალებმა კვლავ ხმათა უმრავლესობა მოიპოვეს, უმცირესობა რადიკალიზმს გამოხატა. უმცირესობის (მენშევიკების) უმრავლესობისაგან (ბოლშევიკები) გათიშვა



უკვე გარდაუვალი იყო. მენშევიკებს არადემოკრატიულობაში ბდნენ ბრალს, ვინაიდან ისინი უმრავლესობის აზრს არ ბდნენ და თავიანთ პრინციპებს მშვიდობიანი გარდაქმნის შესახებ არ ღალატობდნენ. ტერორს, რომელსაც ბოლშევიკები ქადაგებდნენ, მენშევიკები მხარს ვერ დაუჭერდნენ. ბოლშევიკი მონინა-ალმდეგეში დაუძინებელ მტერსა და დამნაშავეს ხედავდა, რაც მენშევიკებს დემოკრატიული პრინციპებისა და თავისუფლების შელახვად მიაჩნდათ. სოციალისტური დემოკრატიის იდეა მკველლობით და სისხლით არ უნდა დალაქავებულიყო. ბოლშევიზმის იდეა იყო რალაც ახალი, რომელსაც სოციალიზმთან საერთო არაფერი ჰქონდა.

კობას აღაფრთოვანებდა ლენინის ძალისმიერი მეთოდები. ცხადია, თავი ბოლშევიკად ცნო და საქართველოში მისი იდეების ერთგულ გამტარებლად იქცა.

აქვე უნდა ითქვას, რომ სოციალისტთა შორის საქართველოში ბოლშევიზმს ბევრი მიმდევარი არ გამოსჩენია. პატარა ბოლშევიკური ორგანიზაციები არსებობდა მხოლოდ რამდენიმე ქალაქში: თბილისში, ბაქოსა და ბათუმში. თვით კობას მშობლიურ ქალაქ გორში, სადაც მე 1902-1906 წლებში პოლიტიკურ საქმიანობას ვწეოდი, არც ერთი ბოლშევიკი არ იყო.

ქართველი მუშები და გლეხობა მენშევიკებს და მის ლიდერებს — ჟორდანიას და ჯიბლაძეს უჭერდნენ მხარს. პირველ რიგში ქართველი სამშობლოს განთავისუფლებას ესწრაფვოდა. ქართველს თავისი სამშობლოს პოლიტიკური დამოუკიდებლობა უნდოდა, ხოლო შემდეგ თავისი ქვეყნის სახელმწიფოებრივ სახეს თავად შეჰქმნიდა.

ბოლშევიკური ტრადიციები კობამ თავისი საქმიანობის შესაფერისად მიიჩნია. ეს შესანიშნავი ნიადაგი იყო მისი სურვილების განსახორციელებლად. იგი აღარც ძველ მეგობრებს გვინდობდა. შეკრებებსა და დისკუსიებზე დაუნდობელ სარკაზმსა და მრისხანებას იჩენდა. მისი თვითმიზანი სოციალ-დემოკრატიული ტრადიცი-

ების შერყევა იყო. კრებებზე მხოლოდ იმისთვის გამოჩნდებოდა ხოლმე, რომ არეულობა და უთანხმოება შემოეტანა.

ქართველი მარქსისტების უმრავლესობა ჩვენს მხარეს იდგა. ეს ფაქტი მას უფრო ამწარებდა.

საქართველოში მოსახლეობის უმრავლესობა იცნობდა და მხარს უჭერდა სოციალისტურ იდეებს. სოციალ-დემოკრატიული — მენშევიკური პარტია რამდენიმე წელში შეძლებდა ხალხის პოლიტიკურ მოვლენებში ჩაბმას. ქართველი ადამიანი განუდგა ბოლშევიკურ მეთოდებს. შუასაუკუნეობრივი გაუმართლებელი ტერორისტული პროგრამა და შეიარაღებული აჯანყების იდეა მშვიდობიანი მოსახლეობისათვის ძალზე უცხო იყო. ევროპული ქვეყნების მსგავსად, ხალხი შემოიკრიბა სოციალ-დემოკრატიული ორგანიზაციების გარშემო, რომლებსაც პოლიტიკური დემოკრატიისა და თავისუფალი, დამოუკიდებელი საქართველოს დამკვიდრება სურდათ.

ბოლშევიკების დანაშაულებრივმა მოქმედებამ სულ მალე საყოველთაო ზიზღი გამოიწვია. ცარისტული აბსოლუტიზმის წინააღმდეგ ბრძოლა, რომელიც ერთი სისტემის მეორეთი შეცვლას გულისხმობდა, არაფრის მომტანი იყო. მონობისაგან განთავისუფლებას ბანდიტური თავდასხმებითა და დანაშაულებრივი მოქმედებებით აპირებდნენ. მკვლელობები, თავდასხმები, ფულის გამოძალვა, ძარცვა-გლეჯვა, ქვეყნის კულტურულ-ეკონომიკურ ცხოვრებას აფერხებდა და მშვიდობიან არსებობას თითქმის შეუძლებელს ხდიდა. კობა საქართველოში ბოლშევიკების მიერ ჩადენილი ბოროტმოქმედებების ხელშემწყობი იყო, 1905 წელს ხელმძღვანელობდა თბილისში, ერევნის მოედანზე, სახაზინო მანქანაზე თავდასხმას. დღის 12 საათზე ყუმბარებით შეიარაღებულები თავს დაესხნენ მანქანის მცველ ჯარისკაცებს. შეშინებული გამვლელები აქეთ-იქით გარბოდნენ. მოედნის შუაგულში კი, აფეთქებული მანქანის ნამსხვრევების ქვეშ, დაჭრილი და მკვდარი ჯარისკაცები ეყარნენ.



დამნაშავეებმა ხელთ დიდი თანხა ჩაიგდეს და შვეიცარიაში დაიხი-  
ნინს გაუგზავნეს. ასე დაიწყო ლენინთან კობა-სტალინის მეგობრობა.

ამის შემდეგ საქართველოს სოციალ-დემოკრატიულმა პარტიამ  
კობა ოფიციალურად გარიცხა თავისი რიგებიდან და საბოლოოდ  
შეაქცია ზურგი ბოლშევიზმს.

## 10. პირველი რევოლუცია

1905 წლის ოქტომბრის დასაწყისში რუსეთის რკინიგზის მუშე-  
ბმა პოლიტიკური გაფიცვა გამოაცხადეს. რკინიგზის ყველა სა-  
დგურმა მუშაობა შეწყვიტა. მოძრაობა ერთიანად შეწყდა. მეფის  
მთავრობა იძულებული გახდა დათმობაზე წასულიყო.

1905 წლის 17 ოქტომბერს გამოქვეყნდა ისტორიული მანიფესტი  
პრესისა და თავყრილობათა თავისუფლების შესახებ. მთავრობა  
ხალხს „დუმაში“ (სათათბიროში) თავიანთი წარმომადგენლების ყო-  
ლას დაჰპირდა.

რკინიგზის გაფიცვის გამო, იძულებული ვიყავი, თბილისში  
დავრჩენილიყავი. 17 ოქტომბრის დილას გოლოვინის პროსპე-  
ქტზე, დღევანდელ რუსთაველზე, მივდიოდი და მანიფესტის გა-  
მოქვეყნება იქ შევიტყე. ოპერის შენობის წინ ნაცნობი სოციალ-  
დემოკრატი იდგა. სახეგაბრწყინებული ფურცელს აფრიალებდა  
და გარშემოკრებილ ხალხს რევოლუციური მოძრაობის პირველ  
გამარჯვებას ამცნობდა. ქალაქის ყველა კუთხიდან ცენტრში თა-  
ვისუფალი საქართველოს დროშის ფრიალით დემონსტრანტები  
მოედინებოდნენ. ოპერის წინ უამრავი ხალხი შეიყარა და თავისუ-  
ფლების ჰიმნს მღეროდნენ. ლაჟვარდოვანი ცის ქვეშ საზეიმო  
განწყობილება სუფევდა. პარტიის ლიდერები აივანზე გადმო-  
მდგარიყვნენ და სიტყვას წარმოთქვამდნენ. დავინახე, თუ როგორ  
აძვრა კობა ტრამვას ხაზის ლამპიონზე და ხალხს ხელების  
ქნევით ელაპარაკებოდა. კობას ხმა არ მესმოდა. მანიფესტის  
გამოცხადების შემდეგ მათ ხალხს საბოლოო გამარჯვებისთვის  
ბრძოლისაკენ მოუწოდეს. მეორე დღეს ქალაქის გარეუბანში,

ნაძალადევი, სოციალ-დემოკრატმა მუშებმა დემონსტრაცია გააშენეს. მალალ ტრიბუნაზე წაღარა, მოხუცი ვიბლაძე იდგა, პარტიის მამა და დაუცხრომელი მებრძოლი. ცისკენ თვალებაპყრობილმა ხმამალა, საზეიმოდ წარმოთქვა: „ამხანაგებო და მოქალაქენო! დღეს, როდესაც პირველად თავისუფლების დროშები ჩვენი ქვეყნის ცის ქვეშ სახალხოდ ფრიალებენ, შემიძლია გავიმეორო ის სიტყვები, რომლითაც სვიმონმა მიმართა ქრისტეს!“

შემდეგ ლაპარაკი ველარ შეძლო. მღელვარებით შეპყრობილი, გულწასული, თანამებრძოლთა ხელებში ჩაესვენა. მთელი საქართველო, კავკასია და რუსეთი ზეიმობდა იმპერიის აბსოლუტიზმზე პირველ გამარჯვებას. ბრძოლა კი გრძელდებოდა.

## 11. შავი რაქცია

პირველი გამარჯვების ნაქვებით 1905 წლის დეკემბერში მოხდა მოსკოვის აჯანყება, რომელიც მარცხით დამთავრდა. მეფის მთავრობა რევოლუციურ მოძრაობასა და მოსკოვის მოვლენებს სწორად აფასებდა. მკაცრად სდევნიდა ბოლშევიკურ სოციალისტურ ორგანიზაციებს, მის ხელმძღვანელებს კი ან საპყრობილებში ამწყვდევდა, ან ციხეებში ასახლებდა. სოციალისტური იდეებისადმი თანადგომის გამოხატვა საკუთარი თავისთვის განაჩენის გამოტანის ტოლფასი იყო. საიდუმლო პოლიცია თავისუფლებისათვის მებრძოლთ სდევნიდა. შავი რეაქციისადმი შიში ხალხის განწყობილებას თრგუნავდა.

მეფის მართლმსაჯულების სისხლიანმა ტალღამ საქართველოსაც გადაუარა. პეტერბურგში იცოდნენ, რომ მოსახლეობის 90 პროცენტი სოციალისტურ იდეებს იზიარებდა და ქვეყნის დამოუკიდებლობისაკენ ისწრაფვოდა.

მოსკოვის აჯანყების პარალელურად დასავლეთ საქართველოს ერთ-ერთ მხარეში, გურიაში, მუშათა და გლეხთა უკმაყოფილებამ იფეთქა. ქვეყანას საეგზეკუციო ჯარის ნაწილები შემოესივნენ, რომლებიც თავის გზაზე გადამწვარ სოფლებს ტოვებდნენ. მთებში

შეხიზნული პარტიის ლიდერები ხალხს მეფის ჯარის წინააღმდეგ საბრძოლველად რაზმავდნენ. ვინც ჯარს ხელში უვარდებოდა, ყინვაში ფეხშიშველა გამოჰყავდათ და მათგან რევოლუციონერთა გაცემას მოითხოვდნენ.

ვერც ციმბირში მასობრივმა გადასახლებებმა და დაპატიმრებებმა, ვერც სიკვდილით დასჯამ გატეხა ქართველი ხალხის თავისუფლებისაკენ ლტოლვა. სოციალისტური ორგანიზაციები კვლავ არალეგალურ მდგომარეობაში განაგრძობდნენ ყოფნას. სოციალისტები და ბოლშევიკები ერთნაირად იდევნებოდნენ, მაგრამ მიუხედავად ამისა, მათ შორის განხეთქილება დღითი დღე ღრმავდებოდა. მართალია, პირველმა რევოლუციამ მათი მიზნებისა და იდეების განხორციელება ვერ შეძლო, მაგრამ მეფის მთავრობა დაარწმუნა და დაანახა მას, რომ რუსი ხალხი იმპერიის საბოლოო დემოკრატიზაციისათვის ბრძოლას მომავალში კვლავაც განაგრძობდა. მეფის მრჩეველები თვლიდნენ, რომ დადგა დრო, როდესაც ხალხის წარმომადგენლებს მთავრობაში მონაწილეობის მიღება შეეძლოთ. ისინი სამართლიანად შიშობდნენ, რომ მონარქიის დღეები დათვლილი იყო, ხოლო რევოლუციური იდეების ჩახშობა კითიქმის შეუძლებელი ხდებოდა. 1906 წელს „დუმის“ დაარსებით მთავრობაში ხალხის წარმომადგენლობის იდეა განხორციელდა. „დუმას“ არ ჰქონდა საკანონმდებლო უფლებები. მეფე მის გადაწყვეტილებებზე არ იყო დამოკიდებული. ასე რომ, „დუმის“ დაარსება რევოლუციური მოძრაობის შეჩერებას ვერ შეძლებდა. ის უპირატესობა კი ჰქონდა, რომ ხალხისათვის თავისი სურვილებისა და განწყობილების გამოხატვის შესაძლებლობა მიეცა. სოციალისტურმა პარტიამ გადაწყვიტა „დუმაში“ თავისი დეპუტატების გაგზავნა, რათა პოლიტიკური დემოკრატიისათვის ჩაეყარა საფუძველი. „დუმის“ ტრიბუნიდან შეეძლოთ მიემართათ ხალხისათვის, 120-მილიონიანი მოსახლეობისათვის თავიანთი იდეები გაეცნოთ. პროპაგანდისტული და ორგანიზაციული მოსაზრებით „დუმაში“ მონაწილეობის მიღებას აზრი ჰქონდა.

როგორც მოველოდით, ჩვენი ამგვარი ტაქტიკის გამო ბოლშევიკები დაგვიპირისპირდნენ. ისინი „დუმას“ რეაქციულ ინსტიტუტად მიიჩნევდნენ და ჩვენ ხალხის ლალატს გვაბრალებდნენ. სისხლის ღვრის გარეშე თანასწორუფლებიანობის დამყარების ჩვენს სურვილებს ბოლშევიკური მოსაზრებები ეწინააღმდეგებოდა, რომლებიც მიზნისკენ მხოლოდ ძალისმიერი მეთოდებით მიდიოდნენ.

ქართველი სოციალ-დემოკრატები არჩევნებში დიდ მონაწილეობას იღებდნენ. არჩევნების სისტემა ჩვენი წარმომადგენლობის ყოლის უფლებას არ გვაძლევდა, მაგრამ დეპუტატების გაგზავნა კი შეგვეძლო.

ამ დროისათვის ქართველმა ბოლშევიკებმა დააარსეს გაზეთი „ბრძოლა“, რომელიც დაუნდობელ, გესლიან აგიტაციას ეწეოდა ჩვენ წინააღმდეგ. მათი პოლიტიკური საქციელი სამოქალაქო ომისაკენ მონოდება იყო მხოლოდ.

1907 წელს გამოვაქვეყნე სტატია: „ბოლშევიკური საფრთხე“, სადაც მკაცრად ვგმობდი ბოლშევიკურ ტაქტიკას, რომელსაც ქვეყანა აშკარად სამოქალაქო ომისკენ მიჰყავდა და მას არაადამიანურს და თათრული მარქსიზმით დალდასმულს ვუწოდებდი. კობამ გაზეთ „ბრძოლაში“ მისთვის დამახასიათებელი სარკავზმით გამცა პასუხი. ის სისხლიანი მუქარით უარყოფდა ეროვნული დემოკრატიისათვის, თავისუფლებისა და თანასწორუფლებიანობისთვის მებრძოლ სოციალიზმს, პროლეტარიატის ინტერნაციონალური დიქტატურის შურისძიებას გვპირდებოდა. თანასწორუფლებიანობა მას მხოლოდ ბოლშევიკური, პროლეტარიატის ცალმხრივი უზრუნველყოფის აზრით ესმოდა.

ორ პარტიას შორის შეუთანხმებლობას კობა მთლიანად მე მაბრალებდა, თუმცა მე მისთვის არაერთხელ ამიხსნია, რომ მსოფლმხედველობას ცალკეულ პიროვნებებთან არ ვაიგივებდი და ჩემს უკმაყოფილებას მასთან, როგორც ადამიანთან, საერთო არაფერი ჰქონდა. ჩემსა და კობას შორის განხეთქილების უფსკრული ღრმავდებოდა. ჩვენ დაუძინებელ მტრებად ვიქცით.

## 12. სენსაციური პოლიტიკური მკვლელობა



1907 წელს ბარბაროსული სისასტიკით მოჰკლეს თავადი ი. ჭავჭავაძე. ჭავჭავაძე თავისი დროის უდიდესი მწერალი და პოეტი, ახალი ქართული ლიტერატურის ფუძემდებელი იყო. მოსახლეობის ყველა ფენა მას ერთხმად აღიარებდა და ეთაყვანებოდა, ცარისტულ გარემოცვაში იგი ქართველი ხალხის ნების ერთადერთი გამომხატველი იყო. იგი არასდროს ითხოვდა პატივს თავისი არისტოკრატიული წარმოშობის გამო და ხალხი მას ხშირად ხედავდა თანამოქალაქეთა შორის. თავადი პირველი იყო, ვინც სიკვდილით დასჯა საჯაროდ დაგმო. ის ხშირად გამოდიოდა მეფის წინააღმდეგ, რითაც მის უკმაყოფილებას იმსახურებდა.

მკვლევები იყვნენ ქართველი ბოლშევიკები, რომლებიც თავიანთი მიზნებისკენ პოლიტიკური მტრების გზიდან ჩამოშორებით მიდიოდნენ. შურისძიების აღსრულებას მხოლოდ მკვლელობაში ხედავდნენ. თავადის მოკვლა პროგრამულ აუცილებლობად მიანჩნდათ. იმას კი არ იაზრებდნენ, ამა თუ იმ თავადს რაიმე დანაშაული მიუძღოდა თუ არა ცარისტული მმართველობის წინაშე.

ბოლშევიკების აზრით, არისტოკრატია მოკლებული იყო ადამიანურ გრძნობებს და აუცილებელი იყო მისი სრული განადგურება. ი. ჭავჭავაძის დანაშაული მხოლოდ მის წარმომავლობაში მდგომარეობდა. თავადის მკვლელობამ გონიერსაც და უგუნურსაც თვალი აუხილა და დაანახა, თუ რას ესწრაფებოდა ბოლშევიზმი და რას მოიტანდა ლენინისა და მისი მიმდევრების აღთქმული თავისუფლება — რუსულ შუასაუკუნეობრივ სისხლიან ტერორსა და ტირანიას. მკვლელობის უკან არაპირდაპირ კობაც იდგა, ის ყველა ბოროტმოქმედების წამქეზებელი და აგიტატორი იყო.

მთელი საქართველო გლოვამ მოიცვა. დიდი იყო აღშფოთება ლენინელების მიმართ. საქართველოს პოლიტიკურ-საზოგადოებრივი ცხოვრება დიდხანს იმყოფებოდა საზარელი მკვლელობის შთაბეჭდილების ქვეშ. ხალხი — თავადი თუ მუშა — სულით ხორცამდე შეძრა ამ გაუგონარმა ამბავმა. მკვლევები სწრაფად შეიპყრეს და თავადის ქვრივის სურვილის წინააღმდეგ, ჩამოახრჩეს.





სოციალ-დემოკრატიული პარტია და მისი პრესა ამ მკვლევარებს ეროვნულ დანაშაულად მიიჩნევდა. დამწუხრებული ქართველი ხალხი ჟორდანიას გარშემო შემოიკრიბა და უკანასკნელი პატივი მიაგო დიდ მწერალს. ჟორდანიამ ხალხის სახელით საფლავი გვირგვინით შეამკო და მკვლელის სახელი დასწყევლა.

### 13. სტალინი

კობას პოლიტიკურ ბრძოლას საერთო აღარაფერი ჰქონდა ყაზბეგის რომანის გმირთან, თავის პროტოტიპთან. კობა-სტალინი აღარ იყო სამშობლოზე უსაზღვროდ შეყვარებული და მისი თავისუფლებისათვის მებრძოლი გმირი. კობა-სტალინის პატივმოყვარე მიზნები აღარ ემსახურებოდა ჩაგრული ხალხის ინტერესებს. სოციალიზმის უკან ძალაუფლებისაკენ სწრაფვა იმალებოდა. დემოკრატიას მისი სურვილების ხელისშემშლელად თვლიდა. სამშობლოს თავისუფლება უკვე აღარაფრად უღირდა. მისი ძალაუფლებისაკენ ლტოლვა აღარანაირ საზღვარს აღარ ცნობდა. სოციალ-დემოკრატების ლოზუნგებით უნებისყოფო და გონებაშეზღუდული მიმდევრები შემოიკრიბა, კეთილდღეობას შეჰპირდა და თავისი სურვილების აღმასრულებელ იარაღად გაიხადა. მწერლების მლიქვნელობას საზღვარი არ ჰქონდა და მის უკვდავებას ადიდებდნენ. დამნაშავეები მასში საყრდენს ეძებდნენ, თავგადასავლების მაძიებელი კი თავაშვებული და განუკითხავი თავისუფლების დადგომას ელოდნენ.

1907 წელს, ქორწინებიდან მეოთხე წელს, კობას მეუღლე გარდაიცვალა. ჭეშმარიტი ქართველი ქალი, რომელსაც თავისი მეუღლის ბედი ძალიან აშფოთებდა, ღამეებს მხურვალე ლოცვებში ატარებდა და ღმერთს თავისი ქმრის სულს ავედრებდა. ლოცულობდა, რომ ქმარი მაცდური იდეებისაგან განთავისუფლებულიყო და მშვიდობიანი ოჯახური ცხოვრებისათვის მოეკიდა ხელი. მას დარჩა ვაჟიშვილი, რომელიც 1919-1920 წლებში გიმნაზიაში ჩემი მონაფე იყო.

მიუხედავად ჩვენი მტრობისა, კობასთან მისასამძიროებლად მა-

ინც მივედი. ფერმკრთალ სახეზე ცხოვრების ერთგული თანამგზავის სიკვდილით გამოწვეული სულიერი ტანჯვა ეტყობოდა. მწუხარების დაფარვას სხვების წინაშე არ ცდილობდა. ვიგრძენი მისი მაღლიერი მზერა. იმ წუთებში ალბათ, ჩვენი მეგობრობის წლები ახსენდებოდა. ჩვენ ის ორი მეგობარი ვიყავით, რომლებსაც განსხვავებული მსოფლმხედველობა ერთმანეთისგან აღარ თიშავდა. ვხედავდი, რომ კობა თავისი კეთილშობილი ცოლის ერთგული იყო, ცოლისა, რომელიც ყოველ წუთს მზად იყო ქმრისა და შვილისათვის შეენირა თავი. შინაგანად ისეთი აფორიაქებული ადამიანი, მუდამ რომ დევნას განიცდიდა, შვებას მხოლოდ ოჯახში პოულობდა. ადამიანებისადმი მისი ზიზღი არ შეხებია მხოლოდ მის ცოლს, შვილსა და დედას.

კობას მივუსამძიმრე, ვიცოდი, რომ ცოლი მისი უკანასკნელი მორალური საყრდენი იყო. ისიც ვიცოდი, რომ კობა თავის მიზნებზე ხელს არასოდეს აიღებდა. სახლის წინ უამრავმა ხალხმა მოიყარა თავი. მე სამგლოვიარო სიტყვა წარმოვთქვი. მწუხარებისგან მხრებში მოხრილი კობა შვილს გულში იხუტებდა.

მართლმადიდებლური ეკლესიის კანონებისამებრ მიცვალებული სასაფლაოზე წაასვენეს. ცოლის ნათესავეებმა მისი საეკლესიო წესების დაცვით დაკრძალვა მოინდომეს და კობამაც წინააღმდეგობა ვეღარ გაუწია. ამ დათმობაზე კი იმიტომ წავიდა, რომ იცოდა, ამით ცოლის უკანასკნელ სურვილს აღასრულებდა. კუბოს წინ სასულიერო პირები მიუძღვებოდნენ და ფსალმუნებს მღეროდნენ. როდესაც საფლავს მივუახლოვდით, კობამ ხელი ხელზე მომიჭირა, საფლავისკენ გაიხედა და მითხრა:

„ამ ქალმა შეძლო გაეღლო ჩემთვის ქვის გული. მასთან ერთად ჩემი უკანასკნელი ადამიანური სიტბოც მოკვდა“.

შემდეგ მარჯვენა ხელი მკერდზე მიიღო და მითხრა: „აქ, შიგნით, ყველაფერი დაცარიელდა“.

ამ დღიდან მან ადამიანური შეგრძნებების უკანასკნელი გამოვლინებაც დაკარგა. გული იმ ღვარძლით აევსო, რასაც შეუბრა-

ლებელი მამამისი ბავშვის გულში თესავდა. სძულდა თავისი გაჭირვებული, ტრაგიკული ცხოვრება და სინდისის ქენჯნის რეს გამოვლინებასაც კი კლავდა თავის თავში. დაუნდობელი იყო საკუთარი თავის და სხვების მიმართაც: სტალინი შეიარაღებული აჯანყების ორგანიზატორი გახდა. მიზნად დაისახა სასულიერო პირების, თავადებისა და ბურჟუაზიის განადგურება. მისი ცალმხრივი პოლიტიკური მსოფლხედვა არ მოიცავდა სრულყოფილად ბოლშევიკურ პროგრამას. განადიდებდა ლენინისეულ ტერორს და მის განხორციელებას ესწრაფვოდა. მის შეხედულებებს ასახავდა ის სტატიები, რომელსაც სტალინი დიდ რუსეთში ლენინურ გაზეთებში აქვეყნებდა. სწორედ ამ პერიოდში გამოაქვეყნა მან წერილები სტალინის ფსევდონიმით.

ცარისტულმა პოლიციამ სტალინი დააპატიმრა. მეუღლის გარდაცვალებიდან რამდენიმე თვის შემდეგ მას ციმბირში სამუდამო გადასახლება მიუსაჯეს.

იმ დროისთვის კიევის უმაღლესი სასწავლებლის სტუდენტი ვიყავი და მის ჩანაწერებს არალეგალურ ბოლშევიკურ გაზეთებში გავეცანი.

#### **14. 1917 წლის რუსეთის დიდი რევოლუცია**

1917 წლის რუსეთის თებერვლის რევოლუციამ, სოციალისტ-რევოლუციონერთა ხელმძღვანელობით, დაამხო მეფის ძალაუფლება და გააუქმა ავტოკრატიული სისტემა. მათი მიზანი, რომლის განხორციელებასაც ისინი შეძლებისდაგვარად უსისხლოდ ესწრაფვოდნენ, აბსოლუტური მონარქიის თანამედროვე დემოკრატიულ რესპუბლიკად გარდაქმნა იყო. სირთულეები, რომლებიც მათი ხელმძღვანელების — კერენსკის, წერეთლისა და სხვათა წინაშე იდგა, ძალზედ სერიოზული იყო, ვინაიდან რუსეთი მილიტარისტულ, ძლიერ და უკეთესად ორგანიზებულ გერმანიასთან ომობდა. ომში დროებითი გამარჯვებისაკენ სწრაფვა, შესაძლებელია, რუსი სოციალ-დემოკრატების საბედისწერო შეცდომა გახდა. სე-



პარატული ზავის დაუყოვნებლივ დადებით სოციალ-დემოკრატიულ მომით გადაღლილი ხალხის სიმპათია შეეძლოთ მოეპოვებინათ და საკუთარი პოზიციები განემტკიცებინათ. იმ დროისათვის ბოლშევიკებმა ომის სანინალმდეგო პროპაგანდით პოპულარობის მოხვეჭა შეძლეს.

რუსეთის ძლევა მოსილი, უზარმაზარი იმპერიისათვის დემოკრატიზაცია თითქმის გადაუჭრელი პრობლემა იყო. რუს ხალხს აბსოლუტურ მონარქისტულ ისტორიაში ღრმად ჰქონდა ფესვები გადგმული. ხელისუფლების აპარატის გარდაქმნას ძალზე დიდი დრო დასჭირდებოდა. ამას ისიც ემატებოდა, რომ რუსეთი ქვეყნის მოსახლეობის უმრავლესობის, დაბალი სოციალური ფენის პოლიტიკურ ინტერესებს გულგრილად ეკიდებოდა. მოსახლეობის წერა-კითხვის უცოდინარობა პროგრესული იდეების გავრცელებას აფერხებდა. პოლიტიკური გარდაქმნების არსი გლეხობისათვის გაუგებარი იყო. გაუნათლებელი, უკულტურო გლეხობა გარდაქმნას მხოლოდ სოფლური ყოფის გაუმჯობესებაში ხედავდა, ვინაიდან სხვაგვარი ცხოვრება მას არც ენახა და ვერც წარმოედგინა. პრობლემები, რომლებიც რევოლუციის ხელმძღვანელთა წინაშე წამოიჭრა, იმდენად დიდი იყო, რომ მათ ომის პირობებში, რომელიც ისედაც მთელი ძალ-ლონის დაძაბვას მოითხოვდა, ვერ განახორციელებდნენ.

თებერვლის რევოლუცია დამარცხდა. გერმანიის სამხედრო ხელისუფლებმა კი ბოლშევიკების თავისი მიზნებისათვის გამოყენება სცადეს და ამიტომ კერენსკიმ მათი მხარდაჭერა დაკარგა. ლენინი, ტროცკი, სტალინი და სხვანი ძალაუფლებისაკენ სისხლიანი ტერორის გზით მიიწვედნენ. ლენინი და ტროცკი გერმანელების დახმარებით შვეიცარიიდან რუსეთში დაბრუნდნენ. სტალინს კი ციმბირიდან თავდასაღწევი გზა გაეხსნა, ქვეყანაში შურისძიების გაუმძღარი წყურვილი გაჩნდა.

ის, რაც ბოლშევიკების აზრით უვარგისი იყო, ან მათ იდეებს ეწინააღმდეგებოდა, იქნებოდა ეს ადამიანი, თუ ხელოვნების ნაწარ-

რმოები, დაუნდობელი სისასტიკით ნადგურდებოდა. ლენინი მისი ამხანაგები ხალხის განმანათლებლობის მაგივრად ქვეყანაში ძალაუფლებას ამკვიდრებდნენ, რაც მხოლოდ შიშს ჰბადებდა. მათ კი კარგად ესმოდათ, რომ შიში უფრო სწრაფად ინერგება, ვიდრე განმანათლებლობა და აღზრდა. მართალია, ამგვარი მოძღვრება და მეთოდები მათ ხალხის სიყვარულს არ მოუტანდა, მაგრამ სამაგიეროდ ძალაუფლებას კი განუმტკიცებდა. მონარქისტულ ისტორიასთან შეზრდილი ხალხის იმედი მათ არ უნდა ჰქონოდათ. ხალხის სიყვარულს ძალაუფლების მპყრობელებისადმი არც ერთი სახელმწიფოებრივი ფორმა არ ეყრდნობა ხანგრძლივად, და მით უმეტეს, არც ბოლშევიკებისა. ლენინის პატივმოყვარეობას მხოლოდ დიქტატურა თუ ემსახურებოდა. ლენინელებს არ ადარდებდათ ის, რომ ხალხი ცარიზმის დროს რომ იყო, იმაზე უარეს მდგომარეობაში იმყოფებოდა და მათი პოლიტიკა მარქსის მეთოდებს ეწინააღმდეგებოდა.

სტალინი ბოლშევიკური პარტიის გენერალურ მდივნად დანიშნეს. პარტიის ხელმძღვანელობა ერთპიროვნულ ხელისუფლებად იქცა. პარტიის მითითებებს საბჭოთა სისტემის დაბალი და მაღალი ჩინოვნიკები უსიტყვოდ უნდა დამორჩილებოდნენ. დაუმორჩილებლობა საკუთარი ფეხით გილიოტინაზე ასვლას ნიშნავდა. თუმცა სტალინი ლენინის სიცოცხლეში წინა პლანზე არ ჩანდა, იგი დიქტატურის შექმნის უშუალო მონაწილე იყო. ლენინს არაერთხელ დაუხრია თავი სტალინის წინაშე და მისი აბსოლუტური უფლებები უღიარებია, რადგანაც მას სტალინისა უფრო ემიონოდა, ვიდრე უყვარდა.

სტალინი პარტიად იქცა და თავისი ძალაუფლებით სახალხო კომისრებზე მაღლა იდგა. მოგვიანებით ეს დრომ დაამტკიცა. ლენინის სიკვდილის შემდეგ, სტალინი მარტო იდგა იქ, საითკუნაც მთელი სიცოცხლე მიიღტვოდა. ამ სიმაღლის შენარჩუნების გარანტიას მხოლოდ ძალაუფლება თუ იძლეოდა, სტალინისათვის არ არსებობს არანაირი სიბრაღული და გზიდან გადახვევა. მილი-



ონობით სისხლი იღვრება და მომავალშიც დაიღვრება მისი განმარტებით. სტალინის გარეშე არ არსებობს სტალინიზმი! ბოლშევიზმი ეს სტალინიზმია.

## **15. დამოუკიდებელი საქართველო**

1917 წელი საქართველოში რუსეთისაგან განსხვავებულად დაიწყო. პოლიტიკურ მოვლენებს ქართველი ხალხი რუსი ხალხის მსგავსად საღათას ძილით როდი შეეგება. სოციალ-დემოკრატიულმა პარტიამ და მისმა ხელმძღვანელმა ჟორდანიამ, მრავალი დევნის მიუხედავად, ხალხის განთავისუფლების იდეით გამსჭვალა შეძლო. სოციალიზმის იდეა დიდ რევოლუციამდე იქცა ქართველი ხალხის სანუკვარ ოცნებად. თითოეული ქართველის სურვილი სამშობლოს განთავისუფლება იყო. ცარისტული იმპერიიდან საქართველოს გამოხსნას და ეროვნულ თავისუფლებას სოციალ-დემოკრატები ისევე ელტვოდნენ, როგორც თითოეული ერის ბედნიერებას. ასე რომ, საქართველოში ბოლშევიზმი ფეხს ვერ მოიკიდებდა.

1917 წლის თებერვლის რევოლუციამ საქართველოში აღფრთოვანებული გამოძახილი ჰპოვა. ახდა მონობიდან განთავისუფლების იმედი. ადამიანი უკვე თავისუფალი იყო. ახლოს იყო მთელი ქვეყნის თავისუფლება და დამოუკიდებლობა. უტოპიისათვის დრო აღარ რჩებოდა. ომის საშინელი ქრილობების მოშუშება შესაძლებელი გახდა. განადგურებული მეურნეობისა და ძველი სისტემით ხელოვნურად დამუხრუჭებული კულტურული განვითარების გამოცოცხლება და დემოკრატიული გარდაქმნა კვლავ შესაძლებელი ჩანდა.

როდესაც რუსეთში ბოლშევიკურმა ოქტომბრის რევოლუციამ თებერვლის რევოლუციაზე გაიმარჯვა, საქართველოს ეროვნულ-დემოკრატიული ხელისუფლება უკვე მყარად იდგა. კავკასიის ხალხებმა, ქართველებმა, სომხებმა და აზერბაიჯანელებმა ერთიანი კავშირი შექმნეს.



ამიერკავკასიის სეიმს, როგორც პარლამენტს, საკანონმდებლო უფლებები მიენიჭა. პარლამენტში ქართველ სოციალ-დემოკრატებს აბსოლუტური უმრავლესობა ჰქონდათ და გადაწყვეტ როლს ასრულებდნენ. კავკასიის ხალხთა ერთსულოვნებამ ბოლშევიკური ტალღის საზღვართან შეჩერება შეძლო. ბოლშევიკურ პროპაგანდას არათუ ვინმე უსმენდა, არამედ იგი მოღალატურადაც გამოაცხადეს და საბოლოოდ დაგმეს.

ბოლშევიზმმა ვერც კავკასიის დანარჩენ ხალხებში შეძლო ფეხის მოკიდება, მოსკოვში ლენინის მიერ ძალაუფლების ხელში აღებით, ქართველი დემოკრატიის მესვეურებმა ჩათვალეს, რომ დადგა დრო, როდესაც საქართველოს დამოუკიდებლობასა და თავისუფლებას დაუბრუნებდნენ.

1918 წლის 26 მაისს გამოცხადდა საქართველოს დამოუკიდებლობა და ამით სოციალ-დემოკრატების ხელმძღვანელობით ისტორიაში შეიქმნა პირველი დემოკრატიული რესპუბლიკა. საქართველოს დამოუკიდებლობის გამოცხადება რუსეთისგან თავის დაღწევის დასაწყისი იყო. ეს იყო ისტორიული თვალსაზრისით მეტად მნიშვნელოვანი აქტი, რომლითაც მონობის პერიოდი დასრულდა. ეს იყო სამშობლოს ერთგული შვილების ყველაზე დიდი და ერთადერთი სურვილი.

იმ დროს, როცა რუსეთში ლენინის, ტროცკისა და სტალინის ხელმძღვანელობით ყოვლისნაშლეკი სახელმწიფოებრივი აპარატი იქმნებოდა, საქართველოში დემოკრატიის აღმშენებლობის ხანა დაიწყო.

დამოუკიდებლობის გამოცხადება ეროვნული შეგნების აუცილებელი შედეგი იყო, რომელიც ჯანმრთელმა ისტორიულმა ტრადიციებმა დაბადა. ძმათა მკვლელობა, რაც რუსეთში ხდებოდა, თავიდან იქნა აცილებული. ქართველი ერის არსებობა გადარჩა და ქართული კულტურის განვითარება შესაძლებელი გახდა.

ქართველებს მიჰბაძეს კავკასიის სხვა ხალხებმაც. სომხეთი, აზერბაიჯანი და დაღესტანი დამოუკიდებელ რესპუბლიკებად გა-



მოცხადდა. ჟორდანიას ახალი საქართველოს პრეზიდენტად აცხადეს.  
 რჩიეს. გამოიცა ერთიანი დემოკრატიული კონსტიტუცია. პარლამენტი 130 კაცისგან შედგებოდა, რომელთაგან 113 სოციალ-დემოკრატიული პარტიის წევრი იყო. პარლამენტის დანარჩენი 17 დეპუტატიც იმავე იდეას იზიარებდა. საქართველოს დემოკრატიული რესპუბლიკა მიზანსწრაფულ, მშვიდობიან პოლიტიკას ატარებდა. სახელმწიფო და პარლამენტი სოციალ-დემოკრატიული პროგრამის განხორციელებასა და დამკვიდრებას ცდილობდნენ.

ქართული მთავრობის პირველი დიდი ნაბიჯი მინის რეფორმის გატარება იყო. სოფლის მოსახლეობის ცხოვრების დონემ და პროდუქციამ საგრძნობლად იმატა. ტყეები, მინდვრები და ვენახები სახელმწიფოსა და კომუნების საკუთრებაში გადავიდა, რითაც სოციალური პრობლემების გადაჭრა შესაძლებელი გახდა.

სოფლის მეურნეობის მინისტრად დაინიშნა ხომერიკი. ეს იყო ქვეყნის თავისუფლებისათვის დაულალავი მებრძოლი, რომელიც ბოლშევიკებმა 1924 წელს სხვა დანარჩენებთან ერთად დახვრიტეს.

გამოცხადდა რვასაათიანი სამუშაო დღე. სწავლება სავალდებულო გახდა. გერმანული მოდელის მიხედვით სოციალური დაზღვევის გატარება ერთ-ერთი უმნიშვნელოვანესი კულტურული ნიშნავა იყო. ქვეყნის ყველა კუთხეში დაარსდა სკოლები, საბავშვო ბაღები და თანამედროვე საავადმყოფოები, ასევე – გერმანული მოდელის მიხედვით შექმნილი სამეურნეო კოოპერაციები საქონლის გასაღებას უზრუნველყოფდნენ.

შიდა და გარეშე მტრებისაგან ქვეყანას მცირერიცხოვანი, მაგრამ დისციპლინირებული მოხალისეთა ეროვნული გვარდია იცავდა.

მიუხედავად იმისა, რომ ჩვენ პარლამენტში აბსოლუტურ უმრავლესობას წარმოვადგენდით, მონარქისტული საზოგადოების სოციალისტურად გარდაქმნას მაშინვე არ ვაპირებდით. აგრარულ ქვეყანაში, რომლის მოსახლეობის კულტურული დონე არცთუ ისე მაღალი იყო, სოციალიზმის საფუძვლების შექმნას ჯერ-



ჯერობით შეუძლებლად მივიჩნევდით. თავდაპირველად საჭირო იყო იმ წინაპირობების შექმნა, რომელზეც ნამდვილი სოციალიზმი აშენდებოდა. ჩვენი მთავარი საზრუნავი იყო სახელმწიფოებრივი მთლიანობის შენარჩუნება, რომელსაც ბოლშევიკური რუსეთის საფრთხე ემუქრებოდა. ჩვენს საზღვრებს მიღმა სამოქალაქო ომი მძვინვარებდა. ბოლშევიკებს უტოპიური, მსოფლიოს ახლებურად მონყობის იდეები ჰქონდათ და მთელ მსოფლიოში კომუნისტების გამარჯვების შემთხვევაში, პროლეტარიატს სამოთხეს ჰპირდებოდნენ. ვიცოდით, რუსეთიდან საბოლოო თავის დაღწევის პროცესი ხანგრძლივი და მკაცრი იქნებოდა.

ჯერ ეროვნული თავისუფლების მოპოვება იყო საჭირო, ხოლო შემდეგ ინტერნაციონალურ ძმობაზე ფიქრი. საამისოდ საქართველოში სიტუაცია ჯერ კიდევ არ იყო მომნიშვნეული. ასევე საჭირო იყო სახელმწიფოს შინაგანი სტრუქტურის ორგანიზება, რუსეთისაგან მემკვიდრეობით სულ სხვაგვარი სახელმწიფოებრივი სტრუქტურა გვერგო. მეფის ხელში იყო მთელი ძალაუფლება, რომელიც გუბერნატორების მეშვეობით ხორციელდებოდა. საჭირო იყო ხალხის მასების სახელმწიფოს მმართველობაში ჩაბმა და კადრების სისტემის შექმნა.

სოციალისტური მიზნები არასდროს დაგვიწყებია. მსოფლიო ხალხთა დამოუბილებზე ფიქრი რომ შეგვძლებოდა, საჭირო იყო თავად ჩვენ ვმდგარიყავით მყარად. ეს პროცესი საქართველოში განვითარების სხვადასხვა ეტაპს მოიცავდა. ერთ დღეში სახელმწიფო არავის გარდაუქმნია. დრო იყო საჭირო.

დიქტატურა ჩვენთვის მიუღებელი იყო, თუმცა სხვა პარტიების მიმართ ასეთი მეთოდების გამოყენება შეგვეძლო. თუკი ქვეყნის დემოკრატიის დამყარება გვსურდა, იმ უმცირესობის შეხედულებებისთვისაც უნდა გვეცა პატივი, რომლებიც ჩვენთან ერთად იბრძოდნენ სამშობლოს განთავისუფლებისათვის. სხვაგვარად მონაზროვნე უმცირესობის ზურგს უკან არავითარი ექსპერიმენტის ჩატარებას არ ვაპირებდით, რომელსაც სხვა ქვეყანაში, ცხოვრე-



ბის სხვაგვარ პირობებში, შესაძლებელია რაიმე შედეგი მიიღწეულიყო. ნოდა, ჩვენთვის კი არაფრის მომცემი იქნებოდა. რა სარგებლობის მოტანა შეეძლო ხელფასების გაზრდას, როდესაც ქვეყანაში არ არსებობდა ორგანიზებული გასაღების ბაზარი.

სოციალური თავისუფლების წინაპირობა ეროვნული თავისუფლება და პოლიტიკური ძალების კონსოლიდაცია იყო, ხოლო შემდეგ კი – სოციალიზმი თავისუფალ საქართველოში.

## **16. სტალინის ნითელი არმია თავს ჯსხმის საქართველოს**

საქართველოს დამოუკიდებლობა ქვეყნის ისტორიაში ძალიან მნიშვნელოვანი პერიოდი იყო. თავისთავად განუმეორებელი იყო ის, რასაც ისტორიულად ამ მოკლე ხანში ხალხისა და მთავრობის ერთიანმა ნებამ მიაღწია. რუსეთის ასწლიანი მონობის პერიოდში მსგავსი არაფერი შექმნილა. საყოველთაო კეთილდღეობის შექმნა შეეძლო მხოლოდ თავისუფალ ხალხს, რომელსაც მთელი პასუხისმგებლობა აეღო თავის თავზე და გულისყური ქვეყნის გასაჭირისთვის მიეგდო. უფლებააყრილმა ხალხმა თავისი თავი დაიბრუნა და მზერა მაღალი, სულიერი ინტერესებისაკენ მიმართა. საქართველომ ნეიტრალიტეტი გამოაცხადა და სხვა სახელმწიფოებთან სამშვიდობო ხელშეკრულებები დადო. განსაკუთრებულ ყურადღებას უთმობდა საბჭოთა რუსეთთან მშვიდობიანი ურთიერთობის პოლიტიკას. 1920 წლის 7 მაისს ლენინმა ჩვენი ქვეყნის მთავრობასთან დადო ხელშეკრულება, რითაც ქვეყნის სახელმწიფოებრივი დამოუკიდებლობა აღიარა და ბოლშევიკური პროპაგანდის აღკვეთის გარანტია მოგვცა.

სტალინი ამ ხელშეკრულების წინააღმდეგი იყო.

ის არ დაუშვებდა თავისი ქვეყნის რუსეთისაგან გამოყოფას. რუსეთში ბატონობა, თუკი საქართველო მის ძალაუფლებას არ დაემორჩილებოდა, მისთვის არაფერს ნიშნავდა, პატივმოყვარეობა საქართველოს დაპყრობისაკენ უბიძგებდა, რომელმაც მისი ძირგამომთხრელი პროპაგანდა ასე დაუფიქრებლად უარყო.



Verstes: 10 9 8 7 6 5 4 3 2 1 0 1 2 3 4 5 10 1 verst = 1<sup>km</sup>,067

Carte du siège de TIFLIS

Clichés R. Duguet

1921 წლის თებერვალი, ბრძოლა ბოლშევიკებისაგან თბილისის დასაცავად.



მას მენშევიკებზე შურისძიების წყურვილი არ ასვენებდა. ლენინის ნინის ნების სანინაალმდეგოდ მან საქართველოს გაბოლშევიკება (გასაბჭოება), ანუ სტალინიზაცია განიზრახა, საქართველოში თავისი პროპაგანდის ჩაფუშვის შემდეგ კი სისხლიან ძალას მიმართა.

1921 წლის 11 თებერვალს სტალინმა დაარღვია ლენინის დადებული სამშვიდობო ხელშეკრულება. მისი ბრძანებით წითელი არმიის თავდასხმის ხელმძღვანელები მისი უერთგულესი ქართველი ბოლშევიკები: ორჯონიკიძე, მახარაძე და სხვები იყვნენ.

მცირერიცხოვანი ქართული არმია, გმირული ბრძოლის მიუხედავად, ამ შეიარაღებულ თავდასხმას ვერ გაუმკლავდებოდა. მთავრობის მონოდებას, დაეცვათ სამშობლო მოლაღატური თავდასხმისაგან, მთელი ქართველი ხალხი შეუერთდა. აღმოსავლეთ საქართველოდან შავ ზღვამდე, ბათუმამდე, თითოეული გოჯი მიწისთვის არაადამიანური, უთანასწორო ომი მძვინვარებდა. ხალხი თავდავინწყებით იბრძოდა სამართლიანობისა და ადამიანობის დასაცავად. ხალხი იბრძოდა, ვიდრე სტალინის ცხოველად ქცეულმა ყაჩაღურმა ბანდამ ქვეყანა ხელში არ ჩაიგდო აღმოსავლეთიდან ბათუმამდე. კავკასიის მთებში ათასობით მამულიშვილის სისხლი იღვრებოდა.

18 თებერვალს დამპყრობლები თბილისს მოადგნენ. ქალაქის აღმოსავლეთ შემოსასვლელში მთელი ღამე დაუნდობელი ბრძოლა გაიმართა. შიშით გათანგულ ქალებსა და ბავშვებს ყუმბარების ხმა და ზარბაზნების გრუხუნნი ესმოდათ. ჩვენი მცირერიცხოვანი არმია არნახულ წინააღმდეგობას უწევდა ზებუნებრივ ძალას. თითოეული ჩვენგანი იცავდა თავისუფლებას, დემოკრატიას, სამშობლოს, თავის ცოლსა და შვილს.

18 თებერვლის საღამოს მთავრობამ რამდენიმე მინისტრთან და დეპუტატთან ერთად ფრონტზე გამგზავნა, რათა მამულისთვის მებრძოლი გმირებისთვის ხალხისა და მთავრობის მადლობა გადაემეცა.

თბილისი ბუნებრივ ციხესიმაგრეს წარმოადგენს, რომელიც სამხრეთ-აღმოსავლეთიდან განსაკუთრებულად გამაგრებულია. ჩვენი ნაწილები მთაზე განლაგდნენ, მაგრამ ეს საკმაოდ მცირე ძალა იყო საიმისოდ, რომ რუსების შემოსევისათვის გაეძლო. ჩვენს მონოდებას უამრავი მოხალისე გამოეხმაურა. საშველად მოსვლა მხოლოდ თბილისიდან და მისი გარეუბნებიდან შეეძლოთ. ამიტომ ეს ძალაც ბევრს არაფერს ნიშნავდა. ქვეყნის აღმოსავლეთი ნაწილი უკვე ბოლშევიკების ხელში იყო. რუსები შეტევანზე შუალამეს გადმოვიდნენ. ქალაქი ტყვიისა და ზარბაზნების სროლის ხმისაგან ზანზარებდა, მოსახლეობა კი შიშისგან დაზაფრული ელოდა ფრონტიდან ცნობებს.

მე ჩემი პოლიტიკური მისია დამავიწყდა და ფრონტზე საბრძოლველად გავეშურე. გზაში მთავრობის მანქანა შევნიშნე. მთავრობის წარმომადგენელი ლორთქიფანიძე და სამხედრო მინისტრი ჭიჭინაძე იარაღით ხელში ფრონტზე საბრძოლველად მიდიოდნენ.

ფრონტზე დაუნდობელი ბრძოლა გამართულიყო. დავინახეთ დაჭრილები. ღამეულ ცას შემადრწუნებლად ანათებდნენ გასროლილი ტყვიები.

გათენებისას წითელი არმიის შემოტევა მოვიგერიეთ. „ვაშას“ ძახილით მიერეკებოდნენ ქართველები უკუგდებულ რუსის ჯარისკაცებს.

ბრძოლის ველზე დაჭრილი და დახოცილი რუსები ეყარნენ. ჩვენი მხრიდან დანაკლისი არცთუ ისე დიდი იყო. მინაზე ესვენა ახალგაზრდა არტილერიის ოფიცერი და დიდი, შავი პალტო ეფარა.

„ჩემი ძმა ბედნიერია“, — თქვა ექიმმა, — „ის სამშობლოსათვის მოკვდა“.

მიუუახლოვდი გენერალ მანიაშვილს, რომელიც თბილისს იცავდა და ვაკოცე. მან თქვა:

„გადაეცით ჟორდანისას, რომ ჩვენ მისი ნდობა გავამართლეთ“. ერთმანეთს ვეხვეოდით. ვნახე გორელები და ჩემი მშობლიური



სოფლის გლეხებიც. თბილისში მთავრობის მანქანით დაბრუნდა რათა გამარჯვების ცნობა მეხარებინა. ქალაქის ქუჩები უკვე სავსე იყო მომლოდინე ქალებით, ბავშვებითა და მოხუცებით. „ვაშას“ ძახილითა და ტაშის კვრით მოგვაცილეს გენერალური შტაბის შენობამდე, სადაც ჟორდანიამ სასწრაფო სხდომა მოიწვია.

### 17. თბილისის დატემა

თბილისის შემოსასვლელთან დამარცხების მიუხედავად სტალინის ბრძოლაზე ხელი არ აუღია. მან რუსეთიდან ჯარის ახალი ნაწილები გამოგზავნა. ბრძოლა საბოლოო გამარჯვების იმედით დავიწყეთ.

ჟორდანიამ ანდრონიკაშვილთან ერთად, რომელიც შემდეგ 1924 წლის აჯანყების მეთაური იყო, კახეთში გამგზავნა, სადაც უკვე რუსებს შეეღწიათ. მეგზურად გლეხები გამომყვინ და მთის ბილიკებით მივალწიეთ თელავს. აქ გენერალი ახმეტელი იყო დაბანაკებული.

ჩვენი ჯარი ახალ პოზიციებს იცავდა. ახმეტელი იმედოვნებდა, რომ უკანდახევა აღარ მოგვინევდა.

25 თებერვლის საღამო იყო. ჩვენ სათათბიროდ შევიყარეთ. უცებ კარი გაიღო და სახეგაფითრებულმა ტელეფონისტმა ენის ბოროძიკით გვაუწყა, რომ ახლახან თბილისის ელაპარაკა. ქალაქს სასწრაფოდ ცლიდნენ, ჩვენი ჯარები უკან იხევდნენ. თბილისი დაპყრობის რეალური საფრთხის წინაშე იყო. შემადრწუნებელ ამბავს სიჩუმით შევხვდით. ეს სამშობლოს დაკარგვას ნიშნავდა. გვეგონა, რომ თავზე ცა დაგვემხო.

ახმეტელმა ხელის გაქნევით გაანყვეტინა საუბარი. გენერალს თელავის სასწრაფოდ დატოვება უნდოდა, რათა უკანდახეული ჯარის ნაწილებს შეერთებოდა და მათგან მოწყვეტილი არ აღმოჩენილიყო.

არასოდეს დამავინყდება ჩვენი ჯარისკაცების გაფითრებული სახეები; დაუფინყარია მწარე ცრემლები ქალებისა და ბავშვებისა, რომლებიც გაურკვეველ ბედისწერას უნდა მინდობოდნენ. ჯოხზე

დაყრდნობილი მოხუცი კაცი სასონარკვეთილი მოგვცახოდა:

— „სად მიდიხართ? დარჩით და ჩვენთან ერთად ბოლო წუთამდე იბრძოლეთ“.

შემდეგ კი ხმამალა აქვითინდა.

უიმედო იყო ჩვენი გაქცევა. ცა ღრუბლებმა დაფარეს. მეორე დღეს წვიმა დაიწყო. მე სტალინზე ვფიქრობდი. მოლალატიმ გაიმარჯვა. თავის სამშობლოს მან თავისუფლება და სული წაართვა. თუკი მის სულს რაიმე ადამიანური შერჩენოდა, ათასობით ადამიანის სიცოცხლე დაუმძიმებდა სინდისს.

მოგვიანებით გავიგე, რომ რუსების ბოლო შემოტევა თბილისზე კოჯრის მთიდან დაეწყოთ. ქალაქს კადეტთა კორპუსის ოფიცრები იცავდნენ. შეუდარებელი სიმამაცითა და მხნეობით შეებნენ რუსის ჯარს და იბრძოდნენ, ვიდრე სიკვდილი მათ რიგებს შეათხელებდა. სამშობლოსათვის ამ ბრძოლაში თითქმის ყველა ახალგაზრდა კადეტი დაეცა.

გმირულად იბრძოდა ეროვნული გვარდია. 1924 წელს დახვრიტეს გვარდიის მამაცი და ჭკვიანი მეთაური ჯუღელი, რომელსაც სათანადო სამხედრო განათლება არ ჰქონია.

ჩვენი უკანდახევა ორი დღე და ღამე გრძელდებოდა. მივაღეპით მდინარე არაგვს. ოფიცრებმა ხიდზე გადასვლა გადაწყვიტეს, თუმცა იცოდნენ, რომ იქ მტერს წააწყდებოდნენ და ბრძოლის გამართვას იქ აპირებდნენ. ინსტინქტურად ვგრძნობდი, რომ რუსებს პირდაპირ ხელში ვუვარდებოდით და ვცდილობდი მათ გადარწმუნებას.

ჯარის მენინავე ნაწილები ფრთხილად გადადიოდნენ ხის ხიდზე. მეორე ნაპირზე კაზაკებმა ალყაში მოგვაქციეს. წინააღმდეგობის განევა შეუძლებელი იყო.

გენერალმა ახმეტელმა რევოლვერი ამოიღო და შუბლთან მიიღო. ოფიცრები ხელებში ეცნენ. სულიერად გატეხილ გენერალს თავისმა ძმისშვილმა ასე მიმართა: „ბიძია სტეფანე, მოვალე ხართ თქვენი ჯარისკაცების ბედი გაიზიაროთ“. ცოცხალმკვდარი, სახე-

გაფითრებული გენერალი, თავისი შტაბის ოფიცრებთან ბარბაცით გადავიდა ხილზე და მტერს ჩაბარდა.

ბოლშევიკები ომში დამარცხებულ სამხედრო ტყვეებს არ ცნობდნენ. ახმეტელი და მისი ოფიცრები სულ მალე რუსეთში გაგზავნეს.

## 18. ჩემი ნარუმატაბელი გაქცევა თბილისში

გულჩაშკვდარი ვუყურებდი იარაღის გადაცემას. შევამჩნიე, რომ კაზაკებს მთელი ყურადღება იარაღის ჩამორთმევაზე გადაეტანათ, გადავწყვიტე ამ ნუთის გამოყენება და ფიქრებში ჩაძირულ ანდრონიკაშვილს მივმართე: „ჩქარა, გავიქცეთ“...

მან უცებ ცხენი შემოაბრუნა და რამდენიმე მეტრძოლთან ერთად მთებისკენ გავნიეთ. მთის ქვემოთ მინდორი იყო. შემდეგ კი ტყეს შევაფარეთ თავი.

კაზაკებმა მდინარის მეორე ნაპირიდან შეგვამჩნიეს და ცეცხლი დაგვიშინეს. მდევარი გვიან გამოგვიდგა, რადგან ხილზე ჩვენი ჯარი იდგა და მასზე სწრაფად გადმოსვლა მტერმა ვერ შეძლო.

თავანწყვეტილი ჭენების შემდეგ ჩამოვქვეითდით და გამოქვაბულში შევქვერიით. ღამის გათევა იქ გადავწყვიტეთ. ჩვენ ვიყავით ლტოლვილები საკუთარ ქვეყანაში.

გეგმა ასეთი გვქონდა: მეორე დილით, თუკი ცხენებს ვიპოვოდით, თბილისში ჩავსულიყავით, თუ არადა, იქნებ ფეხით მიგვეღწია იქამდე, თავს შევაფარებდით ჩვენს მეგობრებთან, რომლებიც ასე მრავლად გვყავდნენ მთელს ქვეყანაში.

გათენებამდე გამოქვაბულიდან გამოვქვერი, რათა ცხენები მენახა და წასასვლელად მომემზადებინა. ბნელოდა, მაგრამ ცხენები მაინც ვიპოვე, ხელი მოვუფათურე და აღმოვაჩინე, რომ ღაგამი და უნაგირი ყველას ახსნილი ჰქონდა.

„მოგვაგნეს, ვილაცამ გაგვცა. სასწრაფოდ უნდა დავტოვოთ გამოქვაბული და მთებში გავიქცეთ“...



გამოქვაბულიდან სწრაფად გამოვძვებით. ეკლიან ბუჩქებში ფრთხილად მივძვრებოდით. გზას ქვები გვიღობავდა. ფეხის ძირძრაობაზე ქვები ხმაურით მიგორავდნენ ქვემოთ. ხმაურს შეიძლება გავეყიდეთ და შეშინებულები ირგვლივ ვიყურებოდით.

დაღლილ-დაქანცულები ბუჩქებს ამოვეფარეთ და დასვენება გადავწყვიტეთ. უცებ ქვემოთ ჩირაღდნები შევნიშნეთ და სუნთქვა შევიკარით. ჩირაღდნების შუქზე ვხედავდით, თუ როგორ დაგვეძებდნენ ვიღაც უცხოები და გამოქვაბულს ცეცხლს უშენდნენ. ერთ ხანს ლამის სიბნელეში მოთამაშე შუქს ვუყურებდით. შემდეგ მდეურეები ჩვენი ცხენებით საპირისპირო მიმართულებით წავიდნენ, შვებით ამოვისუნთქეთ. ერთმანეთს კმაყოფილებმა გადავხედეთ.

მინდორში გზა გადაეკეტათ. თბილისამდე რომ ჩაგველწია, მთის წვერზე უნდა ავცოცებულიყავით. ციცაბო ფერდობებზე სამი დღე და ღამე მივარღვევდით თოვლს. მშობლიური მთების სილამაზეს, რომელიც ჩვენს მესხიერებაში სულ სხვაგვარად შემონახულიყო, ახლა ველარც კი ვამჩნევდით. იქ, ქვემოთ, უცხოები ჩვენი დებისა და ძმების სისხლს ღვრიდნენ. შიმშილითა და უძილო ღამეებით ქანცგანწყვეტილებს ფეხები გვტკიოდა. ჩვენ წინ მივიწვევდით.

იძულებულები ვიყავით მთიდან დავშვებულიყავით. მე სოფელ ჭოპორტაში გადასვლა შევთავაზე ჩემს მეგობრებს. იმედი მქონდა, რომ იქ მეგობრებს ვიპოვიდი. სოფელი დუშეთის რაიონს ეკუთვნოდა, სადაც კომისრად ვმუშაობდი. მეგობრების დახმარებით თბილისამდე ჩაღწევას ვაპირებდით.

სოფელში შესვლისთანავე შეიარაღებულმა ჩეკისტებმა დაგვიჭირეს და იარაღი ჩამოგვართვეს. წინააღმდეგობის განევა უაზრო იყო. გაოგნებულები ვიყავით. სოფელი ჩეკისტებისა და წითელი გვარდიელების ხელში იყო. ერთმანეთზე გადაბმულები დროებით ციხეში წაგვათრიეს. ეს იყო პატარა, ნახევრად დანგრეული ერთოთახიანი სახლი. ეზოში ჩვენი ცხენები დავინახეთ.

ოთახის ფანჯრიდან ახალგაზრდა კაცი შევნიშნეთ. თავისი ლური ნაბიჯებით, ამაყი, თავდაჯერებული სახით ციხისკენ მოდიოდა. მაშინვე ვიცანი მისი თანმხლები — ჩემი ყოფილი უერთგულესი პოლიციელი. ჩეკისტებმა ორივეს სამხედრო სალამი მისცეს.

ახალგაზრდა კაცი ოთახში შემოვიდა და მაგიდას მიუჯდა. თავი ადგილობრივი კომიტეტის თავმჯდომარედ გაგვაცნო. ჩემი ყოფილი პოლიციელი მისი მდივანი გამხდარიყო. ნებაყოფლობით თუ იძულებით, ეს კი ველარ შევიტყვე. ახალგაზრდა კაცმა გაგვჩხრიკა, იარაღს ეძებდა. შემდეგ კი დამტკრეული, სასაცილოდ დამახინჯებული რუსულით დაგვკითხეს. დავითხვა რამდენიმე საათს გაგრძელდა. ის მტრის მხარეზე გადასული ქართველი იყო. ალბათ ჩვენი რცხვენოდა და თავს რუსად იმიტომ ასალებდა. მდივანი სამჯერ უფრო სწრაფად წერდა, ვინემ მისი უჭკუო უფროსი ლაპარაკობდა.

ჯერ ანდრონიკაშვილს ჩამოართვა რევოლვერი. შემდეგ გულისჯიბიდან სქელი საფულე ამოაცალა. თვალები ხარბად უბრწყინავდა, ბევრი ფული რომ დაინახა, თვალები უფრო გაუდიდდა. ფული მაგიდაზე ფრთხილად დადო და ყურადღებით დაიწყო დათვლა: „ათასი, ათას ხუთასი; ორი ათასი და ა.შ.“ ზურგს უკან ჩეკისტები იდგნენ, ფულს შურიანი თვალებით უყურებდნენ და მასთან ერთად ხმამალლა ითვლიდნენ. ჩეკისტებს შორის ორი ნაცნობი სახე შევნიშნე. მზერა ერთმანეთზე შევაჩერეთ. ალბათ, მათაც მიცნეს. უცებ გამახსენდა — ერთი ყაჩაღი იყო, მეორე კი მკვლელი. ჩემი ბრძანებით ისინი დაიჭირეს, როდესაც მე დუშეთის კომისრად ვმუშაობდი.

„თუ სასწაულმა არ გვიშველა, დალუპულები ვართ“ — გავიფიქრე.

ერთ-ერთი ჩეკისტი მომიახლოვდა და ჯიბის გაჩხრეკა დამიპირა. საფულე რომ შეამჩნია, სახე გაუბრწყინდა და ამოცლა დამიპირა. მაშინ მე ხელი ვკარი და ყაჩაღური საქციელი ავუ-

კრძალე. თავმჯდომარე ნამოსტა და ფულის ძალით წართმევა უბრძანა. ჩეკისტებმა კედელთან მიმაყენეს და ჯიბე ამაგლიჯეს. ათმა მანეთმა ალბათ იმედები გაუცრუათ. ნაძარცვით უკმაყოფილომ საფულე სახეში მესროლა.

საფულე ჯიბეში აუღელვებლად ჩავიდე. დაკითხვაში მესამე ჩეკისტი ჩაერია:

„ამხანაგო სოსო ირემაშვილო! ჩვენ კარგად გიცნობთ. შენ დუშეთის ყოფილი კომისარი ხარ. ახლა სხვა დროა, ჩვენი დრო მოვიდა. გადმოდი ჩვენს მხარეზე, თავი დაანებე ჟორდანიას და ჩვენთან ერთად ლენინისა და სტალინისათვის იბრძოლე“.

„ცდებით, თუკი ფიქრობთ, რომ თქვენი დრო დადგა. ბრძოლა გრძელდება. დარწმუნებულები ვართ, რომ ჩვენმა ჯარმა თბილისი სტრატეგიული მოსაზრებით დატოვა. აბა, ქვეყნის სიღრმეში შედით, სადაც მთები გვიცავენ. გენერალი მანიაშვილი და ჯუღელი ისეთ დამარცხებას გაგემებენ, როგორც 18 თებერვლის თბილისის ბრძოლისას.“

ჩვენ გადავარჩინეთ საქართველოს თავისუფლებასა და დამოუკიდებლობას. თქვენ ყველაფერ იმისათვის ინანებთ, რაც ჩაგიდენიათ.

ჟორდანია ჩვენთან ერთად იბრძვის თავისუფლებისათვის, დამოუკიდებლობისა და ძმობისათვის. თქვენ კი ლენინთან, ტროცკისა და სტალინთან ერთან, ტერორს, მკვლელობასა და ჩაგვრას ემსახურებით“.

„ძალიშვილო, შენ არ დამაპატიმრე და წლობით ციხეში გამომაძწყვდიე“, – გამანყვეტინა უცებ ნაცნობმა ნაყაჩაღარმა ჩეკისტმა ლაპარაკი და იარაღი ცხვირის წინ დამიტრიალა.

ქუდი მოვისროლე, კედელთან დავიჩოქე და გულზე ხელებგადაჯვარედინებულმა დავიყვირე:

„მესროლე, მესროლე-მეთქი, ციხეში რომ ჩაგამწყვდიე, სწორად მოვიქეცი, იქიდან არასოდეს არ უნდა გამოსულიყავი“.

„მეც შენ დამიჭირე, შე ძალიშვილო. ახლა კი გიჩვენებ სეირს!“

აღლევებისაგან თავს ველარ ვიკავენბდი. ჩემი ყვირილი მოიქცა  
სოფელს ესმოდა.

„ვინც საბოლოოდ გაიმარჯვებს, ძალაც იმისი იქნება. გეშინოდეთ, მე ისევ დუშეთის კომისარი ვიქნები“.

„სიჩუმე“ — დაიღრიალა ლლაპმა კომისარმა.

გარეთ, ფანჯრებთან ცნობისმოყვარე გლეხებმა მოიყარეს თავი და ინტერესით ადევნებდნენ თვალს, რა ხდებოდა ოთახში. მერე ოთახშიც შემოვიდნენ. გლეხებმა მხარი დაგვიჭირეს.

ამხანაგებო! მშვიდად თქვა თავმჯდომარემ. — ჩვენ დუშეთის ინსტრუქციის თანახმად ვმოქმედებთ. ამ საქმეზე კომიტეტს მოველაპარაკებით და ჩვენს გადანყვეტილებას გაცნობებთ“.

„ვასო!“ — მიმართა მაღალ გამხდარ გლეხს, — „ოთხივე ნაიყვანე და საჭმელ-სასამელი მიეცი“.

შუალამეს თავმჯდომარე ჩვენთან ჩუმად მოვიდა და სუფთა ქართულით ბოდბით მოგვიხადა. ფულის ნახევარი დაგვიბრუნა და სანდო ჩეკისტთან ერთად თბილისში გაგვაპარა.

ჩვენი თანმხლები ჩეკისტი ჩემი ყოფილი მილიციელი იყო. მოგვიყვა, რომ იმ ყაჩაღისა და მკვლელის დაუინებული მოთხოვნით, ჩვენი დახვრეტა ჰქონდათ გადანყვეტილი. თავმჯდომარემ კი თავისი გაიტანა და ჩვენი დუშეთში გაგზავნა და იქ დახვრეტა გადანყვიტეს. დუშეთის მაგივრად თბილისში გაგვაპარეს.

თბილისის ბოლშევიკების ხელში იყო. მთავრობა პარიზში გაემგზავრა, მაგრამ არა შიშის გამო, არამედ საიმისოდ, რომ ქვეყნიერებისათვის ეცნობებინათ, თუ როგორ აჩანაგებდა მათ კულტურულ ქვეყანას ბოლშევიკების ორგანიზებული თავდასხმა. მათ ქვეყნიერებისათვის სტალინის დანაშაული უნდა ემცნოთ.

29 თებერვალს მიხეილის საავადმყოფოს ეზო სამშობლოსათვის მებრძოლთა გვამებით აივსო. საავადმყოფოს ოთახები ველარ იტევდა დახოცილებს. ეზოს გარშემო მწუხარებისაგან თავზარდაცემული ბავშვები და ქალები იდგნენ, სულიერად გატეხილი ჭირისუფლები ფეხზე ველარ იდგნენ და გული მისდიოდათ. ზოგი

მიცვალეზულის გვამზე დამხობილიყო, თითქოს მოთქმა-გოდებით მკვდრის გაცოცხლებას ცდილობენო.

შემზარავი იყო, სამშობლოს მოლალატე სისხლიანი სტალინის დანაშაული.

1921 წლის 8 მარტს თბილისის ბრძოლაში დახოცილთა გვამები სასაფლაოზე წაასვენეს. ყველა ჭეშმარიტი ქართველისათვის ეს დღე ისტორიულ დღედ იქცა. ქალაქი გულის გამგმირავ მწუხარებას მოეცვა. ქუჩებში სამარისებური სიჩუმე იდგა. უსასრულო იყო სამგლოვიარო პროცესია. უსასრულო იყო შავებში ჩაცმული ქალებისა და კაცების რიცხვი.

თბილისის სასახლის გვერდით, დიდ ოთხკუთხა მოედანზე, სამო საფლავი გათხარეს. საფლავის გვერდზე. ქვიშის პატარა გორაკზე ვიდექი და ვხედავდი, თუ როგორ უახლოვდებოდნენ სამარეს სხვადასხვა მხრიდან მწუხარებით დამძიმებული ადამიანები. ისინი ქუჩებში მდუმარედ გაჩერდნენ, როდესაც კუბოებზე გამოსათხოვრად საქართველოს ეროვნული და სამგლოვიარო დროშები დახარეს.

კუბოები სამარეში ჩაუშვეს, ხალხი მუხლებზე დაემხო, ყველა მხურვალედ ლოცულობდა და პირჯვარს იწერდა. ყველა ტიროდა... შემდეგ კი ყველამ საქართველოს ეროვნული ჰიმნის სიმღერა დაიწყო.

ჩემ გვერდით სტალინის დედა იდგა. ისიც მიცვალეზულებს დასტიროდა. როდესაც სამარე მიწით ამოავსეს, მისვენ მივტრი-ალდი და ვუთხარი:

„კეკე, ეს შენი შვილის დანაშაულია. მისწერე მოსკოვში, ის აღარ არის ჩემი მეგობარი! ის ქართველი ხალხის მტერი და მკვლელია“.

### 19. ჩემი დაპატიმრება

ბოლშევიკებს, უფრო სწორად სტალინისტებს, არ დააკმაყოფილებდათ ის მსხვერპლი, რომელთა სიცოცხლაც ქვეყანაზე ყაჩაღური თავდასხმით შეინირეს. მათი ლოზუნგი იყო: ვინც გზაზე გადაგველობება, სიცოცხლის ფასად დაუჯდება!

საქართველოში ბოლშევიკური იდეების მშვიდობიანი გატარება ბევრად უფრო ძნელი იყო, ვიდრე რუსეთში. ასე რომ, საქართველოში, დაპყრობის შემდეგ, სისხლიან ტერორს მიმართეს. მის საზღვრებს მიღმა დაგროვილმა გამოცდილებამ ბოლშევიკებს ასწავლა, რომ შიშსა და ძრწოლას მიზანთან უფრო ახლოს მიჰყავდათ, ვიდრე ხალხის სიმპათიას.

ყველას, ვინც ბოლშევიკებთან ბრძოლას გადაურჩა, იქნებოდა სოციალ-დემოკრატი, ქვეყნის მმართველი, სასულიერო პირი, თუ ოფიცერი, დევნიდნენ, სიკვდილით სჯიდნენ, ანდა რაიმე ამოგონილი, შეურაცხმყოფელი კანონის სახელით ხვრეტდნენ. სტალინისტებმა დაინახეს, რომ ერთგული თანამიმდევრების გაჩენა არცთუ ისე იოლი იყო.

ქართველი სტალინისტები მიცნობდნენ, როგორც სოციალ-დემოკრატიული პარტიის ერთგულ წევრს და **პარლამენტის დეპუტატს**, ამიტომ ჩემში განსაკუთრებულად საშიშ მტერს ხედავდნენ და თავიდან ჩემს მოცილებაზე ფიქრობდნენ. ჩემი პარტიული მოღვაწეობის მიუხედავად. 1921 წლის 20 მაისამდე ჩემამ ჩემი ხელში ჩაგდება ვერ შეძლო. ამ დღეს კი თბილისის მეექვსე საარჩევნო ოლქის პრეზიდიუმის წევრებთან ერთად დამაპატიმრეს.

დაპატიმრების დღეს საიდუმლო სხდომა გვექონდა და საქართველოს დამოუკიდებლობის დღის აღსანიშნავად ვემზადებოდით. როგორც მოგახსენეთ, ჩეკისტებმა დაგვაპატიმრეს და ჩვენს დროებითი ციხის ბნელ ნესტიან სარდაფში ჩაგვამწყვდიეს. ციხის გულისგამანვრილებელი გრძელი დღეები და ღამეები განაჩენის მოლოდინში გადიოდა. პატიმრებს იქვე, სარდაფის გარეთა კედლებთან, ხვრეტდნენ. განაჩენის აღსრულების ამგვარი ფორმა სისტემატურ მოვლენად იქცა საქართველოს დაპყრობის შემდეგ. გასაკვირი არ იქნება, თუ გამოვტყდები და ვიტყვი, რომ ამგვარი განაჩენის მოლოდინში მეც სულიერი ტანჯვის მრავალი გრძელი კვირისთვის გამიძლია.

კარებში ჩეკისტის გამოჩენა რომელიმე პატიმრის წაყვანას შნავდა, კარების მიხურვა კი – რომელიმე სიცოცხლის დასაცავად სრულს. სიკვდილის მოლოდინის ცივი ოფლი დაგვასხამდა ხოლმე, კარის სახელურზე ხელის შეხების ხმას რომ გავიგონებდით.

ჩეკისტები შუა საუკუნეების ჯალათებისათვის დამახასიათებელი ბარბაროსული სისასტიკით გვეპყრობოდნენ.

ერთი თვის შემდეგ რამდენიმე პატიმართან ერთად მეტეხის ციხეში გადამიყვანეს.

ცარიზმის დროს საშინელებათა ადგილად ცნობილ მეტეხის ციხეს ამ სახელს არ შეარქმევდნენ, რომ სცოდნოდათ, თუ როგორ დანიინაურდებოდა ბარბაროსული დაუნდობლობითა და ადამიანის აბუჩად აგდებით მომდევნო ბოლშევიკური სისტემა.

ციხე სავსე იყო „პოლიტიკური დამნაშავეებით“, რომელთა „დანაშაულიც“ სამშობლოს გათავისუფლებისათვის ბრძოლაში მონაწილეობა ანდა მეფის სამსახურში ყოფნა იყო. ბოლშევიკების რევოლუციური ტრიბუნალი, რომლის მოსამართლესაც კანონმდებლობის არანაირი ცოდნა არ გააჩნდა, იმ მიზეზის გამო, რომ უბრალოდ არანაირი კანონმდებლობა არ არსებობდა, თვითნებურად იჭერდა და ათავისუფლებდა ადამიანებს, დაუყოვნებლივ აგზავნიდა ციმბირში, ანდა საიქიოში ისტუმრებდა.

სულ მალე ჩეკისტებს „სიკვდილის კომისრებად“ იხსენიებდნენ.

ციხის უკან მინდორზე საერთო სასაფლაო იყო გათხრილი. მსხვერპლი, შიშველი და ხელებშეკრული, პირით საფლავისკენ უნდა დაჩოქილიყო. ჩვენც ვიცოდით, რომ დღეს თუ ხვალ იგივე ბედს გავიზიარებდით და სიკვდილის შიშის მოლოდინში ციხის ფანჯრიდან ყველაფერი გვესმოდა. შიში და მრისხანება სულს გვიმღვრევდა და ნერვებს გვიფორიაქებდა. ამ ბარბაროსობის შემყურეს, ზოგს გონება უბნელდებოდა და ღრიალს იწყებდა, რათა ტანჯვის დრო შეემოკლებინა, ანდა სტალინისა და მისი ჯალათებისადმი ზიზღი გადმოენთხია.

ამ ექსპედიციას საქართველოში სტალინი ხელმძღვანელობდა.



1921 წლის ივნისის შუა რიცხვებში მოსკოვიდან თბილისში გაემარჯვებული, ისე ჩამოვიდა „საკუთარი ხალხის“ დესა და მისი აღფრთოვანებით გარემოცულს, რასაკვირველია, არაფრის შემჩნევა არ შეეძლო. სტალინის გამარჯვებით ტკობას არ ამღვრევდა მსხვერპლთა ერთ აუნერელი ტანჯვა.

მოგვიანებით შევიტყვე, რომ ჩემი და, ანეტა, თბილისის სასახლეში სტალინთან მისულა და ჩემი გათავისუფლება უთხოვია.

სტალინი მას მოჩვენებითი კეთილგანწყობით შეჰგებებია, თუმცა ჩემმა დამ იგრძნო მისი დამალული, შეკავებული ბოროტება.

მან თქვა: „მეცოდება სოსო! გული მტკივა და მალეღვებს მისი ბედი. ჩვენ ერთნაირი იდეები გვაქვს, მაგრამ ის მაინც ბარიკადის სანინალმდეგო მხარეზე დგას. მას ჩემი ბარიკადისთვის უნდა ებრძოლა. მოვიფიქრებ, იმედია, სოსო ჩემკენ შემობრუნდება“. მეორე დღეს, რამდენიმე პატიმართან ერთად, სტალინის უშუალო ბრძანებით გაგვათავისუფლეს. მოულოდნელ გათავისუფლებას დიდად არ გავუხარებივარ; ის აზრი არა მტოვებდა, რომ სიცოცხლე სტალინის შეწყალებით დამიბრუნეს. ვერ შევიტყვე ვერც დაპატიმრებისა და ვერც გათავისუფლების მიზეზი. ერთი რამ კი ცხადი იყო, რომ სტალინი სამაგიეროდ ჩემი პოზიციების დათმობას და მის მხარეზე გადასვლას მომთხოვდა.

გათავისუფლებიდან სულ მალე ჩვენმა საერთო გორელმა მეგობარმა მომძებნა და სტალინის მინვევა გადმომცა.

ჩვენი საუბარი ხანმოკლე იყო, პასუხი კი კონკრეტული: „გადაეცი სოსოს, რომ მე ხელს არ ჩამოვართმევ ჩვენი სამშობლოს მოღალატეს, რომლის სინდისიც უთვალავი ერთგული, თავგანწირული პატრიოტის სისხლითაა დამძიმებული“.

## 20. სტალინი თანამოაზრეებს იკრებს

ქართველმა ბოლშევიკებმა ტრიუმფატორ სტალინს თბილისში, ნაძალადევის თეატრში, საზეიმო შეხვედრა გაუმართეს. სტალინი სცენაზე ჩეკისტებით გარშემორტყმული გამოჩნდა. თეატრის და-



რბაზი გადაჭედილი იყო. სტალინის სცენაზე გამოჩენამ უჩვეულო მლელვარება გამოიწვია. „მოლალატევ“, „მველელო“, — ისმოდა ხალხის შეძახილები. სტალინმა ლაპარაკი დააპირა. ხმაური მუქარაში გადაიზარდა და ხალხი მაშინლა დამშვიდდა, როცა სცენაზე სოციალისტი და სათათბიროს ყოფილი დეპუტატი რამიშვილი სპონტანურად ადგილიდან წამოიჭრა და სტალინს მის მიერ ჩადენილი დანაშაულები ბრალდებად წაუყენა. ხალხს ოვაციის ტალღამ გადაუარა და აღფრთოვანებულები რამიშვილს ტაშს უკრავდნენ. მრავალრიცხოვანმა ძლიერმა ხელმა მამაცი რამიშვილი ჰაერში აიტაცა, სცენისაკენ გაიტაცა და მრისხანებისა და გაოგნებისაგან ფერდაკარგული სტალინის პირდაპირ დასვა.

რამიშვილს სტალინისკენ არც კი გაუხედავს, ჩეკისტების წინ იდგა და ბოლშევიკების დანაშაულებრივ საქმიანობაზე, სტალინის მოლალატურ პოლიტიკასა და ადამიანის ღირსებათა შეურაცხმყოფელ „პროლეტარიატის დიქტატურაზე“ მგზნებარე სიტყვა წარმოთქვა. სტალინი რამიშვილის ზურგს უკან იდგა, ხმას არ იღებდა და მლელვარებისგან კანკალებდა. სახზე ეტყობოდა, რომ ახალ სისხლიან შურისძიებას ამზადებდა.

რამიშვილის შემდეგ სცენაზე მუშათა ლიდერი დგებუაძე ავიდა და სტალინის დანაშაულებათა მხილება განაგრძო. ხალხი მასაც მხურვალე ოვაციებით შეხვდა.

სტალინი იძულებული იყო საათობით ჩუმად მდგარიყო და თავისი მოწინააღმდეგეებისთვის ესმინა. მას არც მანამდე და არც ამის შემდეგ უნახავს მის წინააღმდეგ მიმართული ასეთი საჯარო და თამამი გამოსვლა.

სტალინს ამ კრებაზე თავის დანაშაულებათა გამო მომაკვდინებელი მორალური სასჯელი მიეზლო და საბოლოოდ შეიგნო, რომ თავის დიქტატურას საქართველოში ძალისმიერი მეთოდებით თუ განამტკიცებდა.

სტალინის თანმხლები ჩეკისტები კიდევ ერთხელ შეეცადნენ, მისთვის სიტყვის თქმის საშუალება მიეცათ, მაგრამ ამ დროს

ხალხი ადგილებიდან წამოდგა და „ინტერნაციონალისა“  
როველოს თავისუფლების ჰიმნის მღერა დაიწყო.

იმავე ღამეს ქალაქის ბნელ ქუჩებში ჩეკისტები დაძრწოდნენ და ასზე მეტი ცნობილი სოციალ-დემოკრატი დააპატიმრეს და მეტეხის საპურობილეში ჩასვეს. პირველ რიგში დაიჭირეს: რამიშვილი, დგებუაძე, ჯიბლაძე. მოგვიანებით რამიშვილი რუსეთში გაასახლეს. ხანშიშესული რამიშვილი დღესაც იქ ცხოვრობს.

სტალინი იმედოვნებდა, რომ მის წინააღმდეგ მიმართულ მოძრაობას დაიმორჩილებდა, რადგან ამიერიდან თითქმის ყველა სოციალ-დემოკრატი საპურობილეში იყო გამოკეტილი. მან კიდევ ერთხელ მოიწვია კრება, ამჯერად კი ჩემს საარჩევნო ოლქში. მან აქაც იგივე სიძულვილი ნახა, როგორც წინა დღეს. თბილისში ორი დღის ყოფნის შემდეგ სტალინმა დატოვა საქართველო და მოსკოვს გაემგზავრა.

## 21. ჩემი ხალხობრივ დაპატიმრება.

ღრმად მოხუცებული ჯიბლაძე, საქართველოში სოციალისტური მოძრაობის დამაარსებელი და ორგანიზატორი, ციხეში მძიმედ დაავადდა. თავისი ქვეყნის ბედისწერამ, ბოლშევიკების მიერ თავსმოსხვეულმა რეჟიმმა, პატრიოტების დაჭერამ, თავისუფლებისათვის მებრძოლთა მასობრივმა დაპატიმრებებმა და სიკვდილით დასჯამ მისი მხნეობა გატეხა. გათავისუფლებამდე ცოტა ხნით ადრე იგი გულის შეტევით ციხეში გარდაიცვალა.

ქართველი ხალხის უსაყვარლესი წინამძღოლის სიკვდილი ელვის სისწრაფით მოედო მთელს საქართველოს. ხალხი გლოვობდა. თითქოს მასთან ერთად საქართველოს გათავისუფლების იმედსაც ვასამარებდით. ხალხმა დაკარგა თავისუფლებისათვის მებრძოლი საუკეთესო შვილი.

ბოლშევიკურმა პოლიციამ აკრძალა გლოვა და დასაფლავებაში მონაწილეობის მიღება. მიუხედავად ამისა, მიცვალებულის ბინაზე მისმა ასობით თანამოაზრემ მოიყარა თავი, რათა უკანასკნელი

პატივი მიეგოთ მისთვის, ხოლო ჭირისუფლებისთვის კი ღირსეული სამძიმარი ეთქვათ.

ჩემი მოვალეობა მეც ავასრულე და დასაფლავებაზე მივედი, რათა მიცვალებულისადმი მადლიერება გამომეხატა. როგორც კი სახლიდან გამოვედი, მაშინვე შემიპყრეს და ჩეკას ბინძურ საკანში ჩამაგდეს, იქიდან კი ჩემთვის უკვე კარგად ნაცნობი მეტეხის გზას გამიყენეს.

მეგონა, რომ ეს ჩემი ცხოვრების უკანასკნელი გზა იყო. იმედი, რომ ამ „წითელი ჭიშკრიდან“ ცხოვრებას მეორედ დავუბრუნდებოდი, თითქოს არ არსებობდა. ჩეკას დაუწერელი კანონით მე სიკვდილს ვიმსახურებდი.

მეტეხი ისევ გადატენილი იყო. ყოველდღე მოჰყავდათ ახალ-ახალი პატიმრები. სოციალ-დემოკრატიული პარტიის თითქმის ყველა ცნობილი წევრი დაიჭირეს, რადგანაც ჩემსავით ჯიბლაძე მათაც უკანასკნელ გზაზე გააცილეს. ყვებოდნენ, თუ რა ბარბაროსულად ექცეოდნენ ჩეკისტები და წითელგვარდიელები პროცესიის მონაწილეთ, თუ როგორ ერეკებოდნენ მათ მათრახებითა და კონდახით. ჩეკისტებმა ღამით მიცვალებული საფლავიდან ამოთხარეს და საღლაც გადამალეს. ხალხმა სამუდამოდ დაკარგა მისი საფლავი.

ასე გადაუხადა სტალინმა მადლობა თავის პოლიტიკურ აღმზრდელს.

1921 წელი ისე მიიწურა, რომ ჩემი და ჩემისთანების სასამართლო პროცესი არ შემდგარა და ვერც თავისუფლებას მივალნიეთ. 1922 წელიც ისევე უნუგეშოდ დაიწყო, როგორც წინა წელი მიიწურა. თუკი რამ გვშველოდა და ტანჯვას გვიმსუბუქებდა, ეს ჩვენი ერთსულოვნება იყო.

ჩვენი აზრები სამშობლოს გათავისუფლებისა და მისი მეორედ დაბადების იდეით იყო გასულიერებული. პარტიათა შორის განსხვავება აღარ არსებობდა. მუშა ყოფილი თავადის მეგობარი, დაშხმარე იყო, ქართველი ოფიცერი სწეული გლეხის მომვლელი, ხოლო



სასულიერო პირი კი ყველას ნუგეშისმცემელი. ჩვენ ყველანი ერთად  
სუფლებისთვის მებრძოლი ტანჯული ხალხის ნაწილი ვიყავით.

## 22. ანტიბოლშევიკური მოქრობა

სტალინელებს საქართველოს გასაბჭოება მძიმე ტვირთად და-  
ანვათ. ქართველი კაცი რუსივით შიშის გამო გაუზარებლად  
ბედისწერას არ დამორჩილება. დაუნდობელმა, სისხლიანმა ტე-  
რორმა ქართველ ადამიანში ბრძოლის უინი ვერ ჩაკლა, თითქმის  
ყველა ქალაქსა და სოფელში პატარ-პატარა ომები იყო გაჩაღე-  
ბული ბოლშევიკთა წინააღმდეგ. აწყობდნენ საბოტაჟებს და ბო-  
იკოტს უცხადებდნენ საბჭოების დაარსებას. არ ცნობდნენ ახალ  
ხელისუფლებას. პეროიკული შემართებით ახალ-ახალ აჯანყებებს  
აწყობდნენ მათ წინააღმდეგ.

გარეთ მომხდარი ამბები ჩვენს ყურამდეც აღწევდა საქართვე-  
ლოს ყოველი კუთხიდან. ციხეში ყოველდღე ახალ-ახალი პატი-  
მრები მოჰყავდათ. ისინი გვიყვებოდნენ სისხლიანი შეტაკებისა და  
იმ პატრიოტთა გამირული ბრძოლების შესახებ, რომლებიც მონო-  
ბაში ყოფნას სიკვდილს ამჯობინებდნენ. ყველგან პარტიზანული  
ბრძოლები იყო გაჩაღებული, რაც ჩეკისტებს უამრავ თავსატეხს  
უჩენდა. ქართველი პატრიოტები განსაკუთრებული შეუდრეკლო-  
ბით იბრძოდნენ დუშეთში, სვანეთში, კახეთში, კავკასიონის მთე-  
ბში და სტალინისტებს დიდი ზარალიც მიაყენეს.

ჩეკისტებმა მთელი ქვეყნის საპყრობილები აავსეს. არ ენა-  
ღვლებოდათ ის, რომ ციხეები გადავსებული იყო. პატიმრის  
ჯანმრთელობისათვის ზრუნვა ან ელემენტარული ჰიგიენის დაცვა  
ციხის საბჭოთა ხელმძღვანელობას აზრადაც არ მოსდიოდა. ნე-  
სრიგის დამყარებას მარტივი, მაგრამ უკვე ნაცადი მეთოდებით  
ცდილობდნენ. ყოველდღე კედელთან პოლიტიკური პატიმრების  
მთელ რიგს აყენებდნენ.

გარედან მოსული ცნობები გვამხნეებდა და თავისუფლების  
იმედს გვიბრუნებდა.

მახსენდება 1922 წლის 26 მაისი – საქართველოს დამოუკიდებლობის დღე. სისხამ დილით 5 ათასზე მეტმა პატიმარმა ციხის ეზოში მოვიყარეთ თავი. თითოეულ ჩვენგანს მკერდზე საქართველოს დროშა ეკეთა. ჩვენმა თანამებრძოლებმა ეს სამკერდე ნიშნები ციხეში არაღლეგალურად შემოაპარეს.

გაოცებულ ჩეკისტებს, რომლებიც ეზოს გალავანთან იდგნენ, მარშით ჩავუარეთ. ვილაცამ ხალხური სიმღერა წამოიწყო. მოხუცი რამიშვილი თავისი თანამებრძოლის მხრებზე იდგა და ამ დღის მნიშვნელობაზე ლაპარაკობდა. იგი ციხეში იმ ღირსახსოვარი კრების შემდეგ ჩასვეს, როცა მან სტალინის სისხლიანი სახე ამხილა. იგი ლაპარაკობდა ქრისტესა და ფარისევლებზე, ქრისტეს მკვდრეთით აღდგომაზე, რომელმაც ახალი სასუფეველი დაამკვიდრა.

რამიშვილმა ჩვენი ბედისწერა პრომეთეს შეადარა. პრომეთეც განყვეტს იმ ჯაჭვს, რომლითაც იგი კავკასიის მთებზეა მიჯაჭვული.

სიკვდილის კომისრად წოდებული შულმანი, რომელიც ციხეს ზემოდან დარაჯობდა, რევოლვერით დაემუქრა რამიშვილს და მოითხოვა, სასწრაფოდ შეეწყვიტა გამოსვლა, თუმცა მუქარის ასრულებას ამდენი ხალხის თანდასწრებით მაინც ერიდებოდა. რამიშვილი არც კომისრის იმ ახალმა ბრძანებამ შეაკრთო, რომლის მიხედვითაც ჩეკისტებს ცეცხლი უნდა გაეხსნათ. ეს მუქარა პატიმრების აღფრთოვანებულმა შეძახილებმა შთანთქა.

რამიშვილმა სიტყვა ბოლომდე წარმოთქვა. ხუთი ათასზე მეტი პატიმრის შეძახილი გაისმა. სახეგაბრწყინებული, ანთებული სახეებით ვმღეროდით. ინტერნაციონალსა და საქართველოს ეროვნულ ჰიმნს მე ვდირიჟორობდი. შულმანი მომვარდა და დატენილი რევოლვერი პირში დამიმჩნა. სიკვდილის კომისარს თვალებში ჩავხედე და სიმღერა განვაგრძე. შულმანმა რევოლვერი ბუდეში ჩაიდო. ჩვენმა საბრძოლო სულისკვეთებამ და იმისმა შეგრძნებამ, რომ სამშობლოსათვის ვკვდებოდით, კიდევ ერთხელ გაგვამარჯვებინა.



თბილისსა და მთელ ქვეყანაში ქართველები ამ წმინდა დღეს აღსანიშნავად ემზადებოდნენ. ყველგან გამოჰკიდეს სოციალ-დემოკრატებისა და ეროვნული დროშები, ყველგან მოხდა შეტაკებები ჩეკისტებთან და წითელგვარდიელებთან და ეს მერამდენედ დაიღვარა მამულიშვილთა სისხლი.

დასავლეთ საქართველოში, გურიაში, ჩეკისტებმა ზეიმის მონაწილეებს ყუმბარები დაუშინეს. ამ დღეს დაიხოცნენ ბავშვებიც და ქალებიც. მეტეხში დაპატიმრებულთა ახალი ტალღა მოიყვანეს.

### **23. სტალინს ახალი წინააღმდეგობები ეღობება**

1922 წლის 26 მაისს ჩვენი ჯანყი ბოლშევიკებს, რასაკვირველია, უპასუხოდ არ დაუტოვებიათ. მეორე მსგავსი ამბოხების აღსაკვეთად მათ მთელი რიგი ზომები მიიღეს და თავიანთი ძალაც დაგვანახეს. ამ დღიდან ციხეს ყარაულობდა რუსის წითელი არმია; ჯარისკაცებს თოფები ყოველთვის საჯნის ფანჯრისკენ ჰქონდათ მომართული, ციხის შესასვლელებში კი ზარბაზნები იდგა.

რამიშვილი, ლორთქიფანიძე და სხვა რამდენიმე წამყვანი სოციალ-დემოკრატი ჩეკამ მძევლებად წაიყვანა ციხიდან და ჩეკას ბნელ სარდაფში ჩაამწყვდია. მათი სიცოცხლის სანაცვლოდ ციხეში სიმშვიდეს მოითხოვდნენ. საყოველთაო შიმშილობის გამოცხადების შემდეგ ისინი მალე ციხეში დააბრუნეს. ასე მოვიპოვეთ ციხის ადმინისტრაციაზე კიდევ ერთი გამარჯვება.

რამდენიმე თვის განმავლობაში ციხეში სრული სიმშვიდე სუფევდა. ხარბად ვადევნებდით თვალყურს გარეთა მოვლენებს, რომლის შესახებაც ახლად დაპატიმრებულები გვიყვებოდნენ. ცნობები სტალინსა და ქართველ მოქალაქეებს შორის გამუდმებულ ბრძოლებზე იმედითა და სიამაყით გვაგვებდა. თუკი საქართველო თავისუფლებას მოიპოვებდა და მონობის უღელს გადაიგდებდა, მაშინ ჩვენც მივიღებდით ნანატრ თავისუფლებას. მსხვერპლი რომ დიდი იქნებოდა, ეს კარგად ვიცოდით. ჩვენ კი შური უნდა

გვედია თანამებრძოლთა სიცოცხლისათვის და წინამძღოლობა სტალინის აგველო.

სტალინს ბრძოლა ჯერ კიდევ არ ჰქონდა მოგებული. წინააღმდეგობა ქართველი ხალხისა, რომელმაც თავისუფლება და სამართლიანობა ერთხელაც უკვე იგემა, თანდათანობით იზრდებოდა. სტალინისტიები ყველგან პატარ-პატარა ომებს წამოიწყებდნენ ხოლმე.

ქართველი ბოლშევიკების მიზანი თავდაპირველად დამოუკიდებელი საქართველოს რესპუბლიკის შექმნა იყო, რომელსაც რუსეთთან ბოლშევიკური მსოფლმხედველობის გარდა საერთო არაფერი ექნებოდა. ისინი უპირველეს ყოვლისა ქართველები იყვნენ და სამშობლოს დამოუკიდებლობა მათი ყველაზე სანუკვარი მიზანი იყო. ისინი მოსკოვიდან შორს მმართველობის ბოლშევიკური, საბჭოური სისტემის შექმნას ესწრაფვოდნენ. საკუთარი ქართული ფულიც კი ჰქონდათ უკვე საბჭოთა კომისართან შეთანხმებით მოჭრილი.

სტალინი საქართველოს დამოუკიდებლობაზე არ ფიქრობდა. მისი სისხლიანი ოცნებების იდეალი მსოფლიოს ბოლშევიკური იმპერიის ხილვა იყო. „ურჩებს“ მკაცრად სჯიდა, თანამდებობებიდან ათავისუფლებდა ან სამშობლოდან რუსეთში აძევებდა, რათა მათ სამშობლოსათვის მებრძოლ პატრიოტებზე რაიმე გავლენა არ მოეხდინათ. წინააღმდეგობის განევას ვერავინ ბედავდა, რადგან იცოდნენ, რომ ეს ნებისმიერ მათგანს სიცოცხლის ფასად დაუჯდებოდა.

ქართული ფული ისევ რუსულით შეიცვალა. საქართველოზე ბატონობა სტალინმა თავის ყურმოჭრილ მონა რუსებს გადაულოცა, რომლებმაც მისგან დაუნდობელი ტერორისტული მეთოდები შეითვისეს და შეისისხლხორცეს.

## 24. სტალინს გერმანიაში ჩვენი გაქვეყნა სურს



პატიმრობის პირველ თვეებში ყოველდღე სიკვდილით დასჯის მოლოდინში ვიყავით. არანაირი დანაშაული არ მიგვიძლოდა, მაგრამ ბოლშევიკური საბჭოეთის სისტემა სხვაგვარად მოაზროვნეთა სრულ და საბოლოო განადგურებას გულისხმობდა. ასეთივე პრინციპებით მოქმედებდნენ სტალინისტები საქართველოში შემოჭრის დღიდანვე.

სიკვდილის დასჯის ამო მოლოდინში იმ აზრსაც შევეგუეთ, რომ შეიძლებოდა წლობით, ანდა მთელი სიცოცხლის განმავლობაში, დემოკრატების საბოლოო გამარჯვებამდე, ციხეში ვყოფილიყავით გამომწყვდეული. გადარჩენის შანსი ძალზე მცირე იყო და იმედილა თუ გვასულდგმულებდა. სხეულებრივად და სულიერად გატეხილთ სიკვდილის განაჩენის შიში აღარ გექონდა. ვიცოდით, რომ ბოლშევიკებს ქართველების საყოველთაო მღელვარების შიში ჰქონდათ. ქვეშევრდომად და ხელქვეითად ქართველი ადამიანის გადაქცევა არცთუ ისე ადვილი იყო. რუსეთის არმიასაც აღარ შეეძლო ასე თვითნებურად მოქმედება, ვინაიდან იძულებულები იყვნენ ანგარიში გაენიათ მსოფლიო საზოგადოებრიობისათვის, რომელიც მას უკვე მტრულად დაუპირისპირდა.

ამ რწმენას ციხის ზედამხედველებიც გვიძლიერებდნენ, რომლებიც ჩვენს საპროტესტო მოთხოვნებზე უფრო და უფრო მეტად მიდიოდნენ კომპრომისზე.

დარწმუნებულებმა იმაში, რომ ჩვენს სიცოცხლეს საფრთხე არ ემუქრებოდა, მხნეობა მოვიკრიბეთ და ძალ-ღონე იქით მივმართეთ, რომ ბოლშევიკებისთვის მათი შეშლილი და ადამიანის ღირსების შემლახავი „პროლეტარიატის დიქტატურისკენ“ პროცესის ნამდვილი სახე დაგვენახვებინა. ჩვენ თითოეული ადამიანისა და მთელი ქვეყნის თავისუფლებისათვის ვიბრძოდით. ჩვენს უკან ცივილიზებული მსოფლიო იდგა.

ჩვენი სიკვდილით დასჯას ერიდებოდნენ. ციხეში აჯანყებას აჯანყებაზე ვაწყობდით. ასე რომ, ბოლშევიკებმა პოლიტიკურად საშიში პატიმრების გადასახლება გადაწყვიტეს.



ეს მოხდა 1922 წელს.

გვიბრძანეს ეზოში შევკრებილიყავით. ზედამხედველმა ხმა-  
ლლა ნაიკითხა იმ 62 სოციალ-დემოკრატის გვარი, ვისაც გერმა-  
ნიაში უპირებდნენ გასახლებას. ჩემი გვარი სიის თავში ეწერა.

ზედამხედველს სიის კითხვა ბოლომდე არ ჩაეთავებინა, რომ  
პატიმრები უჩვეულო აღშფოთებამ მოიცვა და სასტიკ პროტესტს  
აცხადებდნენ. ჩვენ ეზოში ვიდექით და დაშლას არ ვაპირებდით,  
არ გვეუროდა, რომ მართლა გაგვასახლებდნენ. გვეგონა, რომ ეს  
იყო ჩვენი გაციმბირების, ანდა გაქრობის მცდელობა. ბოლშევი-  
კები ყოველთვის ერთს ამბობდნენ და მეორეს აკეთებდნენ.

სიკვდილის კომისრის მუქარის მიუხედავად გადაწყვიტეთ იქვე,  
ციხის ეზოში, ქვეყნის ბოლშევიკური მთავრობის მიმართ მემორა-  
ნდუმი შეგვექმნა. პროტესტს ვაცხადებდით ჩვენი გასახლების  
გამო და არ ვცნობდით მოსკოვის ხელისუფლებას, რომელიც  
ქართველს სამშობლოს ართმევდა და იქ ყოფნას უკრძალავდა.  
ყველამ განვაცხადეთ, რომ ვამჯობინებდით მეტეხის ციხეში სამუ-  
დამო ყოფნას და მშობლიურ კერაზე სიკვდილს. 1922 წლის 10  
ოქტომბერს, დეკრეტის თანახმად, ციხიდან უნდა გამოვეყვანეთ.  
ჩვენიანების მიერ მოსყიდულმა ზედამხედველმა გვაცნობა, რომ  
ჩეკას ნაბრძანები ჰქონდა 8 ოქტომბრის შუა ღამით ჩვენი ციხიდან  
გამოყვანა.

ნებაყოფლობით წასვლა არ გვინდოდა. დავინწყეთ ჩვენი საკნე-  
ბის საბრძოლოდ მოწყობა. ყველა პატიმარი გვიცხადებდა სოლი-  
დარობას და ჩვენს მხარეზე იდგა. თითოეული მათგანი მზად იყო  
სიცოცხლე გაენირა ჩვენთვის. იმდენ ბრძოლასა და გაჭირვებაში  
ყველა დავძმობილდით, ყველას გვაერთიანებდა სამართლიანობის  
გამარჯვების რწმენა. ყველა — ერთისათვის.

## 25. აზროვნება ციხეში

ციხის საკნებში გამალებული მუშაობა მიმდინარეობდა. ჩვენ არ  
გვსურდა, ჩეკისტებს ნებაყოფლობით გავყოლოდით. კარები ძველი  
ნარებით, მაგიდებით, ძველმანებით და რკინის ნაჭრებით ამოვხე-



რგეთ. თუკი ჩეკისტები საკნებში მაინც შემოაღწევდნენ, ჩვენ იატაკზე განოლილები უნდა დავხვედროდით. არავის უნდა ნოდან ჩვენი მამა-პაპათა მიწაზე ფეხის დადგმის უფლება. თუკი ბოლშევიკებს ჩვენი შეპყრობა სურდათ, მაშინ ხელით უნდა გავეთრიეთ. ციხეში დარჩენილთა ინტერესებიდან გამომდინარე, ჩეკისტებზე თავდასხმას არ ვაპირებდით. იარაღის გამოყენება არავის უნდა ეცადა. ლამლამობით თითოეული საკნიდან გუშაგი გამოჰყავდათ, რომლებიც ინფორმაციას ერთმანეთს პირობითი ნიშნებით გადასცემდნენ. ასე დადგა ჩემთვის დაუვიწყარი 1922 წლის 8 ოქტომბრის ღამე. ამ ღამეს ყველას გვეღვიძა. ინფორმაცია, რომ ჩვენი გასახლება 10 ოქტომბერს კი არა, 8-ში უნდა მომხდარიყო, გამართლდა.

ღამის 3 საათზე ციხის ეზოს გრუხუნით მოადგა სატვირთო მანქანები. ნაწილი მანქანებისა ცარიელი იყო, ნაწილი კი წითელგვარდიელებით დატვირთული. ეზო შეიარაღებული ჩეკისტებითა და წითელგვარდიელებით აივსო.

მთვარის შუქი ეპოლეტებს უნათებდათ. მოჩვენებასავით ვხედავდით მათი იარაღების ელვასა და საიდუმლო ჩურჩულს.

მთანმინდას ავხედე. მთის წვერს მთვარის სხივი ეცემოდა. მინდოდა სამარადისოდ შემომენახა მესხიერებაში ეს ხატება. რამდენჯერ გადმომიხედავს იქიდან თბილისისთვის, რამდენჯერ გამინდვია სიყმაწვილის დროინდელი ოცნებები და რამდენჯერ მისეირნია მის ბილიკებზე ჩემს ერთგულ ცოლსა და 3 შვილთან ერთად. ფიქრებში ჩაძირულს აღარ მესმოდა, თუ რა ხდებოდა ირგვლივ.

„მთანმინდავ, მე შენ დიდხანს ვეღარ გიხილავ, შეიძლება ვერც ვერასოდეს, მაგრამ სამშობლოს დამოუკიდებლობისთვის ჩვენც დავბრუნდებით. საყვარელო ცოლო და შვილებო, თქვენგან კი ორი წელია მომაცილეს. იქნებ სამუდამოდ გცილდებით. რა ბედი გელით თქვენ?“

ვიღაცის ხმამ ფიქრებიდან გამომაფხიზლა. რა მელის მე? ეს წითელ გვარდიელი ოფიცრის ხმა იყო: „მოსკოვის ბოლშევიკური

ცენტრალური კომიტეტის სახელით ვბრძანებ, რომ ზემოთდასახე-  
ლებულები ციხის ეზოში ბარგით მოგროვდეთ; შემდეგ კი  
გვარი დაასახელა.

ხმა მიჩუმდა. ციხის შენობაში არავინ და არაფერი არ იძვროდა.  
სამარისებური სიჩუმე იდგა.

ოფიცრები ერთხანს ელოდნენ. ლამის მდუმარებას არაფერი  
არღვევდა. არც ერთი გადასახლებულთაგანი არ გამოცხადებულა  
ეზოში. მან ბრძანება მუქარით გაიმეორა. მესამე მოწოდებისას  
დაგვემუქრა, რომ ჯარისკაცები მკვდრებსა თუ ცოცხლებს იარა-  
ღის ძალით გამოგვათრევდნენ.

პასუხად კვლავ სიჩუმე იდგა. ჯარისკაცები ჩვენს გამოსაყვანად  
კარებს მოადგნენ. კარებთან გაოგნებულები შეჩერდნენ. ამას არ  
ელოდნენ — ყველა კართან ბარიკადები იყო ამართული. არც  
ერთი კარი არ იღებოდა. მოულოდნელმა დაბრკოლებამ ჯარისკა-  
ცები ისე გააოგნა, რომ არც კი იცოდნენ, როგორ მოქცეული-  
ყვნენ, შემდეგ კი შეუდგნენ ბრძანების შესრულებას და კარების  
ძალით გაღებას ცდილობდნენ. კარები მაინც არ იღებოდა. მათი  
ცდა ამაო იყო; მათ უკან დაიხიეს და ოფიცრებს ამცნეს, რომ  
საკნებში სამარისებური სიჩუმე იდგა, ხოლო კარები კი ამოქო-  
ლილი იყო.

მესამე სართულის საყენის ფანჯარა ჭრილით გაიღო: უცებ  
ყველა ფანჯარა გაიღო, პატიმრებმა თავები გამოყვეს და ქვემოთ,  
ეზოში გაოგნებულ ჯარისკაცებს უყურებდნენ.

ღამეულ სიჩუმეში გაისმა ცინცაძის, განათლების ყოფილი მი-  
ნისტრის, ხმა. „ბოლშევიკურ მთავრობას გერმანიაში უნდა ჩვენი  
გასახლება. მოსკოვის ცენტრალური მთავრობა უსამართლოდ ერევა  
საქართველოს საშინაო პოლიტიკაში. პროტესტს ვაცხადებთ იმ  
გაუგონარი ძალმომრეობის წინააღმდეგ, რომლის მსგავსიც კაცო-  
ბრიობას მრავალი საუკუნეა აღარ განუცდია. ვეჭვობთ, რომ  
მართლა გერმანიაში გაგვასახლებენ. ჩვენ, ალბათ, ციმბირში, ან  
სადღაც რუსეთში გვერეკებიან.



ჩვენ სამშობლოში დარჩენა გვსურს და თუკი ჩვენი ემინიატა მაშინ თანახმა ვართ, ციხეში ვიყოთ. ციხიდან ნებაყოფლობით ვერ გაგვიყვანთ. ბოლშევიკური მთავრობისგან ვითხოვთ დოკუმენტს, სადაც ნათქვამი იქნება, რომ ჩვენ მართლა გერმანიაში გვასახლებენ. მოვითხოვთ, რომ წაგვიყვანონ არა მოსკოვიდან, არამედ შავი ზღვით, თურქეთით, გერმანიისკენ.

8 ოქტომბერს ჩვენი გასახლება მოულოდნელია. ბოლშევიკურმა ცენტრალური კომიტეტის დეკრეტმა 10 ოქტომბრისთვის განსაზღვრა ჩვენი გასახლება. ჩვენ არ ვართ მზად, არ გვაქვს არც საცვლები, არ გამოვითხოვებოვართ ჩვენს ოჯახებს, რომელთაც, ალბათ, სამუდამოდ ვშორდებით“.

რუს ოფიცერს, როგორც ჩანდა, თვითონაც არ მოსწონდა ეს ბრძანება და მან მოკლედ გვითხრა.

„მე რუსი ოფიცერი ვარ და ჩემს მოვალეობას ვასრულებ“.

ჩვენც ჩვენს მოვალეობას ვასრულებთ სამშობლოს წინაშე და თავს ვიცავთ, — მიუგო ცინცაძემ.

ჩაამთავრა თუ არა ცინცაძემ ბოლო სიტყვები, ციხის ყველა საკანში ყურისნამღები სტვენა და ღრინაცელი გაისმა. ისმოდა ჯამჭურჭლის ხმა, ასობით ფანჯარა ილენებოდა და ჯარისკაცების ფეხთა წინ იყრებოდა. მსგავსი ამბოხება მეტეხის ციხეს არ ახსოვდა.

ეს იყო ჯოჯოხეთური კონცერტი, რომელსაც ის უდანაშაულონი ატარებდნენ, ვისთვისაც თავისუფლებისა და სამშობლოს წართმევა სურდათ. მრისხანებისა და აღშფოთებისაგან პატიმრებს გონება დაჰბნელებოდათ. ანთებული თვალებით და გაფითრებული სახეებით აქეთ-იქით დარბოდნენ და რაც ხელში მოხვდებოდით, ყველაფერს ლენავდნენ. ფანჯრის ჩარჩოებს ქუჩაში და ციხის ეზოში ყრიდნენ.

მსხვერვისა და პატიმართა ღრიალის ხმა, რომელსაც ჯარისკაცების შეძახილები ერეოდა, შიშისმომგვრელად ისმოდა ღამეული ქალაქის ქუჩებში. სახლებში ერთმანეთის მიყოლებით შუქი აინთო.



თავდაპირველად რუსის ოფიცერი უმწეოდ იდგა, კარგა ხანს გაიარა, სანამ შეტევანზე გადასვლის ბრძანებას გასცემდა. შეტევან დიდხანს არ გაგრძელებულა. ჯარისკაცები მალე ისევ ეზოში გამოცხადდნენ, რათა ოფიცრისათვის შეტევის წარუმატებლობა მოეხსენებინათ. მრავალი ჯარისკაცი უკან დახევისას კიბეზე წაიქცა და დაშავდა.

თვალში გვეცა, რომ ჯარისკაცები არ ისროდნენ. ალბათ, ნაბრძანები ჰქონდათ, ციხიდან ცოცხლები გამოვეყვანეთ. საბჭოთა მთავრობა, როგორც ჩანს, ანგარიშს უწევდა საზღვარგარეთს. ჩეკისტებისა და წითელარმიელების უკან დახევის შემდეგ, ცინცაძის საყნიდან გაბმული სტვენის ხმა გაისმა. ეს იმის ნიშანი იყო, რომ გადავსულიყავით საბოლოო ბრძოლაზე. უცებ სამარისებული სიჩუმე ჩამონვა. შემდეგ კი ისევ ცინცაძის გამირული ხმა გაისმა.

„არ დაგნებდებით, სანამ ბოლშევიკური მთავრობა წერილობით გარანტიას არ მოგცემს, რომ მართლა გერმანიაში გვასახლებენ და, რომ მივყავართ არა მოსკოვზე გავლით, არამედ შავი ზღვით, კონსტანტინეპოლიდან. მოსალაპარაკებლად მზად არიან საქართველოს პრეზიდენტის წარმომადგენლები – ლორთქიფანიძე და დგებუაძე“.

თავიანთ გამოსვლებში იმავეს მოითხოვდნენ ნოდია და სალირა-შვილი.

რუსი ოფიცერი კი ისე ჯიუტად გაიძახოდა, რომ მას არაფერი ეხებოდა და, თუ არ დანებდებოდნენ, იარაღს იხმარდა.

ჩეკისტები, და არა წითელგვარდიელები, ჩვენი ფანჯრების წინ რკინის ხელკეტებით შეიარაღებულები დადიოდნენ, ისევ გაისმა სტვენის ხმა და ჯოჯოხეთური გნასი თავიდან დაიწყო. ნამსხვრევებად აქციეს ყველაფერი, რაც კი დამტვრევას გადაურჩა. ვერც იცნობდით წამყვან პოლიტიკოსებს, ახალი საქართველოს მეცნიერებისა და ეკონომიკის წარმომადგენლებს. თითქოს ეშმაკი შესჩენოდათ: ჩამომხმარ სახეებზე მრისხანება და უსა-

ზღვრო სიძულვილი ესაბათ. და ლანძღვა-გინებით იკლებდნენ იქაურობას. მეც იმავე მდგომარეობაში ვიყავი. სიკვდილის გვეშინოდა. სამშობლოსათვის სიამოვნებით დავიხოცებოდით. არ გვინდოდა უბრძოლველად სამშობლოს დათმობა და ბოლშევიკებისათვის ჩვენი სიძულვილის ჩვენება გვსურდა. ყველა ციხესიმაგრესავით იდგა. თითოეულმა ჩვენგანმა მეორე სახე გამოაჩინა და მისი დანახვა რომ შეგვძლებოდა, ალბათ, ჩვენ თვითონვე შევკრთებოდით. მომთმენი და სათნო ბუნების ადამიანები მრისხანე, დაუნდობელ ურჩხულებად ქცეულიყვნენ. ფიზიკურად სუსტებიც კი დაუჯერებელ გამირობას სჩადიოდნენ. ერთმა ცნობილმა დეპუტატმა, რომელიც მშვიდ და ავადმყოფ კაცად იყო ცნობილი, ორივე ხელით ჰაერში საერთო მაგიდა აიტაცა და იატაკზე ისე დაანარცხა, რომ ნამსხვრევებად აქცია.

ყოველ წუთს ველოდით, რომ ჯარისკაცები ჩვენს ფანჯრებს ცეცხლს დაუშენდნენ. მსგავსი არაფერი ხდებოდა.

ჩეკისტებმა ჩვენი საკნების იერიშით ალების მცდელობაზე ხელი ჩაიქნიეს. ისინი ეზოში იდგნენ და კედელზე მარიონეტებივით გაუნძრევლად იყვნენ გავრულები.

უცებ დავინახეთ, რომ მათ ერთი ჯგუფი გამოეყო. ისინი შენობაში შემოვიდნენ. ცინცადის საკნიდან სტვენის ხმა გაისმა, რაც საბრძოლო მოწოდებას ნიშნავდა. ასე რომ, ჯარისკაცებმა ისევ ვერ შეძლეს შეტევაზე გადმოსვლა. მალე ჯარისკაცები კვლავ ეზოში გამოჩნდნენ. მათთან ერთად მოსალაპარაკებლად ჩვენი თანამებრძოლები შევნიშნეთ. მათ ლორთქიფანიძე მიუძღვოდათ. ზურგს უკან სიცილი დააყარეს ჯარისკაცებს, რომლებიც ბატიფეხური სამხედრო ნაბიჯით მიდიოდნენ.

ჩვენს სიხარულს საზღვარი არ ჰქონდა. გვაოცებდა ჩვენი გამარჯვება და გახარებულები ერთმანეთს ვეხვეოდით. ჩვენს წარგზავნილებს ბოლშევიკური მთავრობისაგან ჩვენი მოთხოვნების დაკმაყოფილებისთვის რომ არც მიეღწიათ, ბრძოლას მაინც მოგებულად ჩავთვლიდით. გასაოცარი იყო ჩვენდამი თავგანწირული

ერთგულება იმ ხუთი ათასი პატიმრისა, ვინც ციხეში უნდა დატოვდეს და დარჩენილიყო და შესაძლოა ყველაფერი ეს ძალზედ ძვირად დასჯდომოდათ. ამბოხების შედეგებს არაფრად აგდებდნენ, არ ფიქრობდნენ არც პატიმრობის შემდეგ წლებზე და არც შესაძლო დახვრეტაზე.

ჩვენი წარგზავნილების მოლოდინში მთელმა საათმა განვლო. ყველას მზერა ეზოსკენ იყო მიპყრობილი. პირველი ისევ ლორთქიფანიძე გამოჩნდა. ჩვენ მას ტაშით და ყიჟინით მივესალმეთ. ლორთქიფანიძე ეზოს შუაგულში დადგა და ხმამაღლა გვამცნო სტალინისტებთან თავისი მოლაპარაკების შესახებ.

„ბოლშევიკურმა ცენტრალურმა კომიტეტმა მოგვისმინა. ჩვენ მათ ნაფუყნეთ მთელი რიგი მოთხოვნები, რომლებსაც ისინი განიხილავდნენ. სანაცვლოდ გვთხოვდნენ დაუყოვნებლივ წესრიგის აღდგენას და კორიდორებსა და საკნებში ბარიკადების მოშლას. თუკი მათ მოთხოვნებს დავემორჩილებით, თავიდან ავიცილებთ სისხლის ღვრას, წინააღმდეგ შემთხვევაში, მათი შურისძიება გავრცელდება მშვიდობიან მოსახლეობაზეც, განსაკუთრებით კი ჩვენ ოჯახის წევრებსა და ნათესაებზე. ვფიქრობ, საჭიროა მათი მოთხოვნების შესრულება“.

უმრავლესობა ლორთქიფანიძეს ეთანხმებოდა. მე კი ბოლშევიკების მოთხოვნების უარყოფას და ბრძოლის გაგრძელებას მოვიტხოვდი. ადრე თუ გვიან აჯანყება გარდაუვალი იყო. ძალმომრეობის წინააღმდეგ ჩვენი ბრძოლა შეიძლება საყოველთაო აჯანყების პირობადაც ქცეულიყო. მხოლოდ სიკვდილში იყო ჩვენი ხსნა. სამშობლოდან გაქვევებას სიკვდილი გვიჯობს, ჩვენი ბრძოლა გამარჯვებით დამთავრდებოდა. მაგრამ მაინც უმრავლესობის ნებას უნდა დავემორჩილებოდი. რამდენიმე პატიმართან ერთად ეზოში ჩასვლა გადავწყვიტე. დერეფნებსა და კიბეებზე აღმართულ ბარიკადებზე ძრომიალი არცთუ ისე ადვილი აღმოჩნდა. ზოგიერთ ადგილას საჭირო იყო ბარიკადების მოშლა, თორემ გავლაზე ლაპარაკიც კი ზედმეტი იყო. საკმაოდ დიდმა დრომ გაიარა, ვიდრე 62 გასახლებული ეზოში თავს მოვიყრიდით.

ხანმოკლე მოლაპარაკების შემდეგ შევთანხმდით, რომ რთქიფანიძე ისევ ნავიღოდა ბოლშევიკებთან მოსალაპარაკებლად. იგი უკან დაბრუნდა და გამოგვიცხადა, რომ ცენტრალური კომიტეტი ნამდვილად გერმანიაში გვასახლებდა და, რომ მან დამტკიცა ჩვენი შავი ზღვით გამგზავრების გეგმა. ჩვენ თავებს გამარჯვებულად მივიჩნევდით, რომ არა ბოლშევიკების გულწრფელობაში დაეჭვება. კარგად ვიცნობდით ახალი სისტემის გაიძვერა, ფლიდ მეთოდებს. სანამ საქართველოს საზღვრებს არ გავცდებოდით, ძნელი იყო მათი დანაპირების დაჯერება. გულს გვიკლავდა ის ფაქტი, რომ სამშობლოდან უცხოეთში უნდა გადავხვენილიყავით და შეიძლება სამუდამოდაც. მხეცურად მოგვეგლიჯეს ჩვენს ცოლებსა და შვილებს და სადღაც გაურკვეველი მომავლისაკენ გვერეკებოდნენ. ღმერთო ჩემო! შეგვეძლო კი ოდესმე სამშობლოს, ცოლისა და შვილების სიყვარულის დავინწყება! მთელი არსებით სამშობლოს ვეკუთვნოდით. ამიერიდან ყოველი ჩვენი მოქმედება და აზრი სამშობლოსადმი მსახურების იდეით იქნებოდა გასულიერებული.

გაძევებულებმა ჩვენი ღარიბული ბარგი გამოვიტანეთ. ზოგს არაფერი ებადა და არც ფული ჰქონდა.

ცოლ-შვილს ვერ გამოვემშვიდობე. მე მათთვის უკვე მკვდარი ვიყავი.

ჩვენი ზედამხედველი ჩეკისტები და ნითელგვარდიელები კვლავ ეზოში გამოვიდნენ, კუთხეში გაგვამწვრივეს და ინსტრუქცია გავაცნეს.

უცხოეთში კიდევ ერთი დაუფინყარი შთაბეჭდილება მიგვეყვებოდა. სულით ხორცამდე შეგვეძრა დანარჩენ პატიმართა ერთგულებამ. ხუთი ათასი პატიმარი საცნებიდან გამოვიდა და გარს შემოგვეხვივა. სამშობლოს თავისუფლებისათვის მებრძოლმა ხუთი ათასმა ადამიანმა აავსო ციხის ეზო და ცდილობდნენ ჩვენთვის განშორების ტანჯვა შეემსუბუქებინათ, გაუხეშებულ სახეზე ცრემლები მოუჩანდათ და ტუჩები უკანკალებდათ.

„მოუყვეით ყველას ბერლინში, მთელ გერმანიაში, ქართველი





ხალხის ტრაგედიაზე. თავისუფლებისათვის ჩვენს თავდაუზოგავ ბრძოლაზე. ჩვენს იმედზე, რომ დემოკრატიული ევროპა დახმარებას აღმოგვიჩენს, რომლის სრული კონტრასტიც არიან ბარბაროსი, სისხლისმსმელი, უკულტურო ბოლშევიკები!"

გამომსვლელები დაუნდობლად აკრიტიკებდნენ ბოლშევიზმის ბრძოლის გაუგონარ, მხეცურ, ბარბაროსულ მეთოდებს. ორატორებმა საქართველოში დარჩენილთა სახელით პირობა მოგვცეს, რომ მუდამ ვემახსოვრებოდით და, რომ ჩვენ გათავისუფლებულ საქართველოში დავბრუნდებოდით.

მე გადასახლებულთა სახელით გამოვედი, დავიფიცე და პირობა დავდე, რომ უშიშრად ვიბრძოლებდით და საქართველოს ტრაგედიას მთელ ევროპას ვამცნობდით. საბრძოლო შეძახილით „სიკვდილი, ან გამარჯვება“ – გადავაბიჯეთ მეტეხის „წითელი ჭიჭირის“ ზღურბლს.

ქუჩაში ციხეში დარჩენილ პატიმართა ნამღერი ქართული ეროვნული ჰიმნი გვაცილებდა. მთანმინდა და ძველი თბილისის ციხესიმაგრე ექოსავით იმეორებდნენ თავისუფლების სიმღერას, მტკვარი კი უკანასკნელად მიგვაცილებდა ჩუმი დუდუნით.

## 26. თბილისიდან მოსკოვამდე

სატვირთო მანქანები ნელა მირახრახებდნენ თბილისის ქუჩებში. თითოეულ მათგანზე 9 გადასახლებული და 9 ჩეკისტი იჯდა. მანქანებს ორივე მხრიდან ცხენებზე ამხედრებული წითელგვარდიელები მიუყვებოდნენ შიშველი ხმლებით. ჩეკისტებს რევოლვერები ჩვენცენ ჰქონდათ მომართული. ბოლშევიკებს ეშინოდათ ჩვენი და ქალაქის მცხოვრებლებისა, რომელთა შორისაც ცოტა თანამზრახველი თუ ეგულებოდათ და ამიტომ ციხიდან სადგურამდე გაძლიერებული დაცვა დაეყენებინათ. მთვარე დამცინავად ილიმებოდა და მის შუქზე უჩვეულო ჯარის იარაღი თვალისმომჭრელად ელავდა. რაც ჩვენს გარშემო ხდებოდა, დიდად არ გვაშფოთებდა. ამ თეატრალური სანახაობის კომიზმი ჩვენს გა-



ნწყობილებას ახალისებდა და ჩვენს სიცილსა და სიმღერას ბედნიერად არ უჩანდა. ამით თბილისთან განშორების სიმძიმეს ვიმსუბუქებდით.

ჩვენთან ერთად გაასახლეს სომხეთის სოციალისტური პარტიის „დაშნაკ-ცუთიუნის“ 22 წევრი.

სადგურში მიყვანისთანავე გისოსებიან დიდ ვაგონებში გადაგვსხეს. უცნაური დამთხვევა იყო ის, რომ ჩვენი ზედამხედველი ჩეკისტიც გვარად ცინცაძე იყო. ვაგონს ორივე მხრიდან, სიგრძეზე, გესლიანი სიხარულით წაანერა: „ქართველი კონტრრევოლუციონერები, სოციალისტ-ნაციონალები და სოციალიზმის მოლაღატეები“.

მალე მატარებელი დაიძრა. თბილისს სიმღერითა და ცეკვით ვემშვიდობებოდით. ღრმად გვჯეროდა, რომ ადრე თუ გვიან თავისუფალ საქართველოში, თავისუფალ ადამიანებად, ჩვენს დებსა და ძმებთან დავბრუნდებოდით. გაჩერებებზე ქართულ სალალობო სიმღერებს ვმღეროდით და სიმღერების რიტმს ტაშს ვაყოლებდით, როგორც კი წითელგვარდიელი ოფიცრები და ჯარისკაცები ვაგონების შემოწმებას იწყებდნენ, ჩვენც მაშინვე წამოვიწყებდით ხოლმე ინტერნაციონალსა და საქართველოს ეროვნულ ჰიმნს.

1922 წლის 11 ოქტომბერს, 11 საათსა და 15 წუთზე, საქართველო-რუსეთის საზღვარზე ჩეკისტმა ცინცაძემ სხვა ზედამხედველს შემდეგი დოკუმენტით გადაგვაბარა.

„გაძლევთ იმ პირთა სიას, რომლებმაც საბჭოთა სოციალისტური რესპუბლიკის გადაწყვეტილების თანახმად სასწრაფოდ უნდა დატოვონ საქართველოს სოციალისტური რესპუბლიკის და რუსეთის საბჭოთა ფედერაციის საზღვრები.

საქართველოს ჩეკას წარმომადგენელი: ვ. ცინცაძე, 10 X-22 11 სთ. 15 წთ. ღამე“.

ამ დოკუმენტის ორიგინალი გადმომცეს გერმანიის საზღვართან, როგორც პასპორტი თითოეული ჩვენგანისთვის.



მოსკოვში ჩასაღწევად ორი კვირა დაგეჭირდა. გრძელმა დამტყნველმა მგზავრობამ და ცუდმა კვებამ ჩვენს განწყობილებას იმოქმედა. ნალველის გასაქარვებლად ვმღეროდით ხოლმე სალამოს 7 საათზე, ვიხსენებდით მეტეხის ციხეში დარჩენილ ჩვენს ერთგულ ძმებს და იმ სიმღერებს ვმღეროდით, რომლებიც ყოველ სალამოს ერთსა და იმავე დროს ციხის ფანჯრებიდან გაისმოდა. თავიანთი პირობა, რომ გერმანიაში შავი ზღვით გაგვამგზავრებდნენ, ბოლშევიკებმა, რასაკვირველია, დაარღვიეს. დიდი იყო ჩვენი მრისხანება, მაგრამ, ამავე დროს, უმწეონიც ვიყავით. სად მივყავდით ამ გზას? იქნებ ციმბირში? ან იქნებ მოსკოვის ჩეკას ჯურღმულებში. გერმანიაზე აღარ ვფიქრობდით. ყველაფერს შევგუეთ და კვლავ სიმღერა განვაგრძეთ.

ნოემბრის ერთ დღიას მატარებელი მოსკოვში სამარის სადგურზე ჩამოდგა. იმ წუთშივე გამოჩნდა სატვირთო მანქანები შეიარაღებული ჩეკისტებით. მათ ნაბრძანები ჰქონდათ სატვირთო მანქანებზე ჩვენი გადასხდომა. ისინი მანქანებზე ჩვენს გადარეკვას ნახირივით ნაწილ-ნაწილ აპირებდნენ, როდესაც შევიტყვეთ, რომ ტაგანის საპყრობილეებში მივყავდით, პროტესტი განვაცხადეთ. გარკვევით გამოვუცხადეთ ჩეკისტებს, რომ ვაგონებს ცოცხლები არ დავტოვებდით, ჩვენ გვინდოდა გერმანიაში გამგზავრება და არა მოსკოვში დარჩენა.

ჩეკისტები ამითლა დავმაყოფილდნენ, რომ სომხები გადმოიყვანეს ვაგონებიდან და სატუსალოში წაიყვანეს, ქართველები კი ვაგონებში დაგვტოვეს.

ვაგონებში ჩვენ ყოფნას ბოლო არ უჩანდა და დღითი დღე უფრო დიდ სატანჯველს გვიმზადებდა. გადიოდა კვირები, ჩვენი ბორბლებიანი ციხე კი არ იძვროდა. სივინროვეს თანდათანობით შევეჩვიეთ. ხანგრძლივ მგზავრობაში განვრთნილი, ნავარჯიშევი ჩვენი ძვლები მოცუცქნულ ოთახში მშვენივრად პოულობდა დასაძინებელ ადგილს, ვაგონებს კი, რომლებიც თვეების განმავლობაში არ დასუფთავებულყო, სიბინძურის სუნი ასდიოდა. ყარდა



ჩვენი სხეულებიც. გაუთბობელმა ვაგონებმა მოსკოვის და ცხელი საჭმლის უემარისობამ, რომელსაც საერთოდ ძლევდნენ, თავისი გაიტანა და მხოლოდ მას შემდეგ, რაც რამდენიმე ჩვენგანი სერიოზულად დაავადდა, ჩეკა მოტყდა და ვაგონების გათბობა დაიწყო.

ფიზიკური ტანჯვა მძიმე იყო, მაგრამ მისი ატანა ასე თუ ისე, მაინც შეგვეძლო. უფრო მეტად გვორგუნავდა ჩვენი მომავლის სრული გაურკვეველობა. მოსკოვში ჩვენს გაუთავებელ ყოფნას თავისი მიზეზები უნდა ჰქონოდა. თავს მოტყუებულად ვგრძნობდით და გერმანიაში ჩვენი გამგზავრება შეუძლებლად გვესახებოდა. ვფიქრობდით, რომ გერმანიამ ჩვენს მიღებაზე უარი განაცხადა. ჩვენს თავზე დამოკლეს მახვილი ეკიდა და უბედურებას გვიმზადებდა. ჩვენს ხმადაბალ სიმღერას სალამოს 7 საათზელა თუ გაიგონებდით მეტეხში დარჩენილ თანამებრძოლთა მოსაგონებლად.

## 27. მოსკოვიდან ბერლინისაკენ

აი, უკვე მთელი თვე გავიდა მას შემდეგ, რაც ლიანდაგებზე ვიდექით, ჩვენ იმ ნახირად ვიქეცით, ვინრო ვაგონებში რომ შეყრიან და სიბინძურეში ამყოფებენ. დღეში ორჯერ ვაგონის სარკმელი იღებოდა და ჩეკისტი საჭმელს იქიდან გვიყრიდა.

რამდენიმე კვადრატული მეტრი ჩვენს სამყაროდ იქცა. ყველანი სრულმა აპათიამ მოგვიცვა. დავკარგეთ სამშობლო, თავისუფლება და მომავლის გარეშე დავრჩით! ცხოვრება უნუგეშო იყო. ბორბლებიანი ყუთის ხის კედლები სამყაროს ჰორიზონტად გვექცა. ჩვენ აღარც კი ვოცნებობდით. თითოეულ ჩვენგანს სასონარკვეთილება დაუფლებოდა. ყველა დუმდა. როდესაც ერთ მშვენიერ დღეს ვაგონის ღია კარებში საბჭოთა ოფიცერი შევნიშნეთ, გადავწყვიტეთ, რომ ჩვენი აღსასრული დამდგარიყო. ჩვენი ხსნა, სწორედაც რომ სიკვდილშილა იყო. სულიერმა და ფიზიკურმა ტანჯვამ ისე გაგვტყხა, რომ ხმამალა ვერც კი გამოხატეთ სიხარული, როცა მოულოდნელად ახალი ამბები გაგვაგებინეს.

გამოგვიცხადეს, რომ სასწრაფოდ გერმანიის საელჩოში უნდა წავიყვანეთ პასპორტების მისაღებად.



პატიმართა ჩაცვნილ თვალებში იმედის სხივი გამოკრთა და, როდესაც პასპორტები გადმოგვცეს, მაშინლა იფეთქა სიხარულმა. მართალია, უცხო ქვეყანაში, მაგრამ თავისუფლებას მალე ვიგემებთ. ეს იყო სტალინზე ჩვენი კიდევ ერთი გამარჯვება. სტალინმა ვერ გაბედა ჩვენი დახოცვა, რადგან იძულებული იყო მსოფლიო საზოგადოებრივი აზრისთვის ანგარიში გაენია. მოსკოვიდან ლატვიის საზღვრამდე ჩვენი ვაგონები ჩქარ მატარებელს მიაბეს. საბოლოოდ ვირწმუნეთ, რომ უმოკლეს ხანში ჯოჯოხეთური სიბნელიდან კულტურული ქვეყნის მინაზე დავადგამდით ფეხს. შუა ღამეს მივალნიეთ ლატვიის საზღვარს. მატარებელი საზღვრიდან რამდენიმე ასეული მეტრის მოშორებით შეჩერდა. ჩეკისტები და წითელარმიელები ვაგონებიდან გადმოვიდნენ. ჩვენ ლატვიელმა პოლიციელებმა ჩაგვიბარეს. ვემშვიდობებოდით სტალინს, საშინელებებისა და ბნელეთის ქვეყანას. ჩვენ ისევ თავისუფლები ვიყავით.

სარეისო მატარებლით გერმანიაში გამგზავრებამდე, ლატვიის მთავრობის ბრძანებით, კარანტინი იმ შენობაში გავიარეთ, რომელიც გერმანელ ჯარისკაცებს მსოფლიო ომის დროს აეშენებინათ. მატარებელი გერმანული წესიერებითა და სისწრაფით მიგვაქროლებდა ქვეყანაში, რომელიც ჩვენ ახალ სამშობლოდ უნდა ქცეულიყო. აღმოსავლეთ პრუსიაში ჩავუარეთ კოპნია სოფლებს, ქალაქებს და მინდვრებში მომუშავე გლეხებს.

1922 წლის 3 დეკემბერს ჩავედით ბერლინში შლეზვიის სადგურზე. თავისუფალი საქართველოს რესპუბლიკის წარგზავნილი, ახმეტელი, გულთბილად შეგვხვდა, გულისამაჩუყებლად ზრუნავდა პირველ ხანებში ჩვენს მოსაწყობად და ყველაფერს გვაძლევდა, თუმცა მასაც ჩვენსავით არაფერი ებადა.



ეს სტრიქონები სამშობლოს ენით უთქმელმა სიყვარულმა და მისი მონატრების მწარე ცრემლებმა დამანერინა. ჩვენი გულები



სავსეა მოღალატეთა და სტალინის მიმართ ზიზღით, რომელიც ერთ დროს ჩემი მეგობარი იყო. მისგან მოყენებული ტანჯვა ჩემს უნუგეშო სიცოცხლეს ყოველ წამს თან სდევს. შორეთში გადახვეწილმა მე აღვასრულე ჩემი სამშობლოს წინაშე ვალი ისე, როგორც ეს შემეძლო. მსურდა ქვეყნიერებისთვის მეცნობებინა იმ ხალხის ბრძოლის შესახებ, ვისაც თავისუფლება წაართვეს და ვისი კურთხეული მინაც ადამიანთა სისხლით შებლალეს. მინდოდა მომეთხრო დამონებული ხალხის შესახებ, რომელიც ბოლშევიზმის უღლის ქვეშ კვნესის და შიშისაგან დადამბლავებული უტყვ სასონარკვეთილებაში იტანჯება. მინდოდა თვალი ამეხილა იმათთვის, ვინც ბოლშევიკური მოდელის მიხედვით ადამიანებს ოქროს მთებსა და სამოთხეს პპირდება. კულტურის, თავისუფლებისა და თანასწორუფლებიანობის ნაცვლად, ბოლშევიზმი ტანჯვას, მკვლელობას, უთანასწორობას, შიმშილსა და უბედურებას მოიტანს.

გერმანიამ გულთბილად მიგვიღო, შიმშილისაგან დაგვიცვა, 10 წელზე მეტია უკვე, რაც დღე და ღამე ცოცხს, ჯაგრისსა და კალათას დავათრევ და ვცდილობ ვამხილო ის სინდისგარეცხილნი, ადამიანებს უბედურება რომ მოუტანეს.

ამ სტრიქონებით ავასრულე ათასობით პატიმრისა და სიკვდილმისჯილის სურვილი, მსოფლიოს მზერა ჩვენი ბედკრული სამშობლოსათვის მიგვეპყრო.

ჩემი აზრები ჩემს ტურფა ქვეყანას, მის ლაუფარდოვან ზეცასა და კავკასიის მწვერვალების ვერცხლისფერ ჯაჭვს ეკუთვნის, ქვეყანას, რომელიც ყოველისშემძლე შემოქმედმა ორ ზღვას შორის მოაქცია.

**მოკლე მიმოხილვა ნიგნის ბოლო თავისა, რომლის სათაურია - „ქართული ხალხის განათავისუფლებელი ბრძოლა“**

ძირითადი თემის განხილვამდე ი. ირემაშვილი გერმანელ მკითხველს აწვდის მოკლე ცნობებს საქართველოს გეოგრაფიული, ეკონომიკური, კულტურული და ისტორიული ცხოვრების შესა-

ხებ. ის საქართველოს „აზიურ შვეიცარიას“ უწოდებს მთიანი ლანდშაფტისა და ზღაპრული სილამაზის გამო, საუბრობს საქართველოს ბუნებრივ სიმდიდრეებზე, სამეურნეო საქმიანობაზე, სიდუხჭირფზე (განსაკუთრებით დასავლეთ საქართველოში); ცალცალკე ახასიათებს დასავლეთისა და აღმოსავლეთის ქართველობას, აღნიშნავს მათ სტუმართმოყვარეობას, ქართველთა ადათ-წესებს, ქალისადმი მონინებით დამოკიდებულებას, ქართული სუფრისა და თამადის ფენომენს, მრავალჯამიერის სიდიადეს.

აცნობს ევროპელ მკითხველს ქართველი კაცის თავისუფლები-სმოყვარეობას, სულიერებას, კულტურის მაღალ დონეს; ხაზს უსვამს ერისთვის ისტორიულად დამახასიათებელ თვისებებს, რითაც ხსნის იმას, რომ ქვეყანაში დემოკრატიული ფასეულობებისა და იდეების ჩამოყალიბებასა და გავრცელებას დიდი ხნის ისტორია აქვს.

ირემაშვილი განსაკუთრებული მონინებით მოიხსენიებს დიდ ქართველ პოეტებსა და მწერლებს: შოთა რუსთაველს, ილია ჭავჭავაძეს, ავ. წერეთელს, ვაჟა ფშაველას, ნიკოლოზ ბარათაშვილს და მიიჩნევს, რომ მათ თავიანთი შემოქმედებით ხელი შეუწყვეს ქართველთა ეროვნული თვითშეგნების ჩამოყალიბებას, თავისუფლებისათვის ბრძოლის სურვილს, და ნიადაგი მოუმზადეს ტირანიის წინააღმდეგ მიმართულ ეროვნულ-განმათავისუფლებელ მოძრაობას.

შემდეგ ირემაშვილი მოკლედ მიმოიხილავს საქართველოს მრავალსაუკუნოვან ისტორიას; ქრისტიანობის გავრცელებას და სახელმწიფო რელიგიად გამოცხადებას IV საუკუნეში, XI-XII საუკუნეებს, — საქართველოს, „ოქროს ხანას“; გულისტკივილით იხსენებს ხანგრძლივ ბრძოლებს არაბების, თურქებისა და სპარსელების წინააღმდეგ, 1783 წელს გეორგიევსკში დადებულ ტრაქტატს, 1801 წელს საქართველოს ანექსიას რუსეთის მიერ, ცარიზმის რუსიფიკაციულ პოლიტიკას, ეროვნულ-განმათავისუფლებელ ბრძოლებს, დამარცხებულ აჯანყებებს და იდეოლოგიურ ბრძოლას რუსეთის წინააღმდეგ.



მიმოიხილავს რა თავისი ეპოქის პრობლემებს, ი. ირემაშვილი პატივისცემით მოიხსენიებს ცნობილ ქართველ მწერალს, ეგ. ნინოშვილს, მის მიერ წამოყენებულ სოციალურ პრობლემებს, სწორედ მას მიიჩნევს საქართველოში სოციალისტური მოძრაობის საწყისად. ეგ. ნინოშვილის დაკრძალვის დღე სოციალ-დემოკრატიული პარტიის დაარსების დღედ იქცა; აქვე ჩამოთვლილი არიან იქ შეკრებილნი: ჯიბლაძე, ჟორდანიას, დარჩიაშვილი, ჩხეიძე, რამიშვილი და სხვები. ამ ადამიანების ბედი ასეთი იყო: ს. ჯიბლაძე დაიღუპა 1922 წელს ბოლშევიკების წინააღმდეგ ბრძოლაში, ნ. ჟორდანიას, დამოუკიდებელი საქართველოს პირველი პრეზიდენტი, იმჟამად პარიზში ცხოვრობდა, მწერალი ვ. დარჩიაშვილი ლაიფციგში გარდაიცვალა, კ. ჩხეიძე რუსეთის დუმაში მოღვაწეობდა და 1921 წელს პარიზში თვითმკვლელობით დაასრულა სიცოცხლე., რამიშვილი რუსეთში გადაასახლეს, ახმეტელი კი — ბერლინში.

შემდეგ ირემაშვილი მოგვითხრობს პარტიული ორგანიზაციების ჩამოყალიბებაზე საქართველოს სხვადასხვა ქალაქში, მათ დევნაზე პოლიციის მიერ, დაპატიმრებებზე; ახსენებს რკინიგზელთა 1898 წლის აჯანყებას, 1900-1903 წლების სამაისო დემონსტრაციებს თბილისში, როცა პოლიციასთან შეტაკებაში ბევრი ადამიანი დაიღუპა, ბევრი კი დააპატიმრეს, მიაჩნია, რომ იმ დროს უბრალო ხალხის სოციალური მოთხოვნები სამართლიანი იყო. განსაკუთრებით ამახვილებს ყურადღებას 1903 წელს ლონდონში ჩატარებულ რუსეთის სოციალ-დემოკრატიულ პარტიის ყრილობაზე, 1905 წლის 17 ოქტომბერს რუსეთის მეფის მიერ გამოცემულ მანიფესტზე პრესისა და კრებების თავისუფლების შესახებ, 1905 წელს მოსკოვში დეკემბრის აჯანყების მარცხზე, კონტრრევოლუციის დასაწყისზე, რეპრესიებზე სოციალისტების მიმართ.

ქართველ დეპუტატთაგან არჩევენებზე ასახელებს სოციალ-დემოკრატებს: ნ. ჟორდანიას, ი. ნერეთელს, კ. ჩხეიძეს, გ. გეგეჭკორს, კ. ჩხენცელს ი. რამიშვილს და საქართველოში არსებულ სხვა არალეგალურ ორგანიზაციებს; ირემაშვილის თქმით, 1917



წლის თებერვლის რევოლუციის დროს სოციალ-დემოკრატიული პარტიის ხელმძღვანელობით საქართველოს თითქმის მთელი მოსახლეობა დაირაზმა, ამ ბრძოლის დაგვირგვინება იყო 1918 წლის 26 მაისი, საქართველოს დამოუკიდებლობის გამოცხადება, რამაც ქვეყანას სამოქალაქო ომი ააცილა..

1918-1921 წლებში მთავრობის მიერ გადაჭრილ საკითხებად ასახელებს: კონსტიტუციის მიღებას, მიწის რეფორმას, განათლების რეფორმას: სკოლისა და აღზრდის საკითხების მოგვარებას, სამხედროთა და მუშათა გვარდიის ჩამოყალიბებას, რომელიც შემდგომ ეროვნულ გვარდიად გადაკეთდა.

„ბოლშევიკებს სოციალ-დემოკრატების მიერ მართული ქვეყანა თვალში ეკლად ესობოდათ და ამიტომ გამოიყენეს ნაცადი იმპერიალისტური მეთოდები საქართველოს მოსაქცევად საბჭოთა რეჟიმში“. ამას მოჰყვა 1921 წლის 11 თებერვალს, ომის გამოუცხადებლად, სამხედრო თავდასხმა საქართველოზე.

ქართველები სასტიკ წინააღმდეგობას უწევდნენ მტერს და იცავდნენ სამშობლოს დამოუკიდებლობას 4 კვირის განმავლობაში, მაგრამ წითელმა არმიამ გაიმარჯვა . ეროვნული მთავრობა პარიზში გაიქცა, საქართველოში კი ზეიმობდა ბოლშევიკური დიქტატურა! და დაიწყო სასტიკი ანგარიშსწორება ქართველების მიმართ, მაგრამ თავისუფლებისმოყვარე ერი არ ნებდებოდა, აწყობდნენ აჯანყებებს; მაგალითად, 1921 წლის 29 აგვისტოს აჯანყებაში 6000 კაცი დაიღუპა, უმეტესად სოციალ-დემოკრატები დახვრიტეს ციხეებში, 700 ადამიანზე მეტი ციმბირში გადაასახლეს, ზოგი გზაშივე დახვრიტეს.

„მიუხედავად დიდი მსხვერპლისა და სასტიკი რეპრესიებისა, ქართველი ხალხი აგრძელებს ბრძოლას თავისუფლებისათვის, დამოუკიდებლობის, დემოკრატიის და სოციალური სამართლიანობის მოსაპოვებლად. საქართველოს საუკეთესო შვილებმა შესწირეს სიცოცხლე ამ იდეებს, ინტერნაციონალთან ერთად ქართული თავისუფლების ჰიმნით ეგებებოდნენ ისინი სიკვდილს,



ამ უკვდავ, მარად ცოცხალ გარდაცვლილებთან ერთად ცოცხლებს ჩავუნერგოთ იმედი, რომ ჩვენი იდეები რციელდება და ქართველი ხალხი გააგრძელებს თავისუფლებისათვის ბრძოლას გამარჯვებამდე.

და მომავალში თავისუფალი ქართველი ხალხი ისევ შევა თავისუფალი კულტურული ხალხების დიდ ოჯახში თავისი ეროვნული ჰიმნის სიმღერით:

„დიდება ჩვენს სამშობლოს,  
 დიდება სამოთხეს დედამიწაზე,  
 – ღამაჲს საქართველოს!  
 დიდება მშობას, ერთობას!  
 დიდება თავისუფლებას!  
 მარადიული დიდება შემოქმედ ქართველ ხალხს!“

იოსებ ირემაშვილი

# უცნობი ირემამწეილი

საარქივო მასალა  
და წერილები

## იაკობ გოგებაშვილის უკანასკნელი სურვილი



შალვა გოგებაშვილის წერილი ნოტარიუსს,  
ქ.თბილისი 1912 წ. 6 ივნისს  
(ხელნაწერთა ინსტიტუტის ფონდიდან, №413)

ღრმად პატივცემულო დიმიტრი!

რადგან პირადათ გადმოცემა ბიძა ჩემის უკანასკნელი სურვილისა ყველა მის ანდერძის აღმასრულებლებისათვის არ შემეძლო და ამასთანავე დაუფინყარ ძიას სურვილის სისრულეში მოყვანა ჩემ და თქვენ წმინდა მოვალეობად მიმაჩნია, ამისათვის ვკადნიერდები და წერილობით გაცნობებთ ბიძა ჩემის უკანასკნელ სურვილს, რომლის განხორციელებაც ველარ მოასწრო.

თქვენც მოგეხსენებათ, რომ ამ უკანასკნელ ერთი თვის განმავლობაში განსვენებულს თავს დაეტრიალებდი და ყოველივე საქმეს უსრულებდი. 26 მაისს, როდესაც ექიმებმა იმედი მოგვცეს, რომ ძია კარგათ შეიქმნებოდა, მე ცოტა ხნობით ჩემი საქმეებისათვის დავეთხოვე. სამი დღე დავრჩი გორში. ამ ხნის განმავლობაში ძიას აღეთქვა სტუდენტ სოსო ირემაშვილისათვის, რომელსაც ერთი წელიწადი თავისი ხარჯით ინახავდა, დახმარება გაეგრძელებინა შემდეგ წლებშიაც გათავებამდე (სამი წელიწადი). აი ბიძაჩემის სიტყვებიც: შალიკო რომ ჩამოვა, გადავცემ საჭირო ფულს (300 მან.) და ის თვიურათ მოგანოდებს თითო თუმანს. ძია ამ ხნის განმავლობაში მოუთმენელად მელოდებოდა ამის და სხვა საქმეების შესასრულებლად. მე ჩამოვედი გორიდან ოთხშაბათს 30 მაისს საღამოთი. იმ ღამეს სულ სოფლების შესახებ და სხვა შინაურ საქმეებზე მელაპარაკებოდა. მეორე დილას დამიბარა და მითხრა, რომ ჩვენი დამენერა და თავის სახარჯ ფულთან ერთად ირემაშვილისათვის აღთქმული ფულიც გამომეტანა, ჩემს სახელო-

ბაზე შემენახნა და მე თვიურათ მეძლია თითო თუმანი ირემაშვილი  
 ლისათვის. ეს იყო ნაშუადღევის 2 საათზე. მე ის იყო უნდა  
 დამემზადებინა ჩევი, რომ ძიამ მითხრა — ცოტას დავიძინებ,  
 დავისვენებ და ჩევი შემდეგ დავწეროთო. ძილის შემდეგ, 5 სა-  
 ათზე, განსვენებულს ლაპარაკიც აღარ შეეძლო. იმ ღამეს სულ  
 გვერდით უჯექი, ვეღარ ლაპარაკობდა, გრძნობაც დავარგა და ამ  
 ნაირად ვეღარ შეასრულა თავისი სურვილი.

ვიცი, რომ კანონის ძალით თქვენ ანდერძს ვერ გადაუხვევთ,  
 მაგრამ ბიძა ჩემის ღრმა პატივისცემა მეც და თქვენც გავალებთ,  
 რომ მისი უკანასკნელი სურვილი სისრულეში იქმნას მოყვანილი.  
 იმ ნაღდი ფულიდან, რომელიც ნათესავებში აქვს განაწილებული  
 ამ უკანასკნელთ გასტუმრების შემდეგ, ჩემის აზრით, უნდა და-  
 რჩეს საკმარისი თანხა, საიდგანაც შეიძლება ამ სურვილის სი-  
 სრულეში მოყვანა. ამისათვის გთხოვთ სხვებთან ერთად, როგორც

№418

19/26 ნოემბრს  
 ქ. თბილისი.

იმისი ანდერძის აღმასრუ-  
 ლებელს ეს თანხა (300 მან.)  
 გადმოსწეროთ ჩემ სახელო-  
 ბაზე ირემაშვილისათვის.

თუ საჭირო იქნება  
 ყველა ანდერძის აღმასრუ-  
 ლებლებს პირადათაც მო-  
 გელაპარაკებით ამის და  
 სხვა საჭირო საქმეების შე-  
 სახებ.

გთხოვთ დანარჩენ ანდე-  
 რძის აღმსრულებლებსაც  
 გადასცეთ ამ წერილის ში-  
 ნაარსი.

თქვენი პატივის მცემელი

შალვა გოგებაშვილი

*ოხორ მათესაძელს რძეძე!*  
 ჩაგვანა მარჯათ ვაგაგა ბიძა ჩემს  
 უკანასკნელი სურვილის ყველა პოსტის  
 აკონსულტაციისათვის ეს უბიძგო წამალი  
 ნაუ დაუვიწყარია თან სურვილს სულს  
 ში დაგვანა ჩემ და თქვენ ნათესავთ  
 პოზიციის, ამისთვის ვაგანობოთ წინა-  
 რბით ვაგანობოთ ბიძა ჩემს უკანასკნელ  
 სურვილს, ჩემს ვანსაჟილსავე ვიღაც  
 მასზე.

მეცნის მეცნისათვის, ხედავს უკანასკნელ  
 ში თვის განმარტებაში ვანსაჟილს  
 მეცნის ვანსაჟილსავე წინა ვანსაჟილს  
 ეჭვი. 26 მარტს, ჩემსავე ქიობება იმეტი მეცნის  
 ხედავს თან ვანსაჟილსავე, მეცნის ხედავს  
 ჩემ სურვილისათვის ვანსაჟილს. 26 მარტს


# წერილი აკაკი წერეთლისადმი



ღრმით პატივცემულო ბ.-ნო ავაკი!...

გამარჯობათ!.. და გამარჯვება ნუ მოგიშალოთ თქვენმა მომავლინებელმა განგებამ!.. მეპურემ იობა ისაუბრებ, რომლისათვისაც თქვენ წერილით გეცნობებინათ თქვენი თანხმობა და სურვილი ჩემ სასარგებლოთ სალიტერატურო საღამოში მონაწილეობის მიღებისა, გადმოგვცა თქვენი პასუხი. ს. მაგალობლიშვილს უთხარი და მითხრა, შეგვატყობინოს, როდის შეუძლია ბ.-ნ ავაკის ჩამობრძანება და მონაწილეობის მიღებაო. უმორჩილესად გთხოვთ, გვაცნობოთ, ოქტომბრის 1-მ-მდე, ამ დღეებში შეგიძლიათ თუ არა.

თქვენი ღრმით პატ. ი. ირემაშვილი  
საღამოს გამგებლობას ს. მაგალობლიშვილი თაობს.



აღსრულდა!..

დიხ, აღსრულდა და დაბეჩავებულ ქართველ ხალხს კვლავ ერთი მისი ეროვნული დიდებათაგანი კიდევ მოსწყდა გულიდან, რამაც მთელი ერი შეატოკა, ქვეყანა შეაშფოთა, ყველა ჩვენგანს გული გაუფატრა და მწარედ ააქვითინა...

ნაიქცა ქართველი ერის ერთი იმ მთავარ ბურჯთაგანი, რომელიც სამშობლო ქვეყნის ბედ-იღბალს ნახევარ საუკუნეზე მეტს, სხვებთან ერთად, თავისი მძლავრი მხრებით იმაგრებდა; გამოგვესალმა იაკობი, რომელიც მთელი თავისი დედა-ენით მშობელ ერის ბედს სჭედავდა, რომელიც მთელი თავისი სიცოცხლე მისივე აღმზრდელ ერს მამობრივი მზრუნველობით თავს დასტრიალებდა.

სამშობლო ქვეყნის ცაზე ქართველი ხალხის გულისა და სულის მნათობი ჩაჰქრა.

ჩამობნელდა, ჩამოწყვდიადდა...

ალარ არის ქართული ენის დიდებული დარაჯი; აღარა გვყავს დედა-ენაზე ამამეტყველებელი, ჩვენი ენისამდგმელი; აღარა გვყავს ქართული ენის ახმამტკბილებელი, მისი ამაცყავილებელი და გამაფაქიზებელი; აღარა გვყავს ქართველი ერის აღმზრდელი და მისი ჭემშარიტი მამა — იაკობ გოგებაშვილი!..

მაგრამ ამას რას ვამბობ... განა იაკობისთანა პიროვნებანი კვდებიან; განა ასეთი მნათობები ჰქრებიან?!

არა, არა და ათასჯერ არა!..

იაკობის წმინდა, უმნიკვლო და უზადო სული, დღეს უფრო გაბრწყინებული და გაცხოველებული მისი სახე მზესავით დაჰნათის თავის დაჩაგრულ ერს; მისი ცოცხალი სურათი ფარვანასავით თავს ევლება მშობელ ხალხს და ანათებს მისი ცხოვრების ეკლიან გზას.

არა, არ მომკვდარა და არც მოკვდება იაკობ გოგებაშვილი, არ



მომკვდარა და არც მოკვდება ჩვენი დედა-ენის სულის ჩამდგმელი არ მოკვდება ჩვენი ბუნების კარის გამღები; კვლავ ცოცხალია და იცოცხლებს საუცხოოვო თაიგულების კონათ შემკვრელი, ტურფა მარგალიტების კუნწულათ ამკუნწლავი, ხალხის გულის კოკორი გრძნობების გადამფურჩქენელი...

ცოცხალია და იცოცხლებს კიდევ იაკობ გოგებაშვილი, სანამ ქართველი ერის გული სცემს, სანამ ქვეყანაზე იქნება მისი სახსენებელი.

და... მართლაც მკვდრები არიან მხოლოთ ისინი, ვინც ქართულ ენას უცხო ენით იცავენ; სატირლები და სავალალონი არიან ისინი, ვინც ქართველობის გადაშენებას უცხო ენით ამტკიცებენ; ცოცხალ ლეშებს წარმოადგენენ ყველა ისინი, ვისაც თავი მოაქვს უცხო ენის კარგი ცოდნით და... დედა-ენის დავიწყებით, მისი უცოდინარობით. სულით ლატაკნი და დაჩიავებულები არიან ყველა ისინი, ვისაც თავი მოსწონს... თავისი ლამურობით, არც აქეთ, არც იქითობით; სულით-ხორციანათ დაგინებულია ის, ვინც ველარა გრძნობს თავის ასეთს დამახინჯებას და გადაგვარება-გადაშენებას, ვიტყვი — მეტს, საზიზღარია თავისი თავის უარის-მყოფელი, თავისი თავის ვალათი, დასაგმობია თავის ბუნების მგმობელი...

მდაბიო ხალხის საღ გულიდან გამოსული და იმავე ხალხის გულშივე ღრმათ ჩამარხული იაკობი კი ბრწყინვალეა ვით მზე, რომელიც ახლა უფრო თვალსა სჭრის ლამურეებს, წმინდაა ვით მთის ნაპრალიდან მჩქეფარე ნაკადული, რომელიც რეცხავს, ასუფთავებს და აშუშებს ეროვნულ წყლულებს, და უკვდავია, უკვდავი ვით ნეტარი ბუნება, რომლის კანონებსაც ის იცავდა თავისი მშობელი ხალხის აღზრდის საქმეში.

მთელი თავისი სიცოცხლე იაკობი თავს დასტრიალებდა დედა-ენას, რადგანაც კარგათ იცოდა, რომ ერის კეთილდღეობის სათავე მისი ენის აყვავება-განვითარებაში იმარხებოდა; და, აი, ამიტომაც ის თავგამოდებით იბრძოდა დედა ენისთვის, იცავდა მას ზედ-მოსეული შინაური და გარეული მტრებისგან.



და ამ დიდებული ეროვნული მისიისათვის მას ერთი წამითაც არ უღალატნია, ამ ავის წინ ქედი მონურად არ მოუხრია.

ვის არ უწვდიდა იაკობი თავის მაღლიან ხელს; რომელ საზოგადოებრივ საქმეს არ ეხმარებოდა ის; ვინ იცის, რამდენი სულ-გამწარებული ადამიანი არ დაუხსნია მას მწარე გაჭირვებისაგან; ვინ მოსთვლის რამდენი სასონარკვეთილებაში ჩავარდნილი და უფსკრულის პირათ განრიოკებულ ბენვით გადავიღებული ადამიანი გამოუგლეჯია მას სიკვდილის პირიდან და ფეხზე დაუყენებია. და აი შენ, დიდებულ ნეშთან საქვეყნოდ ვაღიარებ, რომ ერთი ასეთ პირთაგანი ვარ მეც.

კვლავ კიდევ გმადლობთ, გმადლობთ, ჩემო მხსნელო, ჩემო სულის ჩამდგმელო იაკობ, რომ თქვენი ღირსეული ძმისწულის შალვას, ხელით სწავლისაგან გზა გამიკაფეთ და სხვებთან ერთად მეც მანუგეშეთ...

და აი ასეთი სასიქადულო, საქვეყნო ღვანლით და ეროვნული გათვითცნობიერებისათვის ბრძოლით იაკობმა უღრმესი სიყვარული და უაღრესი პატივისცემა დაიმსახურა.

რას გვეუბნება იაკობი მთელი თავისი დიდებული ღვანლით, მთელი თავისი სიცოცხლით, დედაენასთან ერთად სხვას რას გვასწავლის ის?!..

„განათლდი, ქართველო ერო, და იცან თავი შენი“, აი მოკლეთ მთელი მისი სიცოცხლის და მოღვაწეობის დედაზრი.

და ვისაც კი გულწრფელათ უნდა ამ დიდებული განსვენებულის პატივისცემა, ვისაც უნდა თავისი თავის და მშობელი ერის ღირსეულათ დაფასება, მან მიჰბაძოს, მიჰბაძოს იაკობს, მიჰბაძოს თავის დიდებულს აღმზრდელს და განაგრძოს მისი საქმე... და ეს იქმნება უაღრესი ჯილდო იაკობისათვის.

მამ, ყველამ შევფიცოთ იაკობის თბილ საფლავს, რომ ჩვენ დავიცავთ ჩვენ ეროვნულ თვითარსებობას, არ დავივინყებთ მის ტკბილ დედაენას და მით არ დავანგრევთ იმ საძირკველს, რომელზედაც შენდებიან ეროვნული კეთილდღეობის კედლები...



ღრმად პატივცემული იაკობ! აბა, ერთი წამოიხედეთ და გადაავლეთ თქვენს გარშემო მოზღვავებულს და აზვირთებულს ქართველობას! მშვიდად განისვენეთ იაკობ, რადგანაც შენი თვალთმობით, რომ შენმა სიკვდილმა უკვდავ გყოთ, რომ ამ ხნათ აბუჩად აგდებული თქვენი საყვარელი დედა-ენა ქართველებსაც შეაყვარა, აამალლა, განასპეტაკა; თქვენმა სიცოცხლემ და ამ უკანასკნელმა გამოთხოვებამ ქართველი ერის გათვითცნობიერებას და თვით გამორკვევას ღრმა საძირკველი ჩაუყარეს და, აი, ეს არის ის ხელთუქმნელი, სამუდამო და დიდებული გვირგვინი, რომელიც თქვენს სახელს სამუდამოთ თავს დაედგა.

საუკუნოთ იყოს ხსენება შენი, მშობელი ერის აღმზრდელი და ქეშმარიტი მამავ, იაკობ!

**საშას, ჩემ საყვარელ კაი გოგის,  
ჩემ კარგ ელენეს და პანია მოლქსა ეთერას**

სალამი და კოცნა!

თქვენი წერილები მივიღე, მეტათ საყურადღებო და თავ-ზარ-დამცემი, განსაკუთრებით ჩემი კაი გოგის, ჩემი საყვარელი განგალას და საშას ავადმყოფობამ თავში დამკრა, წელში გამლუნა, ათის წლით დამაბერა.

მაგრამ რა გაენყობა! ბიბლიური იობისავით კვლავ მოთმენა, უბედურებათა მთელი რიგის კვლავ ატანა და გადატანა.

კვლავ ბევრი, ბევრი ვიფიქრე, კვლავ უძილო ღამეები ვათენე, ჩემ თავს და გულს ვებრძოლე, მაგრამ არ იქნა, მაინც ვერ დავსძლიე, აზრი, წინაგრძნობა, უბრალო გათვალისწინება მომავლის, მთელი ჩემი ბუნება, სულიერი აგებულება მაინც კვლავ წინა-აღმდეგია წამოსვლისა.

და მართლაც, რომ სიკვდილი მიჩვენია ასეთ დაჟინებულ, გაჯიუტებულ ძალდატანების გავლენით მანდ წამოსვლასა და თანაც იმ გართულებულ პირობებში და იმ სამარცხვინო პირობებით, რომლებშიც მომიხდება წამოსვლა.

ერთი ასეთი პირობათაგანი ჟორდანია-რამიშვილის ბრძოლის ხაზის დაგმობაა, რასაც მე, ცხადია, არ ჩავიდენ. შინ, პარტიულ ოჯახში, შეიძლება მე ეს ხაზი არ გავიზიარო, მას ვებრძოლო, ვწინააღმდეგო, მაგრამ საქვეყნოდ კი ის არ დავგმო, რადგანაც ადრე დასაგმობია ის პირობები, მიზეზები და სხვა, რამაც და რომლებმაც ჟორდანია-რამიშვილი და ქართველი ხალხის საგრძნობი ნაწილი ან საბედისწერო ბრძოლის ხაზზე დააყენა...

მეცა ვგრძნობ ჩემს თავს ერთ ცოტათ თუ ბევრათ გარკვეულ ქართველ ადამიანათ და, როგორც ასეთს, ასე მაღაპარაკებს და მამოქმედებს ქართველი ხალხის, მაშასადამე ჩემიც, თქვენიც და თვით ჩემი ყოფილი ამხანაგების და მეგობრების სწორათ გაგებული სასიცოცხლო ინტერესები.

ხაზი დრო-გამოშვებითი აჯანყებებისა დამლუპავია ქართველი ერისათვის. ჩემის აზრით, დედა-მინის ზურგზე არ არის მეორე პატარა ერი, ისეთ რთულ და მიძიმე პირობებში მოქცეული, როგორცაა ქართველი ერი, რომელსაც განსაკუთრებით, ხანგრძლივი მშვიდობიანობა ესაჭიროება.

მაგრამ მისი ტრაგედია ისაა, რომ ნამდვილი, რეალური მშვიდობიანი ცხოვრება მას მხოლოდ შეღავათიან თავისუფალ პირობებში ეღირსება...

საქართველო უპირველესად ყოვლისა ქართველებისთვის და არა კალიასავით შემოსეულ უცხო პარაზიტული ელემენტებისათვის.

დროებითი სამსახურები და შიმშილისაგან დაჭლექება-დაავად-მყოფება ქართველებს, რომლებსაც ბალებს, ქარხნებს და სხვას უშენებენ სახელისათვის, ხოლო სახრავისათვის მუდმივი, მკვიდრი და მაძლარი ადგილები შეიარაღებულ უცხოელებს...

„ჩათრევას ჩაყოლა სჯობიანო“ ეს ანდაზა ჩემზე არ ახდება, არ გამართლდება; და რომ გამართლდეს კიდევ, ამით არსებითად მათი საქმე მაინც არ გამოსწორდება, მათი, ვისაც ცხოვრების უღმობელი ლოღიკა წლითი წლობით მაინც ითრევს და, თუ არ ჩაჰყვებიან, ჩაითრევიან...

გამოფხიზლების ხანა დადგება; და ყველასათვის, და მათთვისაც მეტად მწვავე საგრძნობი შეიქმნება სიტყვები: „სამშობლო, ქართველი მშობელი ერი“...

და ჩემო კარგო ელენე, საქმის არსებითად გამოსასწორებლად არა ჩემი შერიგება, არამეთ მათი შერიგება-მორიგება აი, ამ მომავალ ცხოვრებასთან, ქართველ ხალხთან და მის ნამდვილ წარმომადგენლებთან. ამას მოითხოვს ის გარდუვალი, ისტორიული აუცილებლობა, ის სწორად გაგებული მარქსიზმი, ისტორიული მატერიალიზმი, რომელსაც ამ ოცდა თხუთმეტი წლის წინათ სემინარიამში ახალგაზრდული გატაცებით ვსწავლობდით ჩემ ყოფილ საუკეთესო მეგობრებთან ერთად, ახლა რომ დიდ ისრორიულ როლს თამაშობენ, როლს, რომელსაც ბოლოს და ბოლოს „ნეპის“

კარებით შემოჭრილი ახალი ეკონომიური ცხოვრების რეჟიმის კანონები განაგებენ და გინდა არ გინდა მაინც დათმობისაკენ, დამორჩილებისაკენ მიაქანებენ...

და თანდითან ცხადი ხდება ის შეცდომები, მიუტევებელი შეცდომები, რომლებიც იქმნა ჩადენილი, და რომელმაც უამრავი მსხვერპლი შეინირა. მათ შორის ვართ ჩვენც დაავადმყოფებულნი, დამშეულნი...

მაგრამ საშა, ყოველი ავადმყოფობა სიკვდილს არ იწვევს. ნუ შეშინებულხარ; შიშიც ვერ იხსნის... მე დარწმუნებული ვარ, რომ ამ წერილის მიღებისას ჯანსაღათ იქნები. შენ სურვილსაც ავასრულებ, როცა საამისო პირობები დადგება. ახლავე კი გეტყვი, რომ შენ მართლაც იყავი და ხარ ნამდვილი ქართველი, თავდადებული მეუღლე და დედა. საქართველოს ასეთი ქალები ინახავდნენ და ამშვენებდნენ ძველათაც და ახლაც.

ავადმყოფი მეც ვიყავ და ძალიანაც და ცოტა ახლაც ვარ. შეიძლება კვლავ კიდევ დამჭირდეს ოპერაცია. ამიტომაც იმ პროფესორებს თავს ვერ დავანებებ, რომლებმაც სიკვდილისგან დამიხსნეს.

ამასთანავე ყველაზე უკეთესად უვლიან და არჩენენ აქ ტუბერკულოზს; ბევრი ამხანაგი მორჩა აქ ამ ავადმყოფობისაგან. მანდ რომ ვიყო, გოგიას გულისათვის აქ უნდა წამოვიდეთ.

ამიტომაც ერთად ერთი გამოსავალია დაგვრჩენია. თქვენი ყველას აქ წამოსვლა. ნელ-ნელა, აუჩქარებლათ, უკეთეს ფასებში გაყიდეთ ყველაფერი, სულყველაფერი, რაც გაბადიათ და რაც გაიყიდება და შემოდგომისათვის, თუ ადრე ვერა, წამოდით. თქვენი მოვლა-პატრონობა ჩემს კისერზე იყოს. გაჭირვებამ ისეთი ვაჭარი ჩამომაყალიბა, რომ ურიებს ისევე ყოფას უტირებ, როგორც ჩემმა ყოფილმა, თანშეზრდილმა მეგობარმა... სულ ცარიელებიც რომ ჩამოხვიდეთ, არც მაგისი მეშინია; ამ შემთხვევისთვისაც მე ვკისრულობ პასუხისმგებლობას თქვენ წინაშე.

თუ გოგია უფრო დამიავადმყოფდება ისე, რომ აღარ მეყოლება,

ოსრატაც დარჩენილა მამულიც და სხვა ქონებაც. ამიტომაც მალე გაყიდეთ მამულიც, თუ ამისი უფლება ან საშუალება გაქვთ. ბევრ დროს ნულარ დაკარგავთ უნაყოფო მინერ-მოწერაში. ამ წერილის მიღებისთანავე გადაწყვიტეთ ან ასე, ან ისე და შეუდევით საქმეს. მართალია, მამაჩემი საფლავში გადატრიალდება, რომ მისი ვენახი გაიყიდოს, მაგრამ საყვარელი გოგიასათვის ამ მსხვერპლს ისაც კი გაიღებდა. თანაც დარწმუნებული უნდა იყოთ, რომ ანალები და აქ მოტანილი თანხა თუ გაორკეცდება — გასამკეცდება, თორემ არ გაიფლანგება. მამულის ყიდვა მომავალშიც შეგვეძლება, როცა საამისო პირობები დაგვიდგება.

ამ წერილით და თქვენი საშუალებით ჩემ ამხანაგებს თუ ასე ვსთქვათ, მეგობრებს უმორჩილესათა ვსთხოვ როგორც გაყიდვაში, ისე წამოსასვლელ ვიზების აღებაში დაგვეხმარონ.

აი, დარჩენილი ერთადერთილა გამოსავალი.

ჰო და მაშ ასე; თუ ჩემი ამხანაგ-მეგობრები დიდ სიკეთესაც მიზავენ, რის იმედიცა მაქვს, დიდი მადლობელი ვიქნები. სხვაფრივ კი ნულარ შეწუხდებიან ნურც ისინი და ნურც თქვენ.

გულითადი მოკითხვა, ვისაც ვახსოვარ, ვინცა მკითხულობს. წერილი მოიწერეთ.

**P.S.** ეს წერილიც გააცანით, ვისაც ჯერ არს.

სოსო ირემაშვილი

...მართალია, სიცოცხლე თქვენზე ათასათ მე მაქვს აქ გამწარებული, მაგრამ ჯერ-ჯერობით თავი ისე მაინც არ მომძულებია, რომ ან კარლო ჩხეიძესავით გავათავო, ან კვლავ საფრთხეში ჩავაგდო... ტეტიურათ თავ-აღებული წამოსვლა და მანდ მონური და ლაჩრული არსებობა და ცხოვრებაც ვერ დამიხსნის, რადგანაც ყოველივე ნდობა ჩემსა და თვით საუკეთესო პასუხისმგებელ პირთა შორის დაკარგულია . ვაპირებდი წამოსვლას ავადმყოფი, შარშან შემოდგომაზე, და ის დამემუქრა, ვისგანაც სრულიად არ მოველოდი; რა მოვსთხოვო სხვას? . .

..საკვირველია, რომ დარწმუნებული ხართ, რომ აღარავითარი საფრთხე და განსაცდელი აღარ მელის. მე კი დარწმუნებული ვარ სულ საწინააღმდეგოში და ვერც თქვენ და ვერც სხვა ვინმე ვერ დამარწმუნებს ჩემს მანდ უშიშარ, უზრუნველ ცხოვრებაში. ამის პირობას, ამის გარანტიას ვერავინ მომცემს და არც მომცემს..

არამც თუ ისინი აღარ მენდობიან, ვინც უნდა მენდვნენ, თვით მე არ ვენდობი საკუთარ თავს . მეორედ ველარ დავიბადები, ველარც ისე ადვილად გადავკეთდები, გადავგვარდები, რაც ვარ ესა ვარ, ეს ვიქნები, ამათ დავრჩები, ასე ჩავალ სამარეში. ერთხელ ვეცადე და ვცადე, როცა წამოსვლა მინდოდა და პირველ ნაბიჯზედვე კისერი კინალამ მოვიტყეხე, – ისე ვერ გამომივიდა, როგორც უნდოდათ . მოკლეთ, მე არსებითად არ შემიძლიან ერთი ვიფიქრო, მეორე ვილაპარაკო, ვიფარისევლო, ვითაღლითო. დიპლომატი, „გამოსუქინსინებული“ არცა ვყოფილვარ და ვერც ვიქნები.. ასე ვარ აშენებული, ასე ვარ ჩამოყალიბებული...

ჩემი პირდაპირობით და გულწრფელობით ყოველთვის ნდობას ვიმსახურებდი და ახლაც მინდა და თქვენც და ყოფილი მეგო-



ბრები, დღეს მთავრობის წარმომადგენლები, მენდვენ იმაში და იმდენათ, რა პირობებზედაც შემიძლია, განსაკუთრებით თქვენთვის, დათანხმება. თუ კომპრომისი, ურთიერთშორის დათმობები არ მოხდა, მდგომარეობა ისევ არსებული დარჩება.. მე აქაც ვუთხარ მთავრობის წარმომადგენელს და კვლავ ვიმეორებ, რომ მე ჩემს მხრივ ვიძლევი პატიოსან სიტყვას და ხელსაც მოვანერ, რომ პოლიტიკას შეგნებულათ თავი დავანებო, რადგანაც არსებული მდგომარეობის გახანგრძლივებისა გამო, მართლაც აზრი ეკარგება და თანდათან მავნებელიც კი ხდება განსაკუთრებით ის ბრძოლის ხაზი, რომელსაც ყორდანია-რამიშვილი აწარმოებდნენ და, სამწუხაროდ კვლავ აწარმოებენ. . .

არც აქეთ, არც იქით, მინდა არავის ბრმა იარაღათ არ გადავიქცე, ვიყო ჩემთვის. აი, შეგნებულათ იმ დათმობის მოხდენა, რომელიც მე შემიძლია. და ამას ჩავიდენ იმ შემთხვევაში და იმ პირობით, თუ მე აქ, ბერლინში, სავაჭრო კოოპერატიულ წარმომადგენლობაში მომცემენ სამსახურს.

თუ ამ პირობაზე ყოფილი მეგობრები და მთავრობის წევრები შევეთანხმდებით, მე საშუალება მომეცემა თქვენ, ყველანი, აქ, ჩემთან, ჩამოხვიდეთ და აქ საუკეთესო სწავლა-აღზრდა მივალე ბინო შვილებს. აქ ასობით ქართული ოჯახია და მათ შორის ჩვენც ვიქნებით..

თუ მართლა ქვეყნისათვის და ხალხისათვის კარგი უნდათ, თუ მართლა ხალხის კეთილდღეობისათვის იღვნიან, თუ ახალი ქვეყნის, კარგი ქვეყნის აშენება უნდათ, ახლა მაინც, ამდენი უბედური წლების შემდეგ, დათანხმდებიან ამ პირობაზე. არადა, მე კვლავ ჩემთვის, ისინი – თავისთვის. . . . მომავალი მაინც ბურჟუსითაა მოცული და ვის რას უქადის, არავინ იცის. ვინ იცის, დღეს ნაქცეული, იქნებ ფეხზე წამოვდგე და ვისმეს კვლავ დავჭირდე. მე ადამიანურად, კაცური კაცობით გადავუხდი...

კიდევ ბევრის მონერა შეიძლებოდა, მაგრამ ესეც კმარა. გნერთ პირდაპირ, გულ-ახდილათ, დაუფარავათ. ამას მაიძულებთ თქვენ,



თქვენი მრავალ-ტანჯული სურათი, რომელსაც ცოცხლათ უნდა ხედავდნენ ჩემი ყოფილი მეგობრებიც, მთელი კაცობრიობისათვის ბედნიერება რომ უნდათ. .

თუ მათ სიტყვასა და საქმეს შუა კვლავ დიდი ზღვარი მართლაც აღარ არის, თუ საშინელი ვნებათა ლელვის უბედური წლები წარსულს ეკუთვნის და მშვიდობიანი, მკვიდრი, სტაბილური მდგომარეობა უნდათ, არა მარტო მე, ბევრ სხვა ჩემისთანასაც გაუშელავათებენ მდგომარეობას, რითაც მხოლოდ მოიგებენ, არას წააგებენ.

ეს წერილი უჩვენეთ, წააკითხეთ მთავრობის წარმომადგენლებს, რომელთა შორის გერმანე მაგალობლიშვილიცა ყოფილა, როგორც ეს აქ ლიზა ჩერქეზიშვილმა გადმომცა. გადასცემთ მოკითხვასაც და სთხოვთ რჩევასაც; პასუხი ან თქვენ ან თვითონ მაცნობონ.

მის მეტს და ამაზე მეტს აღარას გწერთ, თუმცა ბევრის მოწერა შეიძლებოდა. მგონი საკმარისია თქვენთვისაც, სხვისთვისაც, მათთვისაც...

**იოსებ ირაგაშვილი**

## საყვარელო დაო ანეტავი!



შენმა გარდაცვალებამ გული მწვავეთ მატკინა, სული გამიშწარა. განსაკუთრებული სიცხოველით თვალწინ დამიდგა შენი გაცრეცილი სახის სურათი, თბილისის ახლო სადგურთან რომ ლოგინი გადმომეცი.

დაო ამნეტავ, სიღარიბე-სიღატაკეში და ამის გამო სიმწარეში გაატარე შენი სიცოცხლე, მაგრამ მოსიყვარულე, დური გული და სული იყავ, ყველა ჩვენთვის თავდადებული, თავ-განწირული...

ამიტომაცა გთხოვ, დაო, მაპატივო ყველაფერი, რაც შენ სიცოცხლეში ნებსით თუ უნებლიეთ განწყენინე. ვიცი, დაო, ანეტავ, რომ სულთამბრძავი შენ მაინც კვლავ ცოცხლებზე ფიქრობდი, ზრუნავდი!.. ეს იყო შენი სიცოცხლე და ასევე იქნები შენ უკვდავი მიცვალებულიც.

დაო, შენთვის ჩაგვიბარებია მარუსაც, ელენეც და სხვანიც... კვლავ შენებურათ მოუარე, იზრუნე. ჩვენი კატოც, ჩვენი ვაჟკაცური და, დაგეხმარება. საყვარელი ჩვენი დედ-მამაც ხომ მანდ არიან, დაო. ჩვენც მოვალთ, ჩვენც მოვალთ და კვლავ ყველანი ერთად ვიქნებით, გაერთიანებულნი სულნი, უკვდავნი სამარადისოთ. მანამ კი მშვიდათ განისვენე, დაო.

შენი გაუბედურებული ძმა იოსებ ირემაშვილი.

## საყვარელო, კარგო შვილო ელენე!

თავზე მეტი რომ დამცემოდა და აქ უცხო მიწაში თან ჩავეტანე, ან შარშან ავადმყოფობისას რომ მე გამოვსალმებოდი ამ გამწარებულ და აძალღებულ სიცოცხლეს, — ბევრათა სჯობდა შენს ასე უდროოთ სამარეში ჩასვლას ჩემ საყვარელ და დაუფინყარ მარუსას გვერდით!..

შვილო, ისედაც გამწარებული სიცოცხლე რად გამიშხამე, ჩემო იმედო და სასოებავ, რად მიღალატე, ფთები რად დამალენე!.. სიცოცხლე რად გამინახევრე?..

შვილო, ბუნების და განგების წესს რად გადაუხვიე, რატომ მე

არ უნდა დამიტურო ჩემმა კარგმა ელენემ?!.. რატომ მე უნდა ვეკითხებოდე და მოკლებული რატომ უნდა ვიყვე „ბედნიერებას“ ჩემი საყვარელი ელენეს საფლავეზე დატირებისა!..

შვილო, თვალი ვერ გამისწორებია შენი სურათისათვისათვის, შენგნით გამოგზავნილი დამჭკნარი ყვავილისათვის!..

შვილო, ნუგემათ დამრჩა... შენი ლამაზი, გრძნობით აღსავსე წერილები!..

შვილო, წერილებს არა გწერდით. არა უსიყვარულობისა, არამედ დიდი სიყვარულისა და მშობლიური სიფრთხილისა გამო!.. არ მინდოდა და არ მინდა, რომ ჩემ გამო თქვენ რამე დაგშავებოდათ, ან დაგიშავდეთ! აი, სწორეთ ამიტომაც მინდოდა... თვით გაყრაც კი!.. მდგომარეობა გვაიძულებდა!..

მაგრამ... ოჯახი და ისიც ქართველი ოჯახი სხვა რამ უძლიერესი ყოფილა... სულით, სისხლით შედუღებული, გაერთიანებული!..

შვილო, თქვენ ორნი დანი მანდ ერთადა ხართ; ჩვენ კი დროებით აქ, ზევით, დედამიწაზე!..

მაგრამ, უკვდავი, უძლიერესი სულით მაინც გაერთიანებული ვართ... მიცვალებულნი ცოცხლების და ცოცხლები მიცვალებულნის, — და არა მკვდრების, — სანუგეშებლათ!..

შვილო, ნუ იდარდებთ!.. ჩვენც მანდ მოვალთ; მარტოკებს არ დაგტოვებთ!..

შვილო, ჩემი ფიქრი, აზრი, გული და სული მაინც თქვენთან იქნება, გინდაც აქ უცხოეთში რომ ჩავყარო წამებული ძვლები!..

განისვენე, წყნარათ, მშვიდათ განისვენე ჩემო გულო, სულო ელენე... ჩემ მარუსას გვერდით!..

საუკუნოთ უკვდავი იყოს თქვენი ანგელოზური სული და სახსენებელი!..

შენგნით გულმოკლული და გაუბედურებული მშობელი იოსებ ირემაშვილი.

ბერლინი

იოსებ ირემაშვილის წინაპრები სამღვდლო პირები ყოფილან. ისტორიულ საბუთებში, მეცხრამეტე საუკუნის დასაწყისში, მოიხსენიება იოსების წინაპარი, დეკანოზი პართენი, რომელიც რუსსა და ურბნისში მოღვაწეობდა. ჩანს, სწორედ ამიტომ აირჩია ფსევდონიმად იოსებ ირემაშვილმა „პართენაშვილი“. დეკანოზ პართენის შვილი, სტეფანეც, სამღვდლო პირი იყო. სტეფანეს შვილი, გიორგი ირემაშვილი, იოსებ ირემაშვილის მამა, ურბნისის ეკლესიაში ჯერ მთავადიაკონი ყოფილა, შემდეგ კი მღვდლად უკურთხებიან (ირემაშვილების შთამომავლებს დღესაც „მთავრიანთ“ - ით მოიხსენიებენ).

სწორედ ურბნისში დაბადებულა იოსებ (სოსო) ირემაშვილი 1879 წელს. დედა — მარიამ კოპაძე, ღვთისმოსავი ქალი იყო. იოსებს ჰყავდა ორი და და ორი ძმა. უმცროსი ძმა, ვასო ირემაშვილი, შემდგომში გორში ცნობილი ადამიანი, წერილებს აქვეყნებდა მაშინდელ ქართულ პრესაში. ვასო 1937 წელს დახვრიტეს.

მშობლებს პატარა სოსო გორის სასულიერო სემინარიაში შეუყვანიან. ამ სემინარიაში შეიყვანეს იოსებ ჯულაშვილიც; აქ დაუშვებობრდა პატარა სოსო მეორე სოსოს, მომავალ სტალინს. ისინი თურმე ხშირად მიდიოდნენ ურბნისში და ეკლესიაში გალობდნენ.

გორის სასულიერო სემინარიის დამთავრების შემდეგ სოსოები თბილისის სასულიერო სემინარიაში ჩაირიცხნენ. აქ ეზიარნენ ახალ პოლიტიკურ იდეებს, ერთხანს ერთად ებრძოდნენ მეფის ხელისუფლებას. ერთხელ სოსო ირემაშვილს თავისი ბეშკობის მეგობარი ყაზბეგის რაიონის ერთ სოფელში თივის ზვინში დაუმალავს და ასე გადაურჩინია.

შემდეგ მეგობრები ბარიკადების სხვადასხვა მხარეს აღმოჩნდნენ ...ამის შესახებ წერს იოსებ ირემაშვილი თავის წიგნში „სტალინი და საქართველოს ტრაგედია“.

1911 წელს, როგორც განსაკუთრებით ნიჭიერი ახალგაზრდა (თუმცა ამ დროს ოცდაათ წელს იყო გადაცილებული და ცოლ-შვილიც ჰყავდა), უკვე სასულიერო სემინარიის მასწავლებელი, იოსებ ირემაშვილი, იაკობ გოგებაშვილს თავისი ხარჯით კიევში გაუგზავნია სასწავლებლად. კიევში დაუახლოვდა იოსები აკაკი წერეთელს, რომელმაც მისი ვაჟი, გიორგი, მონათლა (არ არის გამორიცხული, რომ აკაკი წერეთელს ი. ირემაშვილი უფრო ადრეც იცნობდა, აკაკი წერეთლისადმი მიწერილ წერილში ჩანს, რომ 1912 წელს სალიტერატურო საღამოში მონაწილეობის მისაღებად აკაკის მოწვევა სწორედ იოსებ ირემაშვილისთვის უთხოვიათ). კიევში იოსებს თან წაუყვანია ცოლ-შვილი და უმცროსი ძმა ვასო. მის ოჯახში იკრიბებოდნენ ქართველი სტუდენტები, რომლებიც იმ დროს კიევში სწავლობდნენ. სტუდენტებს დიდად შეეწეოდა ვინმე ლოსაბერიძე, კიველი კომერსანტი. იოსებ ირემაშვილმა დაამთავრა კიევის კომერციული ინსტიტუტი.

საქართველოში დაბრუნებისთანვე იოსები აქტიურად ჩაერთო საზოგადოებრივ-პოლიტიკურ ცხოვრებაში. როგორც წიგნიდან ჩანს, იოსებ ირემაშვილი სხვადასხვა დროს იყო მენშევიკური მთავრობის წევრი, დეპუტატი, დუშეთის კომისარი.

1921 წელს, ბოლშევიკური რუსეთის მიერ საქართველოს ანექსიის შემდეგ, იოსებ ირემაშვილი სხვებთან ერთად დააპატიმრეს, 1922 წლის შემოდგომაზე კი 62 პოლიტპატიმართან ერთად გერმანიაში გადაასახლეს.

მართალია, სოსო ირემაშვილი სოციალ-დემოკრატიული პარტიის მენშევიკური ფრთის წარმომადგენელი იყო, მაგრამ მას „ნაციონალისტ-უკლონისტად“ მოიხსენიებენ სტალინის ბიოგრაფიით დაინტერესებული ავტორები. საგულისხმოა, რომ სტალინის ყველა ბიოგრაფს ირემაშვილის წიგნი სანდო წყაროდ მიაჩნია და ხშირად იყენებს მას.

იოსებ ირემაშვილმა ცოლად შეირთო ხიდისთაველი ნდრა (საშა) ამბრიაშვილი. მათ შეეძინათ ხუთი შვილი. ორი მათგანი: მარიამი და რომანოზი ადრეულ ასაკში გარდაიცვალნენ, მარიამი 15 წლისა, რომანი — 3 წლისა. მამის გადასახლების შემდეგ ოჯახში დარჩა სამი შვილი: უფროსი ვაჟი, გორგი, 14 წლისა, ქალიშვილები: ელენე — 11 წლისა და — ეთერი, წლინახევრისა. ოჯახი უკიდურეს გაჭირვებაში ჩავარდა. ძალიან ხშირად სტალინის დედა, კეკე, ესმარებოდათ თურმე, — ან პატარა ეთერი მიჰყავდათ მასთან და დასაჩუქრებულს უშვებდა სახლში, ან მისი გამოგზავნილი სურსათი ურიკით მოჰქონდათ ირემაშვილებთან.

ერთ ხანს სოფლის იმედად იყვნენ, იქ მამაპაპისეული მიწა (მამული) ჰქონდათ და მოწეული ხილი თუ ბოსტნეული საარსებოდ ასე თუ ისე ჰყოფნიდათ. გოგი არ თავილობდა და მშენებლობაზე მუშაობდა მუშად. შემდეგ სწავლას მოჰკიდა ხელი და სამედიცინო ინსტიტუტში ჩაირიცხა.

მალე ჩამოართვეს ნაკვეთების დიდი ნაწილი, რაც დარჩათ, ისიც გაყიდეს.

1935 წელს ოჯახს ახალი უბედურება დაატყდა თავს: ელენე მშობიარობას გადაჰყვა; ეს ველარ გადაიტანა ორი შვილისა და მეუღლის დამკარგაგმა დედამ და დამბლა დაეცა. საშა ამბრიაშვილი 1942 წელს გარდაიცვალა.

მეორე მსოფლიო ომში გაიწვიეს გოგი. იგი ექიმად მუშაობდა ფრონტის წინა ხაზზე და მრავალ ჯარისკაცს შეუნარჩუნა სიცოცხლე. ბოლოს კიევის ფრონტზე იყო ქირურგად (ამ ქალაქს უკავშირდება ირემაშვილების ოჯახის ცხოვრების საუკეთესო წლები), სამჯერ დაიჭრა, ისევ ფრონტის ხაზს დაუბრუნდა. სახლში მას ხუთი უმწეო ქალი ელოდა: უმცროსი და ეთერი, მეუღლე ნინო და სამი მცირეწლოვანი ქალიშვილი. ამიტომ ეთერმა სტალინის მისწერა ასეთი შინაარსის წერილი: „მე თქვენი ბავშვობის მეგობრის, იოსებ ირემაშვილის, ქალიშვილი ვარ. ჩემი ძმა უკვე სამ წელზე მეტია ფრონტზეა, სამჯერ დაიჭრა. გთხოვთ,



ძია სტალინი, გამოუშვით ჩემი ძმა სახლში, მან ვალი უფლებები მოიხადა სამშობლოს წინაშე". შემდეგ გიორგი ასე იხსენებდა თავის განთავისუფლებას: „მთელი პოლკი გაგვამწვრივეს და გვი-  
თხრეს, რომ სტალინის საგანგებო ბრძანებას წაგვიკითხავდნენ, ყველა სულმოუთქმელად ელოდა ბრძანების წაკითხვას. ყურებს არ დავუჯერე, — უცებ ჩემი გვარი წაიკითხეს: ირემაშვილო, სამი ნაბიჯით წინ! გაოგნებულმა გადავდგი სამი ნაბიჯი. გაისმა მჭე-  
ქარე ხმა: „სტალინის ბრძანებით გამოგეცხადათ მადლობა, თქვენ უკვე მოიხადეთ ვალი სამშობლოს წინაშე და შინ დაბრუნების უფლება მოგეცათ“; „ვაშა“ — ქუხდა ჯარი. ასე დავბრუნდი სახლში.“

გიორგი ირემაშვილმა შექმნა შესანიშნავი ოჯახი, მას და მის მეუღლეს, ნინოს, ჰყავდათ სამი ქალიშვილი: ორი უფროსი — თამარი (ყუყუნა) და ციალა, მეცნიერებათა კანდიდატები და უმცროსი ნელი, — ულამაზესი და უნიჭიერესი პიანისტი, კონსერვატორიის ლექტორი.

ეთერ ირემაშვილი სხვადასხვა დროს რუსულ ენასა და ლიტერატურას ასწავლიდა თბილისის სხვადასხვა უმაღლეს სასწავლებლებში, იყო 57-ე საშ. სკოლის დირექტორის მოადგილე. მან შეუსრულა მამას დაპირება (1939 წელს მამამ წერილი გამოუგზავნა და სთხოვა: ისეთ ქართველს გაჰყვევი ცოლად, რომ სამშობლო უყვარდეს და კარგ ქართულ ოჯახს შექმნითო) და ცოლად გაჰყვა მართლაც არაჩვეულებრივ ქართველ ვაჟკაცს, იოსებ (გიგლა) კუხიანიძეს, საქართველოს დამსახურებულ ინჟინერს, ტექნიკურ მეცნიერებათა დოქტორს. მათ შეეძინათ სამი შვილი: უფროსი ავთანდილი, (ინჟინერი), და ორი მომდევნო ქალიშვილი: დარეჯანი, მეცნიერებათა კანდიდატი, დოცენტი, — ფესტივალ „ჩვენებურების“ კოორდინატორი და ერთ-ერთი დამფუძნებელი, და ივდითი — ჟურნალისტი, ფილოლოგი.

იოსებ ირემაშვილის შვილები აღარ არიან ცოცხლები. გიორგი 1985 წელს გარდაიცვალა, ეთერი — 1993 წელს. მისი ბოლო ჩანაწერი ასე იწყებოდა: „ჯერ არ მინდა მოკვდე, მინდა მოვე-

სწრო ჩემი სამშობლოს მკვდრებით აღდგომას”.

სოსო ირემაშვილის შვილიშვილები ახლაც თბილისში ცხოვრობენ და აქტიურ საზოგადოებრივ საქმიანობას ეწევიან.

## **ოჯახის ნაერთა მოგონებებიდან;**

**საშა (ალექსანდრა) ამბრიაშვილი—ირემაშვილისა:** სოსოს ბევრი მეგობარი ჰყავდა; განსაკუთრებით მინდა გავიხსენო ალიოშა სვანიძე (სტალინის ცოლის ძმა-რედ.), ლადო ახმეტელი, ივ. გომართელი, მარიჯანი, ზაქარია ფალიაშვილი. სოსოს უყვარდა მუსიკა. კარგად მღეროდა, უკრავდა. ზაქარიამ იცოდა ამის შესახებ და შესთავაზა, პიანინო ეყიდა. მართლაც, ერთად წავიდნენ ინსტრუმენტის საყიდლად; ზაქარიამ შეურჩია „კელერის“ ფირმის პიანინო და ყიდვაშიც დაეხმარა (ეს პიანინო დღესაც დგას ეთერ ირემაშვილის ოჯახში-რედ.).

სტალინი ჩვენი მეჯვარე იყო; კეკე ხშირად მოდიოდა ჩვენთან და საოჯახო საქმეებში მეხმარებოდა.

ერთხელ სოსომ კობა გადაარჩინა: თივის ზვინში დამალა.

სოსო სტალინის შვილის, იაკობის, მასწავლებელი იყო.

ერთ დღეს მთავრობის სხდომაზე სოსო წინადადებით შესულა, უთხოვია, დაენიშნათ მატარებელი „თბილისი-გორი“. ნოე ჟორდანიას უთქვამს: „რად გინდათ ქართლელებს ეგ მატარებელი, ჩასხედით (აქ უფრო შეურაცხყოფელი სიტყვა უხმარია) დასავლეთ საქართველოსკენ მიმავალ მატარებელში და ჩაგიყვანთ გორშიო.“

სოსო განაწყენებულა, აულია თავისი ხელჯოხი და კარი გამოუჯახუნებია.

სალამოს, სახლში გვიან დაბრუნებულ სოსოს, სადარბაზოში ვილაცის ლანდი დაუნახავს; უფიქრია, ალბათ ქურდიო და საჩხუბრად მომზადებულა (სოსო კარგი მოჭიდავეც იყო). „ქურდი“ ნოე ჟორდანია აღმოჩნდა: „ვიცი, განწყენინე, მაპატიე, ვისუშრე, მატარებელს ხვალვე დაენიშნავთო“, უთქვამს და, მართლაც, მალე დაინიშნა მატარებელი „თბილისი-გორი“.



**გიორგი (გოგი) ირემაშვილის მოგონებიდან:** პირველ ხანებში დაბეჯითებით გვთხოვდა, გაგვეყიდა ყველაფერი და წავსულიყავით მასთან (ეს იმ პერიოდში შესაძლებელი იყო). შემდეგ დიპლომების გაგზავნა გვთხოვა. გავუგზავნეთ. მამამ კარგად იცოდა რამდენიმე უცხო ენა. ბერლინის უნივერსიტეტისთვის სჭირდებოდა დიპლომები.

ბოლო ხანებში კომერციაში გაუმართლა, ამ დარგში ცოდნა და გამოცდილება არ აკლდა, კიევში დაამთავრა ინსტიტუტი. ერთ ხანს მინისტრის „ამხანაგიც“ კი იყო. შემდეგ ეს ცოდნა, ეტყობა, გერმანიაში გამოადგა, მალაზია გახსნა და სპარსული ხალიჩებით და ანტიკვარით ვაჭრობდა.

როგორც შემდეგ შევიტყვეთ, ომის დროს ბევრ ქართველ ტყვეს დახმარებია მამა.

**ეთერ ირემაშვილის მოგონებიდან:** გარკვეულ დროს მამასთან ურთიერთობა აღდგა, ეს ურთიერთობა, რა თქმა უნდა, წერილობით გვქონდა. ერთ-ერთ წერილში მთხოვდა, შენი სურათი გამომიგზავნეო. გავუგზავნე. მომდევნო ბარათში იწერებოდა: სურათი სასთუმალთან მიდევს, ძალიან მომწონს და მეამაყება, რომ მე მგავხარ, ჩემი გერმანელი დიასახლისი, ფრაუ რაბე, მეუბნება, ულვაშები აკლია, თორემ ნამდვილად თქვენი ასლიაო.

ერთ-ერთ ბოლო წერილში იწერებოდა: სტიპენდია დაგინიშნე, ყოველთვიურად გიგზავნი 50 მარკას და თითო საპარსულ ხალიჩასო. რა თქმა უნდა, არაფერი მიგვიღია.

მთელი ცხოვრება მაკლდა მამა, მენატრებოდა... მაინც მქონდა იმედი, რომ ცოცხალს ვნახავდი...

**მკითხველს:** გთავაზობთ სოსო ირემაშვილის შვილიშვილების წერილებს ბაბუასადმი.

სულაც არ ვფიქრობთ, რომ ამ წერილებით ახალ სიტყვას ვამბობთ ეპისტოლარულ ჟანრში, არც მწერლობაზე ვაცხადებთ პრეტენზიას, უბრალოდ გულწრფელად გვინდოდა გაგვეზიარებინა ამ წიგნის წამკითხველისთვის ჩვენი განცდები, დამოკიდებულება უცნობი პაპისადმი და გვეთქვა მარტივად:

დრო უსწრაფესად გადის; გადის კი არა გარბის. ამ სისწრაფეში თანდათან ვკარგავთ ფესვებს, ვკარგავთ წარსულს, არ ვიცით „ვისი გორისანი ვართ“; თანამედროვეობას გამოკიდებულთ ზოგჯერ გვესირცხვილება კიდევ წინაპრების გახსენება, მათზე საუბარი, ან უბრალოდ არ გვანტერესებს, ვინ იყვნენ ისინი, რითი სუნთქავდნენ, რა აწუხებდათ, როგორ უყვარდათ, ან სძულდათ. თითქოს, რაკი ისინი წარსულში დარჩნენ, აღარაფერი გვაკავშირებს მათთან.

განა აქვს მნიშვნელობა იმას, ცნობილი პიროვნება ან მოღვაწე იყო თუ არა ჩვენი ბაბუა? მნიშვნელოვანია სხვა რამ: ჩვენი დამოკიდებულება წარსულისადმი, წინაპრებისადმი, ბოლოს და ბოლოს ჩვენც წარსულად ვიქცევით, ჩვენი შთამომავლები კი (უკეთეს შემთხვევაში), მხოლოდ ერთ ტრივიალურ სადღეგრძელოში მოგვისხენიებენ ასე: „წინაპრების შესანდობარი შევსვათ“; ეს იქნება და ეს . . .

ჰოდა, გადავწყვიტეთ, შევუნახოთ წარსული მომავალს, ჩვენს მომავალს — შვილებსა და შვილიშვილებს.

ამიტომ მივწერეთ გარდასულ პაპას დაგვიანებული წერილები.

წამკითხველო, შენდობა თქვით სოსო ირემაშვილისა და შეგვიწოდეთ ჩვენც, თუ პირადი გრძნობებითა და ემოციებით ზედმეტად შეგანუხეთ.

## წერილი I

„უცხოთა ცის ქვეშ მარტოობს მისი საფლავი ობოლი,  
დაუტირავი ჩვენთაგან, ჩვენთვის კი დამინებული..“  
გრიგოლ ორბელიანი

ჩემო საყვარელო სოსო ბაბუა!

ბაბუ, შვილიშვილებში ყველაზე პატარა ვარ, მაგრამ არც ისე პატარა, არ მახსოვდეს, ან არ განმეცადოს ის ტკივილი, რაც ჩვენმა ოჯახმა, ჩვენმა დედიკომ ატარა. ჩემი წერილი არ გაგაკვირვებს, ბაბუ; შენც ხომ წერილებით იოხებდი ეულად შთენილ გულს, მარტოობას ამით უძლავდებოდი და უძლებდი უკულმა ტრიალს ამ წუთისოფლისას, რომელმაც „სადაური სად წაგიყვანა და, როგორც თავადვე ამბობ, გამწარებული, გაუბედურებული ცხოვრება გარგუნა უცხო მინაზე.

როცა შენს წიგნს ვკითხულობ, როცა იმ მძიმე წლების ამსახველ ფურცლებს ვშლი, ვხვდები, რომ უსამართლობის გამძაფრებული განცდა არასდროს გტოვებდა, შენი მებრძოლი, შეუპოვარი სული ოდნავადაც ვერ გატეხა მეტეხის ციხისა თუ „მოძრავი საპყრობილის“ ტყვეობაში გატარებულმა ვერც ერთმა წამმა.

გაურკვეველი მომავლის მოლოდინი რომ აღარ დაიღია, შიშმა, ადამიანურმა შიშმა შეგიპყრო — ვაითუ, უცხო მინაში ჩაყარო სამშობლოს სიყვარულითა და ტკივილით განვალებული ძვლებიო, ამ შიშს მეც ვგრძნობ, — თითქოს შიგნით, სხეულის სიღრმეში, რაღაც იღვრება, ინრიტება . . და მემამაეები, მაინც ასეთი ძლიერი რომ ხარ, ამ შიშშიც ძლიერი რომ ხარ, ბაბუ!

როცა წარმოგიდგენ მხრებში მოხრილს, დაპატარავებულს, გათანგულს — მებრალეები და ლამის წამლეკოს ამ სიბრალულმა . . ეს რა ქარბობალები გამოგივლია, ეს „...რა სიკვდილები გიგრძვნია“, ბაბუ.

ჩვენ არასოდეს გვღირსებია ვინმესთვის „ბაბუას“ თუ „პაპას“ დაძახება, არადა როგორი გყვოლიხარ ?!

ახლა აღარ ვიცი, შენი „გაცნობა-აღმოჩენა“ მადარდებდეს მახარებდეს . .

გვაპატიე, სოსო ბაბუა, შენს სამშობლოსა და კერიაზე დარჩენილ შვილიშვილებს, შენი სანუკვარი მამულის მინა რომ ვერ მოგაბნოთ გულზე!

თუმცა, ვინ იცის, ვინ იცის...

ივლით კუხინიძე

## წერილი II

### **დაგვიანებული წერილები პაპას ქალიან ინტიმური, გავშვური განცდებითა და მოგონებებით სავსე წერილი XIX საუკუნეში დაბადებულ პაპას XXI საუკუნიდან**

(უცხოები ნუ წაიკითხავენ)

მეც ბავშვობიდან მოვდივარ...

მახსოვს, პატარა ვიყავი, როცა „გიორგი სააკაძე“ ვნახე. გაოგნებული შევცქეროდი ეკრანს; შემიყვარდა მამაცი გიორგი, შევიძულე შაჰი და ისე შემძრა პაატას სიკვდილმა, რომ კარგა ხანს გულამოსკვნით ვტიროდი. . მერე დედა შეშფოთდა და დარწმუნება დამიწყო: პაატა არ მოუკლავთ, ეს მსახიობი იყო, ცოცხალია და აუცილებლად გაგაცნობო.

აი, ასე შემოვიდა ჩემში სამშობლო, ასე გაღვივდა პატარა გულში სიყვარული მამულისათვის თავდადებული გმირისა, ასე ვისწავლე სიძულვილიც.

განსაკუთრებით დამამახსოვრდა გიორგი სააკაძის ფარზე დაწერილი სიტყვები: „ბედნიერია ის, ვისაც სამშობლოსათვის უძგერს გული“. რატომ ვიხსენებ ამას? .

მაღე აღმოვაჩინე, რომ ჩვენი ოჯახი რაღაცას მალავდა, უფროსები ვილაცხაზე ჩურჩულით ლაპარაკობდნენ; დედას ხშირად აუცრემლიანდებოდა ხოლმე ლამაზი თვალები (დედა ძალიან ლამაზი ქალი იყო), ამ დროს ჩვენი ღრმადმორწმუნე დიდედა, მამის დედა,

მთელი ნათესაობის იმედი და უსათნოესი ადამიანი, ჩვენდა ადამიანი, ოცრად ვილაცას ასეთ წყევლას უგზავნიდა: „ამათი სისხლი გამრა, ამათიო“. მხოლოდ ერთ რამეს ვხვდებოდით: ჩვენი დიდე ვილაც ბოროტმა გააბრაზა, თორემ ასეთი სიტყვების თქმას როგორ იკადრებდა.

წამოვიზარდეთ და აღმოვაჩინეთ: დედა რეპრესირებული ოჯახის შვილი იყო, მენშევიკური მთავრობის წევრი ყოფილა მისი მამა, ჩვენი პაპა, იოსებ ირემაშვილი, რომელიც გერმანიაში გადაუსახლებიათ; 37-ში დაუხვრეტიათ პაპას ძმა, დედის ბიძა, ვასო ირემაშვილი, დიდედას ბიძა, მღვდელი სიმონ მჭედლიძე კი ბოლშევიკებმა სხვა სამღვდლო პირებთან ერთად დახვრიტეს (ქართულმა ეკლესიამ ისინი წმინდანებად შერაცხა), შემდეგ კი ჩვენი დიდი ბაბუა, დიდეს მამა, ასევე მღვდელი, ილარიონ ხოჯავა, ძალით გავრიტეს და სიკვდილის პირას მიიყვანეს.

ომის შემდეგ, ახალი რეპრესიები რომ დაიწყო, (ალბათ 1952 წელი იყო), ბუნდოვნად მახსოვს: დედა გაფითრებული მოვიდა სკოლიდან, სადაც რუსულ ენას ასწავლიდა. მამას უყვებოდა: „ჩეკისტები შემოვიდნენ შუა გაკვეთილზე, მეგონა, ჩემს წასაყვანად, ისინი კი ერთ-ერთ მოსწავლესთან მივიდნენ და ძალით გაყვანა რომ მოუნდომეს, მომვარდა: მიშველეთ, ეთერი მასწავლებლოო, – ვერ ვუშველე“. ვიგრძენით, დედას რაღაცის ემინოდა, მამა ამშვიდებდა. ეს იმდენად უჩვეულო იყო ჩვენი ოჯახისათვის, საიდანაც სიმღერის ხმა ხშირად ისმოდა, რომ ჩვენ, ბავშვებიც, დავიზაფრეთ და მივყუჩდით.

ასე გაიარა ბავშვობის წლებმა. ვიცოდით, რომ გყავდა ბაბუა, რომელიც სამშობლოდან გადახვენეს და რომელიც დედას არასდროს უნახავს. ვხედავდით, რომ ბევრი უცნობი და ნაცნობი ადამიანი მოდიოდა ჩვენთან სხვადასხვა ინფორმაციით, მაგრამ დედა ყველას იცილებდა. და ვიცოდით კიდევ, რომ ბაბუას ბავშვობის მეგობარი იყო ჩვენი ძია სტალინი, რომელიც ძალიან გვიყვარდა და რომლის სიკვდილიც ასე განვიცადეთ. ...მაგრამ



არ ვიცოდით, უნდა გვყვარებოდა თუ არა ჩვენი უნახავი პაპა, იოსებ ირემაშვილი, ტრაგიკული ბედის კაცი, რომლის ნაწიწკებსაც ახლა ასე გულისფანქვალთ ვკითხულობთ და რომელიც თურმე ასე გვიყვარს...

წინაპრის სიყვარულს ცოდნა არ სჭირდება თურმე, ეს სიყვარული გენეტიკურია და ისე მძლავრად აქვს ფესვები გადგმული, რომ ერთ მშვენიერ დღეს, სინანულით და ტკივილით რომ შეგეკუმშება გული, იგრძნობ — რამდენად ახლობელია შენი უნახავი პაპა შენთვის, და მიხვდები — რატომ გიყვარს ასე სამშობლო, რატომ აღმერთებდი გიორგი სააკაძეს, რატომ ტიროდი პაატას გამო, რატომ ჩაგრჩა გულში ფარზე დაწერილი სიტყვები..

...ვიცი, ვილაცას გაცინება, ვილაც იფიქრებს, ეს სენტიმენტალური განცდები რა საჭიროა, ვის სჭირდება 21-ე საუკუნეშიო. მერე რა, ვისაც რა უნდა, ის თქვას, მე კი ვიცი: მე მჭირდება, ჩემს და-ძმას და ბიძაშვილებს სჭირდებათ, ჩვენს შვილებს და შვილიშვილებს სჭირდებათ, ჩვენს მომავალს სჭირდება. ჰოდა, ახლა, ამდენი წლის შემდეგ, მინდა ვუთხრა ჩემს განვალბულ, უცხოეთში ძვლებჩაყრილ ნატანჯე პაპას: ჩემო ძვირფასო, უსაყვარლესო ადამიანო, ჩვენ ამ წუთისოფელში ავცდით ერთმანეთს, მე შენი გარდაცვალების შემდეგ დავიბადე; გვიან გავიგე ვინ იყავი, გვიან გაგიცანი, მაგრამ, მადლობა ღმერთს, ახლა უკვე მტკიცედ ვიცი: შენ ჩვენში ცოცხლობ, შენს უფროს შვილიშვილებში, სამ უნიჭიერეს ირემაშვილში, ჩვენში: შენი „მოლექსე ეთერას“ სამ შვილში. უფრო ადრე შენს შვილებში ცოცხლობდი; როცა შენს ნაწერებს ვკითხულობ, თვალწინ ისინი მიდგანან: ძია გოგი და დედაჩემი. ო, როგორ გგვანან თურმე; ემოციურები, პოეტურები (ორივე წერდა ლექსებს), ბავშვურად გულუბრყვილოები, კეთილები, იმდენად მოსიყვარულე გული ჰქონდათ, რომ ზოგჯერ არ გვემოდა მათი, რადგან უცხო ადამიანებთან გამოლაპარაკება და მათთან დამეგობრება ჰქონდათ ჩვევად; ჩვენი ე.წ. საზოგადოებისთვის კი ასეთი საქციელი სრულიად უცხო რამ

იყო. როცა ერთხელ ამ უჩვეულო საქციელის ახსნა ვთხოვე დედას, ერთი შეხედვით სრულიად მარტივი რამ მითხრა: შეიძლება მე მიყვარს ადამიანები. ახლა ვხვდები, რა მითხრა, ახლა, როცა ცხოვრების ნახევარი (თუ მეტი არა) შენს ხუთ შვილშივილს უკვე გავლილი გვაქვს;

შენი საყვარელი გოგი, შენი განგალა, ისეთი განსხვავებული მეთოდებით იღებდა და მკურნალობდა ავადმყოფებს, რომ სხვებთან აღარ მიდიოდნენ და იღგა მის კარებთან უწყვეტი რიგი პაციენტებისა; (სხვათაშორის, გაჭირვებული ავადმყოფებისათვის წამლებს საკუთარი ფულით ყიდულობდა თურმე და ამიტომ სხვა ექიმები „აუჯანყდნენ“), სახლშიც ბევრი აკითხავდა. ეს „განსხვავებული მეთოდიც“ ერთი შეხედვით სრულიად მარტივად შეიძლება ავხსნათ: გოგი ბიძიას ძალიან უყვარდა ადამიანები...

შენი შვილები არ გაბოროტებულან, შენი დაშორებით გამოწვეულ მრავალ დაბრკოლებას ვაჟკაცურად გაუმკლავდნენ, შექმნეს ნამდვილი ქართული ოჯახები (ეს ხომ შენი დიდი სურვილი იყო), არ დაუკარგავთ რწმენა, და სრულიად ბუნებრივად, ისე, რომ არც დაფიქრებულან ამაზე,

— რადგან ეს მათში შენგან და საშა ბებოსგან იყო, — ადამიანის ამქვეყნიურ დანიშნულებას და ვალს აღასრულებდნენ: უყვარდათ მოყვასი თვისი.

ჩვენო ძვირფასო ბაბუ, ჩვენო პაპა, შენი შვილებისათვის არასოდეს მომვედარხარ, ამას იმიტომ გწერ, რომ განსაკუთრებით მიმიძიძს ამ სტრიქონების წაკითხვა: „გაძვეებულებმა ჩვენი ღარიბული ბარგი გამოვიტანეთ, ზოგს არაფერი ებადა და არც ფული ჰქონდა. ცოლ-შვილს ვერ გამოვემშვიდობე. მე მათთვის უკვე მკვდარი ვიყავი“ და კიდევ: „მთანმინდავ, მე შენ დიდხანს ვერ გიხილავ, შეიძლება ვერც ვერასოდეს, მაგრამ სამშობლოს დამოუკიდებლობისთანავე ჩვენც დავბრუნდებით, საყვარელო ცოლო და შვილებო, იქნებ სამუდამოდ გცილდებით, რა ბედი გელით თქვენ?“.



შენი გარდაცვალების ამბავი ჩვენებმა 1964 წელს შეიტყვეს. დედა ოთახში ჩაიკეტა, არავინ შეგვიშვა . . . ორი დღე იმ ოთახიდან ზღუქუნის ხმა გამოდიოდა . . . ეტყობა იმედი მაინც ჰქონდა, ცოცხალი ეგულებოდი — დედას ხომ არასდროს უნახავხარ ჩვენც ვიტირეთ. დაგიტირეთ გარდაცვალებიდან 20 წლის შემდეგ. მაგრამ, ვაი რომ, არ ვიცით, სად არის შენი საფლავი, ..

ყველაზე მთავარი მაინც ისაა, რომ შენი შვილები და შვილიშვილები შენ გგვანან; მართალია, ზოგს ჩვენს დროში გაცვეთილი ჰგონია სიტყვები; „მამული,“ „სამშობლო“ „თავდადება“ (ეს უკვე სადღაც ვთქვი), მაგრამ ჩვენთვის ეს სიტყვები, და, რაც მთავარია, ცნებები მეტად ძვირფასია, ამიტომ კარგად გვესმის შენი, უფრო მეტიც, — ვამაყობთ შენით; ჩვენთვის არა აქვს მნიშვნელობა იმას, თუ რა შეცდომები იქნა დაშვებული თქვენი პარტიის თუ მთავრობის მიერ, ჩვენ შენ გაგიცანით, დავინახეთ და ვიგრძენით, რომ ძალიან გიყვარდა სამშობლო და მისი მომავალი ბედნიერებისათვის იბრძოდი. ეს იყო შენი მოქმედებების და საქმიანობის მთავარი მამოძრავებელი ძალა. შენი პრინციპულობა, დაუმორჩილებლობა, თავგანწირვა მაგალითია ჩვენთვის; ვამაყობთ იმითაც, რომ „ბილნთ არ შეეკარ ზავითა“ და იმითაც, რომ ღალატის სანაცვლოდ დაბრუნება არ ისურვე. შენ ჩვენთვის გმირი ხარ, პაპა!

დაბოლოს, სამშობლოს დამოუკიდებლობისთანავე ჩვენც დავბრუნდებითო“, რომ წერ — შენ დამოუკიდებელ საქართველოში დაბრუნდი, პაპა, დაბრუნდი ამ შენი პატარა წიგნით, შენი განცდებით — შენი სიყვარულით, შენი ტკივილით, შენი სიმარტოვით . . .

**გვიყვარხარ, პაპა!**

**შენი შვილიშვილი**



# ფოტოალბომი





ფოტო I

გორის სასულიერო სემინარია.  
ზემოთ სოსო ჯულაშვილი,  
ქვემოთ სოსო ირემაშვილი.



ფოტო II



თბილისის სასულიერო სემინარია  
ზემოთა რიგში მარჯვნიდან მეორე სოსო ჯულაშვილი  
პირველ რიგში მარცხნიდან პირველი სოსო ირამაშვილი



კიევი

იოსებ ირამაშვილის ოჯახი  
და კიევის სტუდენტი ქართველობა  
მესამე რიგში მარცხნიდან მეორე ზის მეცნატი ლოსაბერიძე



ალექსანდრე (საშა) ამბრიაშვილი - ირემაშვილისა,  
გოგი, ელენე და პატარა ეთერი



იოსებ ირემაშვილი  
ბერლინში  
(გადასახლების  
პირველი წლები)


კიევი



იოსებ ირემაშვილის

ოჯახი

ზემოთ დგას იოსების ძმა  
ვასო ირემაშვილი



გიორგი და მისი ქალიშვილები  
ციალა და შუშუნა

გიორგი და მისი მეუღლე  
ნინო ღარჩიაშვილი



დედა-შვილი ჟუჟუნა და ნინო ირემაშვილები

### ვეძღვნი უცნობი პაპის სსოვნას

პარიზთან ახლო, სოფელ ლევილში, თითქოს პატარა ივერთ მხარეა, აქ შორი მხრიდან გადმოხვენილთა, თავშენირულთა სასაფლაოა.

ვდგავარ მდუმარე და თითქოს ვხედავ: ნინაპრის სული თქვენს საფლავებს ლოცვით გადუფრენს .  
და ვიცი, მჯერა,  
რომ თქვენ\_ ღირსეულთ,  
სამშობლო სსოვნის სანთლებს დაგინთებთ.

როგორ გიმძიმდათ თქვენ განშორება ქართული სხივით გამთბარ მინასთან, და ვით შესძელით გამოთხოვება, თქვენს ვარძიასთან და თქვენს გელათთან.

დაემშვიდობებთ, ო, მაგრამ სული ვერ გაიყოფა თურმე ნაწილად, "თქვენ ერთი გქონდათ საწყისი სრული და უცნაურმა ბედმა გაგწირათ"...



ციალა ირემაშვილი

ნელი ირემაშვილი



ნელი ირემაშვილი



ეთერ ირაგაშვილი



ეთერ ირაგაშვილი და გიგლა (იოსებ) კუბიანიძე





ბერლინში გაგზავნილი სურათი




ეთერ ირემაშვილი  
შვილებთან  
ავთანდილთან და დარეჯანთან  
ერთად





ივლით კუხიანიძე

ი 32 / 1419





ავთანდილ კუხიანიძე

უუუუნა ირეაგვილი



დარეჯან კუხიანიძე





**LEGENDE**

- o. Villies, villages
- ~ Rivieres, fleuves
- Chemins de fer
- Routes, principaux chemins
- Frontières des territoires revendiqués par la Géorgie
- Frontières lors de la dernière indépendance
- Régions occupées par les Turcs en 1921
- Districts principaux suivies par les forces rouges

გეორგიის რესპუბლიკის დასაბრუნებლად 1921 წლის